

皇
清
經
解

皇清經解卷五百零六

學海堂

爾雅正義

餘姚邵編修音涵著

釋言第二

正義大戴禮記四代篇云發志爲善發言定名古謂之名今謂之字說文云直春國言釋名云

言宜也宜彼此之意也上篇釋詁有十餘名而同一實者此篇所釋或連舉二字或祇釋一言惟滷於鹹苦也三言連舉爲異耳古有以一句爲一言者左氏定四年傳趙簡子稱子太叔語我九言論語云一言以蔽之曰思無邪皆以一句爲一言也然論語卽有以一字爲一言者子貢問有一言而可以終身行之者乎子曰其恕乎以恕字爲一言也戰國策云臣請三言而已曰海大魚左傳疏引易說云伏羲作十言之教曰乾坤震巽坎離艮兌消息是則一字爲一言其來已久漢書東方朔傳云臣朔固已誦四十四萬言亦以字計也此篇通古今之訓義多爲釋詩而作

殷齊中也註書曰以殷仲春釋地曰距齊州以南

正義上篇開章言始此篇

開章言中兩篇相承之義也殷者禹貢云九江孔殷史記夏本紀作九江甚中秋官大行人云殷相聘也齊者舜典云以

齊七政史記正義引尚書大傳云齊中也左氏文十八年傳云齊聖廣淵註書曰至以南○正義以殷仲春堯典文釋文引馬融鄭康成註皆云殷中也距齊州以南見下釋地篇郭註亦見下

斯該離也

註齊陳曰斯該見詩

正義詩釋文引孫炎曰斯析之離說文云該離別也列子黃帝

篇不知斯齊國幾千萬里言離去中國也穀梁僖四年傳云於是咳然外齊侯也咳然離散之貌該咳音義同註齊陳至見詩○正義齊陳曰斯方言文陳風墓門云斧以斯之廣雅云斯離分也韓非子說林云斧離數創皆言離析也該見詩者舊疏引小雅巷伯云咳兮侈兮

謾興起也

註禮記曰尸謾

正義說文云起能立也言作而起也謾者列子黃帝篇則未嘗見舟而謾

操之者也玉篇云謾起兒是也興者益稷云率作興事註禮記曰尸謾○正義士虞禮云祝入尸謾士虞禮記云尸謾祝前鄉尸亦見祭統

還復返也

註皆迴返也正義說文云返還也還復也易雜卦傳云復反也轉相訓也

宣徇徧也

註皆周徧也正義說文云徧而也言周而也宣者大雅文王云宣昭義問淮南時則訓必宣

以明徇者史記五帝本紀幼而徇齊索隱云幼而才智周徧且辯給也墨子公孟篇思慮徇通徇本作旬江漢云來旬來

宜毛傳旬徧也

說文云旬徧也

駟遠傳也註皆傳車駟馬之名

正義傳乘傳也今通謂之驛說文云駟驛傳也驛置騎也傳遠

也遠傳也玉藻云士曰傳遽之臣鄭註傳遽以車馬給使也左氏僖三十三年傳云使遽告于鄭昭二年傳云乘遽而至成五年傳云以傳召伯宗晉語云遽人來告列子說符篇使遽人來謁之皆言驛也驛又通作繹大雅常武云徐方繹駟鄭箋徐國傳遽之驛註皆傳至之名○正義左傳疏引舍人云駟尊者之傳也案文十六年傳云楚子乘駟故以為尊者之傳然襄二十一年傳云乘駟而見宣子二十七年傳云子木使駟謁諸王二十八年傳云吾將使駟奔問諸晉則駟不專屬尊者矣左傳疏又引孫炎云傳車駟馬詩江漢釋文云以車曰傳以馬曰遠顏師古漢書註古者以車謂之傳車其後又單置騎謂之駟騎此言漢制鄭註秋官行夫云傳遽若今時乘傳騎驛而使者是也古無單騎郭意以車馬可以互見不必分屬較孫義為長釋文引郭氏音義云駟木或作遙聲類云古駟字同

蒙荒奄也註奄奄覆也皆見詩

正義說文云奄覆也謂掩覆也蒙者方言云蒙覆也說文作冡

覆也左氏襄十四年傳云蒙荆棘杜註蒙冒也說文云冒冢而前也荒者書疏引孫炎云荒大之奄益稷云惟荒度土功鄭註荒奄也註皆見詩○正義鄒風君子偕老云蒙彼縹緜謂以縹緜覆體也魯頌閟宮云遂徐荒宅又喪大記云黼荒鄭註荒蒙也在上曰荒蓋取其相奄覆故曰荒

告謁請也

註皆求請也

正義請謁告也已見釋詁告謁又為請轉相訓也

肅雍聲也

註詩曰肅雍和鳴

正義小雅鴻雁云肅肅其羽也風有苦葉云離離鳴雁皆言聲音

單舉其文亦為聲註詩曰肅雍和鳴○正義周頌有瞽文

格懷來也

註書曰格爾眾庶懷見詩

正義來格懷至也已見釋詁格懷又為來轉相訓也

方言云格來也自關而東周鄭之郊齊魯之間或謂之格或曰懷格格古通用註書曰至見詩○正義格爾眾庶湯誓文

懷見詩者齊風南山云易又懷止鄭箋懷來也夏官之屬懷方氏鄭註主來四方之民

眡底致也

註皆見詩傳

正義眡告也底止也已見釋詁眡底又為致義相成也曲禮云眡於鬼神鄭註

眡致也眡或為祗禹貢云覃懷底績史記夏本紀作覃懷致功左氏昭三十年傳云明底其情祗底致三字以音相近為

義也註皆見詩傳。正義眇訓爲致，今於毛傳無考，疑在齊魯韓詩。周頌武云：「耆定爾功。」毛傳耆致也。釋文耆毛音指左氏宣十二年傳云耆昧也。

杜註耆致也致討於昧

侈怙恃也註今江東呼母爲侈

正義說文云恃賴也。侈者廣韻云恃事曰侈。龍龕手鑑引舊註

云侈恃事自侈也。荀子非十二子篇：「檢然侈然，楊倥註侈然恃尊長之貌。怙者諡法解云怙恃也。左氏宣十五年傳云怙其雋才，定四年傳云無怙富無恃寵。」註今江至爲侈。正義小雅蓼莪云：「無父何怙，無母何恃。」釋文引韓詩云怙賴也。恃負也。郭氏引方俗語以證侈有母稱也。方言云南楚澤滸之間謂婦妣曰母侈，稱婦考曰父侈。廣韻侈侈皆承紙切。其義同也。侈本作侈。說文云侈恃也。

律述也註皆敘述也方俗語耳

正義釋詁云述循也。說文云述循也。詩疏引爾雅作聿曰

述也。律與聿通。通與曰通。孫炎云述古述字。讀聿是也。小雅角弓云：「見覲曰消。」大雅抑云：「日喪厥國。」釋文引韓詩作見覲。聿消聿喪。厥國文王有聲云：「述追來孝。」禮器引作聿追來孝。縣云：「子曰有先後。」子曰有奔奏。楚詞章句引作子聿有奔走。子聿有先後。文王云聿修厥德。漢書東平思王傳引作述修厥德。註皆敘至語耳。正義中庸云上律天時。鄭註律述也。

又鄭註春官典同亦云律述氣者也史記索隱引釋名云律述也所以述陽氣也郭云方俗語者言其聲相近也

俞奮然也

禮記曰男唯女俞奮者應也亦為然

正義堯典云帝曰俞史記

五帝本紀凡書作曰俞者皆作曰然祭義云如語焉而未之然鄭註如有所以語親而未見答廣雅云對奮也曹憲云今人以答字為對答失矣註禮

記至女俞。正義內則文

豫臚敘也

皆陳敘也 正義說文云敘次第也鄭註鄉射禮云今文豫為序釋地釋文引春秋元命包

云豫之言序也晉語云豫而後給又云風聽臚言于市韋註臚陳也史記六國表臚于祭祀又周禮象胥于賓註云今鴻臚漢書蘇林註上傳語告下曰臚韋昭註臚陳敘也莊子釋文引向秀註從上語下曰臚傳是也臚通作旅燕禮云賓以

旅酬於西階上 鄭註旅序也

庶幾尙也

註詩曰不尙息焉

正義下文云庶幸也詩疏引易說云幾覲也是庶幾者幸覲之意也

說文云尙庶幾也徐鍇繫傳云春秋左傳曰尙克知之庶幾知之也左氏襄十六年傳云引領西望曰庶幾乎註詩曰不

尙息焉。正義 小雅菀柳文

觀指示也

註

國語曰且觀之兵

正義說文云示所以示人也穀梁隱五年傳云非常曰觀仲尼

燕居云其如指諸掌而已乎註國語至之兵。正義周語祭公謀父之辭

若惠順也

註

詩曰惠然肯來

正義釋詁云順攸也釋名云順循也循其理也堯典云欽若昊天史

記作敬順昊天舜典云亮采惠疇禮運云長惠幼順註詩日至肯來。正義邶風終風文

敖慙傲也

註

禮記曰無慙無敖傲慢也

正義說文云傲倨也倨不遜也小雅桑扈云彼

交匪敖漢書五行志引作匪傲匪傲巧言云昊天太慙鄭箋于甚傲慢石經慙作慙古字通註禮記至慢也。正義無慙無敖投壺文傲訓爲慢者釋名云漫也漫漫無所限也

幼鞠穉也

註

書曰不念鞠子哀

正義方言云穉年小也說文云幼少也曲禮云十年曰幼鞠通

作警幽風警子之閔斯毛傳警稚也詩疏引郭氏音義云鞠一作毓石經穉作稚註書曰至子哀。正義周書書誥云兄

亦不念鞠子哀

逸僇過也

註

書曰汝則有逸罰

正義言過失也說文云逸失也愆過也酒誥云不惟自息乃逸

牧誓云不愆於六步七步史記作不過六步七步左氏哀十六年傳云失所爲愆註書曰至逸罰正義舊疏引書盤庚云惟予一人有佚罰費誓云汝則有常刑無云汝則有逸罰者帥讀不同故也誓與愆同大雅抑云不愆于儀繹衣引作不誓于儀

疑休戾也註戾止也疑者亦止

正義釋詁云戾止也疑者鄉射禮云賓升西階上疑立鄭註疑

止也大雅桑柔云靡所止疑鄭箋無有止息時休者說文云休息止也月令云毋休于都

疾齊壯也註壯壯事謂速也齊亦疾

正義釋詁云齊速疾也疾齊又爲壯力義相成也墨

子尚賢篇有力者疾以助人淮南說山訓力貴齊知貴捷皆與速同義壯本或作莊大雅云思齊太任毛傳齊莊也疏以爲釋言文內則云進退周旋慎齊鄭註亦云齊莊也

械褊急也註皆急狹

正義說文云忍褊也械急以聲相近爲義也古音械戒棘革極急通用檜風云棘人

樂樂兮讀詩記引崔靈恩集註作械人小雅六月云我是用急鹽鐵論引作我是用戒大雅文王有聲云匪棘其欲禮器引作匪革其猶檀弓云夫子之疾革矣文選註引倉頡篇云革戒也淮南覽冥訓安之不極高誘註極急也褊者廣雅云

編狹陋也魏風葛屨云維是褊心左氏昭元年傳云以敝邑褊小莊子山木篇雖有褊心之人皆言急狹也

買買市也

註交易物爲買詩曰抱布買絲

正義說文云市買賣所之也貿易財也買

賈市也一日坐賣售也白虎通義云賈者固也言固物以待民來求其利也鄭註地官司市云通物曰商居賣物曰賈左氏昭十三年傳云如市賈焉註交易至買絲。正義今本闕交易物爲買五字今据眾經音義所引郭註增補詩衛風氓文

匪陋隱也

註禮記曰匪用席書曰揚側陋

正義釋詁云隱微也說文云隱蔽也匪者

喪大記云甸人取所徹廟之西北匪薪用爨之疏引熊安生云匪謂西北隅匪隱之處徹取屋外當匪隱處薪陋者左氏成八年傳云辟陋枉夷陋本或作漏大雅抑云尙不愧于屋漏鄭箋漏隱也疏以爲釋言文案釋宮云西北隅謂之屋漏與喪大記所云西北匪者其義相通註禮記至側陋。正義儀禮士虞禮有司徹俱有匪用席之文鄭註匪隱也于匪隱之處從其幽闇特牲饋食禮云匪用筵註作禮記疑傳寫之訛書曰揚側陋堯典文

過遼逮也

註東齊曰過北燕曰遼皆相及逮

正義釋詁云逮及暨與也過本作曷

小雅四月云曷云能穀毛傳曷逮也逮本作逝邶風日月云逝不古處毛傳逝逮也通作噬唐風有棘之杜云噬肯適我毛傳噬逮也釋文引韓詩作逝逝及也則噬本亦作逝今作遂或體字也註東齊至日遂。正義方言云蝸噬逮也東齊日蝸北燕日噬逮通語也郭註蝸作邊噬作遂音義同

征邁行也註詩曰王于出征邁亦行正義說文云征正行也邁遠行也泰卦云拔茅征吉

周頌云時邁其邦註詩曰至出征。正義小雅六月文

圯敗覆也註謂毀覆正義釋詁云圯毀也又為覆也說文云敗毀也覆覆也左氏僖十五年傳云侯車敗

謂車覆也

荐原再也註易曰水荐至今呼重蠶為蠶正義說文云再一舉而二也廣韻云再重

也舊疏引孫炎云荐草生之再也左氏襄二十二年傳云不虞荐至杜註荐仍也文王世子云末有原鄭註原再也註易曰至為蠶。正義水荐至坎卦象辭夏官馬質云禁原蠶者舍人本作蠶

撫救撫也註撫愛撫也救寧見書正義說文云撫安也謂愛而相安也撫本作改說文云改

撫也讀與撫同又云枚撫也周書曰亦未克枚公功讀若弭
案說文引書洛誥之文周禮疏引鄭註云枚安也撫訓爲安
枚亦訓安轉相訓也註撫愛至見書正義方言云撫愛也
韓鄭曰撫說文引之方言又云宋衛邠陶之閒曰撫郭氏取
方言爲釋也枚寧見書者大誥云予翼以于枚寧武圖功

臞球瘠也

註齊人謂瘠爲球

正義瘠說文作臞瘠也周禮大司

年傳云瘠則甚矣杜註瘠瘠也臞者史記索隱引舍人云臞
瘠也文選註引舊註云臞肉之瘠也說文云臞少肉也韓非
解老云子夏內戰而臞臞者說文云齊人謂瘠腹爲臞
臞臞也與郭註同玉篇云齊人謂瘠腹爲臞

枕頰充也

註皆充盛也

正義釋詁云崇充也此篇又釋枕頰俱
爲充也說文云枕充也義本爾雅釋文

云孫本作光堯典云光被四表周語云故能光有天下韋昭
註光大也淮南修務訓段干木光於德寡人光於勢皆言充
也光通作橫戴震曰樂記號以立橫鄭註橫充也孔子閒居
篇以橫於天下鄭註橫充也堯典古本必有作橫被四表者
橫被廣被也漢書王莽傳昔唐堯橫被四表後漢書馮異傳
云橫被四表高誘淮南註橫讀枕車之枕是其證案祭義云
溥之而橫於四海淮南原道訓橫之而彌於四海橫光聲相
近故漢人稱橫門爲光門後世猶沿其舊矣頰光也已見釋

詰通作耿晉語云其光耿於民矣

婁暱亟也

註親暱者亦數亟亦數也

正義鄭註少儀云亟數也釋文云婁又作屢今經傳

通作屢益稷云屢省乃成暱者左氏成十三年傳云暱就寡人暱本或作昵眾經音義引爾雅云昵亟也親昵亦數也

靡罔無也爽差也爽忒也

註皆謂用心差錯不專一俛貳也

俛次為副貳

正義衛風氓云靡室勞矣又云土也罔極又云女也不爽土貳其行此釋之也毛傳靡無也爽

差也俱本爾雅無說文作𤝵亡也奇字作无谷風云何有何亡地官司市云亡者使有亡與無古通用益稷云罔水行舟

史記作無水行舟靡罔皆義之常行者故郭氏無註忒說文作慙失常也周語云實有爽德月令云無或差貨豫卦傳云

四時不忒鄭註忒差也是差忒義相通也俛者說文云俛伏也鄭註特牲饋食禮云次猶貳也次次音義同註皆謂至專

一○正義大雅瞻卬云鞠人忒忒疏引孫炎云忒變雜不一郭註本孫炎言差忒皆變雜不一也○俛次為副貳○正義

鄭司農註天官小宰云貳副也說文云貳副益也文選司馬子長報任少卿書云僕又俛之蠶室注引如淳曰俛次也若

人相次也

劑翦齊也註南方人呼翦刀爲劑刀

正義齊者斷也說文云劑齊也義本爾雅又云翦齊

斷也亦本爾雅爲義天官小宰聽賣買以質劑劑者所以斷其不齊也秋官之屬有翦氏鄭註翦斷滅之言也魯頌閟宮云實始翦商毛傳用爾雅鄭箋翦斷也註南方至劑刀正義說文繫傳引字書曰翦刀劑也

饋餽稔也註今呼貨餽爲饋饋均熟爲餽

正義大雅泂酌云可餽餽餽氣流也釋名云饋分也眾粒各自分也釋文引字書

疏引孫炎曰蒸之曰饋均之曰餽說文云餽猶餽也餽或作饋饋一蒸米也詩疏誤以字書爲說文舊疏復仍其誤玉篇

云饋半蒸飯餽飯氣蒸也釋文云稔字又作任說文云任大

熟也稔亦訓熟故饋餽爲稔也註今呼至爲餽正義詩疏引郭註云今呼餐者修飯爲饋饋均熟爲餽者修二字當作

音修舊係旁註混入正文監本闕均字今據補郭氏以餐飯爲饋據時俗語也廣雅云饋謂之餐釋文引倉頡篇云餐饋

也孔疏蒸米謂之饋饋必饋而熟之故言饋餽

媵將送也註左傳日以媵秦穆姬詩曰遠于將之

正義說文云送遣也籀文

作遊媵說文作倂云送也呂不韋曰有侁氏以伊尹倂女後漢書註引孫炎云送女曰媵是也將者詩疏引孫炎云將行

之送也鄭風丰云悔予不將兮文子符言篇來者不迎去者不將是也又燕禮云媵觚于賓咸卦傳云媵口說也天官小宰云裸將之事公羊文十五年傳云荀將而來也媵將俱訓為送也註左傳至將之○正義以媵秦穆姬僖五年傳文遠

于將之邨
風燕燕文

作造為也

正義說文云作起也造就也皆與為義相通穀梁僖二十年傳云作為也禹貢云大陸既作史記作大陸

既為王風兔爰云尚無造毛傳造偽也大雅思齊云小子有造毛傳造為也為偽古通用

養餼食也

註方言云陳楚之閒相呼食為養也所以自生殖也正義釋名云食殖

養餼俱訓為食說文云養餼也餼乾食也周書曰峙乃餼糧徐鍇繫傳云詩乾餼以愆今人謂飯乾為餼案說文引書費

誓之辭也今本作峙乃糗糧釋名又云餼侯也侯人饑者以食之也註方言至為養○正義方言云養食也陳楚之內相

謂而食麥饘謂之養說文云陳楚之閒相謂食麥飯曰養與郭註所引字句微異

鞠究窮也

註皆窮盡也見詩通正義說文窮極也鞠作鞫窮也又鞠盤庚云爾惟自鞠自苦墨

子尚賢篇云大用之天下則不究小用之則不困註見詩○正義大雅瞻卬云鞠人伎忒蕩云靡屆靡究

溷矜鹹苦也註溷苦地也可矜憐者亦辛苦苦即大鹹正義釋各云苦

吐也人所吐也溷說文作鹵西方鹹地也東方謂之廣西方謂之鹵玉篇云溷苦地也書曰海濱廣溷本亦作斥按今本

禹貢作廣斥與玉篇所引異左氏襄二十六年傳云表淳鹵矜者廣雅云溷矜大也是矜與鹵義同釋文作鹵本又作矜

玉篇云鹵苦也鹹者說文云鹹銜也北方味也註可矜至大鹹正義舊疏引小雅鴻雁云爰及矜人毛傳云矜憐也苦

即大鹹者淮南地形訓鍊苦生鹹

干流求也註詩曰左右流之流覃也覃延也註皆謂蔓莖相被

及正義干者公羊定四年傳云以干闔廬何休註不待禮見曰干孟子公孫丑篇則是干澤也荀子議兵篇皆干祿蹈

利之士皆言求之亟也流訓爲求以聲相近爲義流又訓覃覃訓爲延轉相訓也樂記云流而不息大雅蕩云覃及鬼方

註詩曰至被及正義左右流之周南關雎文葛覃疏引王肅云葛生於此延蔓於彼廣雅云蔓長也莖徧也釋文云覃

本又作尋孫炎云右覃字同

佻偷也註謂苟且正義小雅鹿鳴云視民不僇毛傳僇偷也僇

佻二字俱从心今本爾雅俱从人說文徐鍇

本引詩作不佻佻儉也儉薄也佻字从人儉字从心當從之
左氏昭十年傳云佻之謂甚矣疏引李巡云佻儉薄之儉也

論語云則民不偷包氏云不偷薄也俱訓為薄與郭異註
謂苟且○正義左傳疏引孫炎云偷苟且也郭註本孫炎

潛深也潛深測也註測亦水深之別名也正義廣韻云潛水伏流

矣潛深又皆訓為測說文云測所至也玉篇云廣深
日測淮南說林訓以篙測江篙終而以水為測惑矣

穀鞠生也註詩曰穀則異室正義釋詁云穀善也此篇上文云

續也言其生生不已也釋詁又云育養也鞠與育古字通方
言云鞠養也陳楚韓鄭之閒曰鞠小雅蓼莪云母兮鞠我註

詩日至異室○正義王風大車文

啜茹也註啜者拾食正義方言云茹食也吳越之閒凡貪飲食

為茹說文云啜嘗也釋名云啜絕也乍啜而絕於口
也檀弓云啜菽飲水禮運云茹其毛是啜即茹也

茹虞度也註皆測度也詩曰不可以茹正義釋詁云度如謀也

通已見釋詁虞者西伯戡黎云不虞天性史記集解引鄭註
云不度天性孫子云以虞待不虞者勝註詩日至以茹○正義

義地風
相舟文

試式用也註見詩書

正義說文云用可施行也試者論語云吾不試也者戰國策云式於政不式於勇高

誘註式用也註見詩書○正義小雅大東云百僚是試商頌長發云帝命式于九圍舜典云明試以功盤庚云式敷明德

誥誓謹也註皆所以約勤謹戒眾

正義說文云謹慎也釋詁云誥告也誥誓又爲謹也釋名

云上勅下曰告告覺也使覺悟已意也誓者說文云約束也釋名云誓制也以拘制之也秋官士師云誓用之于軍旅誥

用之于會同誥或作詰大司寇云誥四方鄭註誥謹也呂刑云以詰四方

競逐疆也註皆自勉疆

正義釋名云疆疆也大雅桑柔云職競用力鄭箋競逐也左氏昭元年傳云諸

侯逐進杜註逐猶競也皆言有力而疆也說文云競疆語也

禦圍禁也註禁制

正義禦圍古字通大雅蒸民云不畏強禦漢書引作強圍柔柔云孔棘我圍鄭箋云圍當

作禦管子輕重甲篇莫之能圍墨子辭過篇引先王作宮室之法日邊足以圍風寒眾經音義引舍人云禦圍謂未有而

預防之也

室蕤塞也

註謂塞孔穴正義說文云窳室也塞閉也鄭註禮記云塞猶實也室者幽風七月云穹室熏

鼠東山云洒掃穹室毛傳鄭箋皆云塞也說文繫傳引解嘲曰室隙蹈瑕蕤者說文云瘞也釋天云祭地曰瘞蕤是也省作狸大宗伯云以狸沈祭山林川澤通作埋祭法云瘞埋於秦折

黼黻彰也

註黼文如斧黻文如兩已相背正義益稷云黼黻此釋之也考工記云白

與黑謂之黼黑與青謂之黻說文云黼黑與白相次文黻白與青相次文又云彰文彰也廣韻云彰明也言其繡文著明故左氏桓元年傳云火龍黼黻昭其文也註黼文至相背○正義下篇釋器云斧謂之黼孫炎云黼文如斧形蓋半白半黑似及白而身黑黻謂刺繡爲已字相背以青黑線繡郭註本孫炎鄭註明堂位云韍冕服之韠也舜始作之以尊祭服禹湯至周增以畫文是黻亦用畫文也

膺身親也

註謂躬親正義少儀云執箕膺搗鄭註膺親也弟子職作執箕膺搗玉藻云弗身踐也言弗親

前翦也

愷悌發也

註發發行也詩曰齊子愷悌正義愷當作闓說文云闓明也悌當從古文尙

書作圍周禮疏引鄭註洪範云色澤而光明也史記宋世家引作涕蓋字本作圍通作愉史記本因形訛而作涕今本尚書又因聲訛而爲驛說文引書而爲之解曰圍升雲半有半無與鄭義同也詩疏引舍人李巡孫炎郭璞皆云闈明發行案諸家以闈爲明是也發訓爲行以釋闈圍之義稍爲迂曲高頌釋文引韓詩云發明也是發有明之義故闈圍訓爲發也齊風釋文又引韓詩云發且也且亦明也註詩日至豈儉○正義齊風載馳文毛詩作豈弟鄭箋豈弟猶言發夕也豈讀爲鬪弟古文尙書以弟爲圍圍明也郭註用鄭箋

鬻士官也註取俊士令居官畷農夫也註今之嗇夫是也

正義小雅

甫田云烝我髦士又云田畷至喜此釋之也域樸鄭箋士卿士也奉璋之儀峩峩然故今俊士之所宜鄭氏以髦士爲卿士是髦士卽官也七月毛傳田畷田大夫也疏引孫炎云畷農官也案田畷亦謂之農率夏小正曰農率均田又謂之田月令云命田舍東郊又謂之農大夫周語云命農大夫咸戒農用又謂之農正周語又云農正再之又謂之嗇夫觀禮云嗇夫承命鄭註云嗇夫蓋司空之屬春秋傳曰嗇夫馳故孫奕統云農官也註取俊至是也○正義髦俊也見下文甫田鄭箋云田畷司嗇今之嗇夫也郭註本鄭箋漢書百官公卿表鄉有嗇夫職聽訟收賦稅司馬彪續漢百官志鄉小者縣

置嗇夫一人註引風俗通云嗇者省也夫賦也言能消息百姓均其賦役晉書百官志郡國及縣農月皆隨所領戶多少為差散吏為勸農縣萬以上置四鄉鄉置嗇夫一人

蓋割裂也

註蓋未詳

正義裂說文作劓分解也割劓也劓列也君奭云割申勸文王之德鄭註緇衣云割

之言蓋也蓋割雙聲義存乎聲公羊襄二十七年傳云味雉彼視何休註味割也味蓋聲之轉也又顏師古漢書註云蓋

音公

盍反

邕支載也

註皆方俗語亦未詳

正義釋文邕字又作擁舊疏引謝氏云邕字又作擁釋云擁者

護之載案左氏襄二十五年傳云陳侯免擁社謂載社主也支與楛通楛柱所以承載詳見下文王煦曰淮南齊俗訓云

金之性沉托之于舟

上則浮勢有所支也

誣諉累也

註以事相屬累為誣諉

正義釋文引孫炎云楚人曰誣秦人曰諉說文繫傳云誣

誣謂不能自決而以屬累於人也漢胡建擅誅監軍從史云執事不諉上是也漢書註蔡謨云諉託也列子釋文引爾雅

作誣諉累去也

疑傳寫之訛

漠察清也

註皆清明

正義釋詁云漠定也察審也漠察又爲清義相成也楚詞遠遊云漠虛靜以恬愉兮

詩疏引樊光云漠然清貌大戴禮記子張問入官篇水至清則無魚人至察則無徒

庇麻蔭也

註今俗語呼樹蔭爲麻

正義說文云蔭艸陰地言艸木之蔭可休庇也左氏文七

年傳云則本根無所庇蔭矣呂氏春秋懷寵篇則民知所庇矣高誘註云庇依蔭也休者說文云外人依木休或从方周

南漢廣云不可休思左傳疏引舍人云庇蔽也葆依止也麻本或作葆註今俗至爲麻

正義淮南精神訓云得葆樾下高誘註葆蔭也眾經音義引孫炎云庇覆之蔭也

穀履祿也

註書曰既富方穀詩曰福履將之履禮也

履行見易

正義上文云穀生也穀又爲祿論語云不至于穀是也履祿福也已見釋詁履與祿義同履又訓爲

禮者仲尼燕居云言而履之禮也祭義云禮者履此者也商頌長發云率履不越韓詩外傳作率禮不越說文云禮履也

註書曰至將之正義既富方穀洪範文福履將之周南樛木文見易正義序卦傳云物畜然後有禮故受之以履

履者禮也韓康伯云禮所以適時用也故既畜則須用有用須禮也今本易孔疏以履者禮也四字爲韓註李氏易傳則

以圓字爲傳文郭氏云見易不云見易註是郭氏所見之本與李氏易傳同舊疏据孔疏本仍以爲韓註非也

隱占也

註隱度正義顏師古漢書註云占謂自隱度其實定其辭也盤庚云尙皆隱哉

逆迎也

正義春秋隱二年紀裂繻來逆女方言云自關而東曰逆自關而西曰迎

慳曾也

註發語辭見詩正義慳說文作晉曾也今作慳但之慳假借字也說文又云曾語之舒也註見

詩。正義大雅雲漢云慳不知其故蕩云曾莫惠我師

增益也

註今江東通言增正義說文云益饒也小雅天保云以莫不增說苑云以一累壤增太山不

益其高

窶貧也

註謂貧陋夢隱也註謂隱蔽優喞也註鳴喞短氣皆見

詩

正義窶者說文云無禮居也貧財分少也眾經音義引倉頡篇云無財曰貧無財備禮曰窶曲禮云主人辭以窶

者方言云掩翳夢也離騷云眾夢然而蔽之漢書律厯志昧夢于未優者荀子禮論揮詭喞不能無時至焉楊涼註喞

優氣不舒憤鬱之貌詩疏引孫炎云優心喞也註鳴喞至見詩。正義漢書成帝紀云可爲於邑顏師古註於邑短氣貌

嗚嗚當作於邑皆見詩者邶風北門云終窶且貧郭氏方言
註引詩云蔓而不見通作愛大雅蒸民云愛莫助之毛傳愛
隱也桑柔云亦孔之僂僂又與
蔓通說文引詩作優而不見

基經也

註基業所以自經營基設也

註亦爲造設

也此又廣其義也康誥云周公初基言始經營也賈誼書禮
容篇云基者經也釋名云基據也在下物所依據也基又爲
造設大雅公劉云止基迺理
晉語云猶無基而厚墉也

祺祥也

註謂徵祥祺吉也

註祥吉之先見

實也祺祥也當作禎祥也周頌維清毛傳云禎祥也疏以爲
釋言文引舍人曰禎福之祥某氏曰詩云維周之禎定本集
註祺字作禎按說文云禎祥也祺吉也所
據爾雅與毛傳同士冠禮云壽考維祺

兆域也

註謂塋界

正義春官小宗伯云兆五帝於四郊鄭註兆
爲壇之營域左氏文十八年傳云則姦兆也

杜註兆域也尚書大傳云兆十有二州鄭註兆域也大雅生
民云以歸肇祀孔疏肇宜爲兆說文兆作埽域作或或又從
土註謂塋界。正義士喪禮云兆南北而鄭註兆域也所營
之處廣雅云宅兆營域葬地也又樂記云綴兆舒疾鄭註云

兆其營域也是舞者位
外之界亦稱為兆也

肇敏也註書曰肇牽車牛

正義釋詁云肇始也謀也肇又訓為敏廣雅云敏亟也註書曰至車牛。

正義酒
語文

挾藏也註

今江東通言挾浹徹也註

謂霑徹

正義挾說文作匿藏也今作篋士冠

禮云同篋鄭註隋方曰篋是也浹者天官釋文挾本作浹楊倞荀子註挾讀為浹大雅大明云使不挾四方毛傳挾達也

釋名云達徹也言不使通達於四方也註今江至霑徹。正義方言云挾護也漢書惠帝紀除挾書律應劭云挾藏也楊

倞荀子註浹周洽也玉篇云浹通也洽也

替廢也替滅也註亦為滅絕

正義說文云替廢一偏下也或作音或作替眾經音義引李巡云替

去之廢也少牢饋食禮云勿替引之左氏僖二十四年傳云王替隗氏替又訓為滅者大雅召旻云胡不自替

速徵也徵召也註易曰不速之客

正義鄉飲酒禮云主人速賓又云徵唯所欲左氏宣九年

傳王使來徵聘皆言召也註易曰至之客。正義需上六爻辭釋文引馬融云速召也

琛寶也

註詩曰來獻其琛

正義說文云寶珍也詩疏引舍人云美寶曰琛註詩曰至其琛○正義魯

頌泮
水文

探試也

註刺探嘗試

正義釋詁云探取也探又爲試也多方云探天之威舊疏引論語云見不善如探湯

髦選也

註俊士之選髦俊也

註士中之俊如毛中之髦

正義上文云髦

士官也此申釋之也說文云髦髮也俊才過干人也白虎通義引禮別名記曰十人曰選百人曰俊王制云命鄉論秀士升之司徒曰選士司徒論選士之秀者而升之學曰俊士鄭註可使習禮者孔疏內則二十而冠始學禮此升於大學者曰選俊之人年以二十故可習禮按士冠禮云髦士攸宜選士俊士猶言髦士也

俾職也

註使供職

正義釋詁云俾使也從也俾又爲職義相成也君薨云罔不率俾漢書武帝紀云莫不率

俾類師古註言皆循其貢職而可使也

紕飾也

註謂緣飾見詩

正義玉篇云紕冠緣邊飾也雜記云紕以爵韋六寸是也註見詩○正義鄭風

干旄云素絲紕之毛傳紕所以織組也疏引家語云總紕於此成文於彼

凌慄也

註凌據戰慄慄感也

註正義釋文引樊光

從之天官凌人鄭註云凌冰室也凌栗以聲相近為義釋文又引埤蒼云凌慄也與今本同釋詁云慄懼也慄又為感義相成也莊子人問世云吾甚慄之註凌據戰慄○正義據當為遠廣雅云遠畏懼也

蠲明也

註蠲清明貌茅明也

註左傳曰前茅慮無明朗也

云明照也服明也蠲者多方云不蠲蒸釋文引馬註蠲明也左氏襄十四年傳云惠公蠲其大德杜註蠲明也善疏引樊光云蠲除垢穢使令清明茅者左傳疏引舍人云茅昧之明也明者昭五年傳云明而未融淮南原道訓新而不朗高註朗明也左傳疏引樊光云詩云高朗合終註左傳至慮無○正義宣十二年傳文杜註云茅明也或曰時楚以茅為旌識

猷圖也

註周官曰以猷鬼神祇謂圖畫猷若也

猷正義釋詁云圖猷謀也此又申釋之也小雅白華云之子不猶鄭箋猶圖也禮記儒行云猶將不忘百姓之病也鄭註猶圖也猷又訓為若若如也論語云吾猶人也註周官至圖畫○正義春官凡以神仕者掌三辰之法以猶鬼神示之居鄭註猶圖也郭氏引之於義亦通釋名云圖度也畫其品度也○詩曰至不猷○正義召南小星文又猷通作由孟子

云由反手也趙岐註
云其易若反手耳

偁舉也註書曰偁爾戈稱好也註物稱人意亦爲好正義說文云偁揚也

玉篇引左傳云禹偁善人今本左傳作稱文選註引爾雅作稱舉也士相見禮云聞吾子稱贊左氏襄三年傳云稱解狐

又云解狐得舉是稱卽舉也稱又爲好謂美好也周語云君子不自稱也註書曰偁爾戈正義牧誓文今本偁作稱

坎律銓也註易坎卦主法法律皆所以銓量輕重正義說文云銓衡也文選

註引倉頡篇云銓稱也注曰銓所以稱物也易釋文引九家易云坎爲律樂記云律小大之稱比終始之序律訓爲銓度

猶比訓爲比次也褚先生補史記樂書作類大小之稱按太史公易經傳之字俱本雅訓易律爲類於雅訓無徵少孫視

史遷爲疎矣鄭註以律爲六律亦於雅訓偶有不檢也註易坎至輕重正義左傳疏引樊光云坎卦水也水性平律亦

平銓亦平也此郭註所本按左氏宣十二年傳云川壅爲澤有律以如已也杜註云坎爲法象晉書郭璞傳璞上疏曰坎

爲法象刑獄所奉是坎卦主法易家之舊說也

矢誓也註相約誓正義晉象傳云矢得也虞翻曰矢古誓字獻風柏舟云之死矢靡他

舫舟也註竝兩船泳游也註潛行游水底正義釋水云大夫曰方舟又曰潛行為泳

詳見下說文引明堂月令云舫人習水者邨風谷風云泳之游之秋官萍氏云禁川游者

迨及也註東齊曰迨正義下文逮及也迨或體字也小雅伐木云迨我暇矣註東齊曰迨○正義方言文

冥幼也註幼穉者冥昧正義幼本作窈詩疏引孫炎云冥深闇之窈也某氏云詩曰噦噦其冥說文云

冥幽也窈深遠也案幼幽聲近義通故大戴禮記詁志篇云幽幼也說文義本爾雅

降下也正義穀梁莊三十一年傳云降猶下也堯典云釐降二女于瀉汭史記作飭下二女于瀉汭

傭均也註齊等正義說文云傭均直也均平徧也小雅節南山云昊天不傭

彊暴也註彊梁凌暴正義說文云暴疾有所趣也大雅蕩云曾是彊禦毛傳彊梁禦善也

窈肆也註輕窈者好放肆肆力也註肆極力正義說文云窈深肆極也眾經音義

引字書云佻輕也左氏成十六年傳云楚師輕窈大戴禮記王言篇布諸天下而不窈肆又為力者文十二年傳云使輕

者肆焉

俵戴也註詩曰戴弁俵俵

正義俵說文作綵釋訓云俵俵服也轉相訓也註詩曰至俵俵○正義周

頌絲衣文毛詩戴作載鄭箋載戴也釋名云載戴也在其上也

瘞幽也註幽亦瘞也

正義釋詁已云瘞幽微也此重言之說文云瘞幽瘞也

菴鬪也註

毛菴所以爲鬪

正義廣雅云毳鬪也釋文引李巡木菴作毳先鄭司服註毳鬪衣也後鄭

註巾車云樊與纓皆以五色鬪飾之註毛菴至爲鬪○正義詩疏引郭璞云菴音狸舍人云菴毛鬪也邊人績羊毛而作書疏引孫炎云毛菴爲鬪七月鄭箋云褐毛衣也太平御覽引韋輝光問云賤者之所服也今蜀亦用爲之詩孔疏云蜀者織毛爲之昔今之毛鬪餽以衣馬之帶鞅也

烘燎也

註謂燒燎燂炷也註今之三隅竈見詩

正義說文云烘燂也燂炷也燂炷

行竈也燎當從說文作灸詩疏引舍人云烘以火燎也燂炷竈也孔疏云炷者無釜之竈其上然火謂之烘本爲此竈上亦然火照物若今之火爐也註見詩○正義小雅白華云印烘于燂

陪朝也註陪位爲朝

正義說文云陪重土也通作陞玉篇云陞天子階也賈誼書云陞九級者堂高大幾

六尺矣陞者朝之列位也

康苛也

註謂苛刻

正義說文云苛小艸也釋器云康謂之蠱康苛皆細小之物故假借以爲煩碎之名淮南

主術訓狡躁康荒不愛民力

樊藩也

註謂藩籬

正義樊說文作株引詩云營營青蠅止於株漢書戾太子傳引作止于藩樊藩古字通註

謂藩籬○正義詩疏引孫炎云樊圃之藩也莊子養生主云不斲畜乎樊中太宗師云吾願游乎其藩

賦量也

註賦稅所以評量正義周官閭師云以時徵其賦鄭註

年傳云齊舊四量註賦稅至評量○正義方言云平均賦也燕之北鄙東魯北郊凡相賦歛謂之平均廣雅云賦稅也說

文云量稱輕重也

糗糧也

註今江東通言糗正義說文云糧穀也糗別體

庶侈也

註庶者眾多爲奢侈庶幸也正義小雅楚

庶鄭箋庶股也釋文云股又作侈詩疏引舍人云庶眾也侈多也孫炎云庶豐多也按釋詁已云庶眾也庶又訓侈廣眾

字之義也。上文云庶幾尙也。庶又訓幸。廣尙字之義也。詩疏引易說云庶幸也。與爾雅同。小爾雅云非分而得謂之幸。左氏襄十九年傳云

小國幸於大國

筮拾也

〔註〕謂拾掇

〔正義〕說文云拾掇也。掇拾取也。金滕云凡大木所偃則起而筑之。疏引鄭註云禾爲木所

偃者起其木拾其下禾乃無所亡失也。今本尙書筑作築。

樊駟也

〔註〕今江東呼大爲駟駟猶麤也

〔正義〕說文云樊駟大也。左氏昭二十二年傳云

陳大夫鬻壯而頑。〔註〕今江至麤也。○〔正義〕方言云秦晉之間凡人之大謂之樊或謂之壯。玉篇云駟猶麤也。與郭註同釋

文引孫炎樊光本作將且也。小雅谷風云將恐將懼。鄭箋將且也。

集會也

〔正義〕釋詁云會合也。說文云集者羣鳥在林木之上。左氏襄二十六年傳云幸而集晉國賴之。

舫泝也

〔註〕水中箒筏

〔正義〕上文已云舫舟也。舫又爲泝。廣異名也。說文云泝編木以渡也。邨風谷風云方

之舟之齊語云方舟設泝。楚詞九章云乘汎泝以下流。〔註〕水中箒筏。○〔正義〕詩釋文引孫炎云方木置水中爲泝筏也。又

引郭璞云木曰箒竹曰筏。小筏曰泝。箒音皮佳。反泝筏同音。伐樊光爾雅本作泝。方言云泝謂之箒。箒謂之筏。筏秦晉通

語也韋昭國語註云方併也編木曰泝小泝曰桴舫方泝桴音義同釋文又引樊光木舫作坊泝作泝

洵均也註謂調均洵龕也註未詳

正義上文云傭均也洵又爲均也鄭註地官均人云均均

也易坤爲均今書亦有作旬者詩疏引李巡云洵徧之均也某氏引詩云其下侯洵洵音義同釋詁云洵信也洵又爲

龕也逸周書祭公解云周克龕紹成康之業言能信繼也

逮逌也註今荆楚人皆云逌

正義說文云逌迨也玉篇云迨逌行相及也方言云關之東西曰逌

或曰及與下文逮及也義同

是則也註是事可法則

正義說文引爾雅作得則也得行兒今本作是釋名云是嗜也人嗜樂之也釋

詁云則法也

畫形也註畫者爲形像

正義說文云形象形也考工記云畫繪之事釋名云畫挂也以五色挂物上也

賑富也註謂隱賑富有

正義說文云富備也一日厚也西京賦云鄉邑殷賑薛綜註殷賑謂富饒也魏

都賦云同賑大內李善註引爾雅說文繫傳云賑振也振起之也

局分也

註謂分部

正義曲禮云左右有局鄭註局部分也左氏成十六年傳云離局姦也

儻怒也

註詩曰天之方儻

正義說文云怒恚也詩疏引舍人云儻怒聲註詩曰至方儻○正義大雅

板文毛傳用爾雅釋文云儻疾怒也

僂聲也

註謂聲音

正義玉篇云僂小聲也廣韻云僂動艸聲又驚鳥之聲通作屑漢書武帝紀云屑然如有

聞

葵揆也

註詩曰天子揆之揆度也註商度

正義上文云茹虞度也揆又爲度也葵揆以聲爲義說文云揆葵也眾經音義引孫炎云揆商度也大雅板云則莫我敢葵禹貢云三百里揆文教大戴禮記文王官人篇唯其往言以揆其來行註詩曰至揆之○正義小雅采芣文今本作葵之

逮及也

正義說文逮及也又云逮及也又云隸及也詩曰隸天之未陰雨逮逮隸隸音義同

怒飢也

註怒然飢意
正義釋詁云怒思也怒又訓飢義相成也說文云怒飢餓也詩曰怒如朝飢詩疏引

李巡云怒不飽之飢也註怒然飢意○正義汝墳毛傳云怒飢意也郭註本毛傳

珍重也註謂厚重見左傳

正義珍通作疹詩釋文引韓詩胡寧疹我以旱云重也重直容切註見左

傳○正義隱二年傳云憾而能珍者鮮矣杜註憾則思慮不能自安自重說文云珍目有所恨而止也

獵虐也註凌獵暴虐

正義古者以殺為虐書呂刑惟作五虐之刑墨子尚同篇引作惟作五殺之刑左氏

宣十五年傳云虐我伯姬獵訓為虐與釋詁獮殺也義同

土田也註別二名

正義說文云土地之吐生萬物者也田陳也樹穀曰田釋名云土吐也能吐生萬物也已

耕者曰田田填也五稼填滿其中也大雅崧高云徹申伯土疆言通治其田之疆界也

戍遏也註戍守所以止寇賊

正義說文云戍守邊也从人持戈釋詁云遏止也王風揚之水云不

與我戍申毛傳戍守也

師人也註謂人眾

正義釋詁云師眾也師又為人也鄭志答趙商云師者眾之通名故人多云焉

砮鞞也註砮然堅固

正義說文云砮堅石也確磬石也徐鉉云今俗作確非是易文言云確乎其不可拔

說文作雀云高至也案砮鞞義同鞞通轉作確鞞者高而固也釋詁云鞞固也詳見釋詁

棄忘也

正義說文云忘不識也棄捐也周南汝墳云不我遐棄秦風晨風云忘我實多

踴閑也

註囂然閑暇貌正義孟子云人知之亦囂囂人不知亦囂囂趙岐註囂囂然自得之志無欲之

貌也

謀心也

註謀慮以心正義說文云人心土藏在身之中釋名云心織也所織織微無物不貫也洪範云謀

及乃心管子心術篇心也者智之舍也

獻聖也

註諡法曰聰明睿智曰獻正義益稷云萬邦黎獻說文云聖通也白虎通義引禮別

名記云萬傑曰聖註諡法至曰獻。正義逸周書諡法解文睿智本或作獻哲諡法解又云知質有聖曰獻揚善賦簡曰

聖敬賓厚禮曰聖

里邑也

註謂邑居正義大戴禮記王言篇三百步為里千步為井說文云里居也釋名云五鄰為里居方一

里之中也四井為邑邑猶侷也邑人聚會之稱也左傳疏引李巡云里居之邑也大雅韓奕云于蹶之里孔疏周禮五鄰

為里以五鄰必同居故以里為名

襄除也註詩曰不可襄也

正義釋詁云襄因也又為除也說文云漢合解衣耕謂之襄耕芸所以除

草也小雅出車云獵狁于襄毛傳用爾雅註詩日至襄也。正義廊風牆有茨文

振古也註詩曰振古如茲猶云久若此

正義振為發語詞詩與古字連文其義亦相近

也註詩曰至如茲。正義周頌載芟文鄭箋振亦古也

懟怨也

正義說文云怨恚也大雅蕩云疆禦多懟穀梁莊三十二年傳云力盡則懟范註懟恚恨也

縹介也註縹者繫也介猶閑

正義說文云縹以絲介履也幽風東山云親結其縹釋器云縹緜也

又重見釋水篇釋文引李孫願舍人本竝云縹羅也介別也

號譁也註今江東皆言譁

正義說文云號呼也說號也譁呼譁也眾經音義引爾雅云號呼也大呼

也釋名云以其善惡呼名之也魏風碩鼠云誰之永號春官雞人夜嘒且譁呼嘒音義同

凶咎也

正義說文云凶惡也咎災也釋名云凶空也就空亡也王風兔爰云逢此百凶左氏宣十二年傳云必有大咎

苞稹也註今人呼物叢緻者為稹

正義釋詁云苞豐也苞又為稹增成其義也禹貢云草木

漸苞釋文引馬融云相包裹也考工記云稊理而堅註今人至爲種○正義詩疏引孫炎云物叢生日苞齊人名曰稊郭註本孫炎唐風鴛羽鄭箋種者根相迫迫相致也

遁寤也

註相干寤正義說文作寤寤也本又作選莊子達生篇選物而不暱釋文引爾雅云選忤也郭璞

云相干寤是陸氏所見爾雅本有作選忤者矣然惟於莊子釋文引之而爾雅釋文轉闕而不載祇云孫本逋作迂案哀公問云迂其眾以代有道釋文引王肅云違也荀子富國篇云午其軍楊倞註午讀爲迂釋名云寤忤也能與物相接忤也

題題也註題額也詩曰麟之定

正義釋文云題本又作定毛傳定題也說文云題額也徐鉉云

今俗作額註詩曰麟之定○正義周南麟趾文

猷肯可也註詩曰猷來無棄肯今通言

正義上文云猷若也猷又爲可也說文云可冃

也肯可以聲轉爲義唐風杕杜云噬肯適我註詩日至無棄○正義魏風陟岵文

務侮也註詩曰外禦其務貽遺也註相歸遺

正義務侮貽遺俱以聲爲義小雅常

隸云外禦其務左氏僖二十四年傳引詩作外禦其
侮周語引此詩亦作侮貽者周頌思文云貽我來牟

買賣也註廣二名賄財也

正義衛風氓云抱布買絲又日以我賄遷此釋之也上文已云買市也買

又爲買義相成也地官司市云以量度成賈而徵債鄭註債買也說文云財人所實也廣雅云財貨也鄭註周禮云金玉

帛曰賄

甲狎也註謂習狎

正義衛風芄蘭云能不我甲釋文云韓詩作狎書多方云甲于內亂釋文引鄭王皆以甲

爲狎音義
相兼也

蒺藜也註詩曰毳衣如蒺藜草色如離在青白之間

正義

王風大車云毳衣如蒺藜此釋之也說文云藿之初生一名藿一名離鄭箋云蒺藜也毳衣之屬衣績而裳繡皆有五色其青者如離說文繫傳云此帛色各染之如生蒺藜色如今人所染麥綠也蓋蒺藜亦名爲離非獨其色也案詩疏引爾雅及郭註離字俱从鳥陸氏釋文聯字从馬今從詩疏詳見釋艸

粢餐也註今河北人呼食爲粢渝變也註謂變易宜肴也註詩

日與子宜之夷悅也註詩曰我心則夷

正義鄭風緇衣云還子授子之粲兮羔裘

云舍命不渝女曰雞鳴云與子宜之風兩云云胡不夷此釋之也毛傳俱用爾雅釋文引舍人本渝作孺詩疏引李巡云宜飲酒之肴也註今河至爲粲正義粲餐音相近語有輕重耳釋名云餐乾也乾入口也釋文本作殮引字林云水澆飯也釋名云殮散也投水於中解散也

詩曰至則夷正義召南草蟲文

顛頂也註頭上耄老也註八十爲耄輪輕也註詩曰德輪如毛

倭淺也註詩曰小戎倭收

正義秦風車鄰云有馬白顛又云逝者其耄駟鐵云輶車鸞鑣小戎

云小戎倭收此釋之也毛傳俱用爾雅倭本或作踐鄭風東門之墀云有踐家室毛傳踐淺也疏以爲釋言文註頭上

正義方言云顛頂上也齊語云班序顛毛墨子修身篇華髮墮顛八十爲耄正義郭註本毛傳案禮記古本云八十

日耄九十月耄七年曰悼悼與耄有罪不加刑焉今本脫曰耄二字毛傳說文俱用禮記古本鄭氏易註云年踰七十王

肅云八十日耄皆是也馬融易註云七十日耄何休公羊註云六十稱耄皆異文詩疏引孫炎云耄老人面如鐵色也

詩曰至如毛正義大雅蒸民文文選註引曹大家云輶德德輕而易行說文以輶爲輕車也

綯絞也註糾絞繩索訛化也註詩曰四國是訛跋躓也註詩曰

狼跋其胡蹇踳也註詩曰載蹇其尾

正義爾風七月云宵爾索綯破斧云四國是訛

狼跋云狼跋其胡載蹇其尾此釋之也毛傳俱用爾雅方言云車紂自闕而東周洛韓鄭汝潁而東謂之緇或謂之曲綯

郭氏彼註云綯亦繩名詩疏引李巡云綯繩之絞也堯典云平秩南訛方言云譌化也訛譌唯音義同說文云跋躓跋也

躓踳也詩曰載躓其尾蹇當作躓詩疏引李巡云跋前行日躓踳卻頓日蹇學記云不躓等也孔疏躓謂踳越中庸云言

前定則不躓鄭註躓踳也

烝塵也註人眾所以生塵埃戎相也註相佐助飫私也註宴飲

之私孺屬也註謂親屬

正義小雅常棣云烝也無戎又云飲酒之飫又云和樂且孺此釋之也毛

傳烝填也爾風東山云烝在桑野毛傳烝寘也鄭箋古聲填寘塵同是烝訓為塵聲義相兼也戎飫孺之訓毛傳俱用爾

雅詩疏引孫炎云飫非公朝私飲酒也李巡云孺骨肉相親屬也註人眾至塵埃正義詩疏引孫炎云蒸物久之塵郭

註本孫炎按孫炎昧於古音後世望文生義實昉於孫炎古者聲同聲近者其義即存乎聲無俟彊為傅合也○宴飲之

私。正義說文云：餼，燕食也。案周語云：王公立餼，則有房。燕親戚宴饗，則有殺丞。又曰：餼以顯物，宴以食好，是餼禮與燕禮異。周語又云：王公之有餼，禮將以講事，成禮建大德。昭大物，毛傳云：不脫履升堂，謂之餼。鄭箋云：餼者，圖非常之事，若議大疑於堂，則有餼禮焉。聽朝爲公。

幕暮也 註：幕然暮夜。

正義：幕訓爲暮，以聲近爲義也。左氏昭十三年傳云：以幕蒙之，方言云：幕覆也。說文

云：暮，日且冥也。从日在艸中，暮當從說文作暮。

煽熾也 熾盛也 註：互相訓。煽義見詩。

正義：煽說文作煽，熾盛也。煽訓爲熾，熾又訓盛。義相

成也。註見詩。正義：小雅十月之交云：豔妻煽方處。漢書谷永傳引魯詩云：鬪妻煽方處。列子：黃帝篇：扇赫百里，是扇爲本字。扇爲首字。煽或體字也。魯頌閟宮云：俾爾昌而熾。

抵本也 註：謂根本。

正義說文云：抵，木根也。木下曰本。士虞禮云：載猶進抵。鄭註：抵本也。或作踈。春官典瑞云：

四圭有邸。鄭註引爾雅云：邸，木也。本又作氏。小雅節南山云：維周之氏。毛傳：氏本也。

窈窕也 註：窈窕，閒隙。

正義：周南關雎云：窈窕淑女。毛傳：窈窕，幽閒。郭氏註方云：窈言閒，都也。釋文引舍

人本作跳云跳者躍之間釋各云
跳條也如草木枝條務上行也

淪率也註相率使

正義小雅雨無正云淪胥以鋪毛傳用爾雅漢書敘傳註晉灼曰齊魯韓詩作薰薰帥也

淪薰聲相近
帥卽率字

罹毒也註憂思慘毒

正義釋詁云罹憂也罹又爲毒也王風兔爰云逢此百罹

檢同也註模範同等

正義小雅巧言云蕭始旣涵鄭箋涵同也史記司馬相如傳云上咸五徐廣云咸一

作函是鄭君所見爾雅本作涵郭本作檢聲之轉也註模範同等○正義文選註引倉頡篇云檢法度也釋各云檢禁也

禁閉諸物使
不得開露也

郵過也註道路所經過

正義上文云逸魯過也郵亦爲過失也小雅賓之初筵云不知其郵王制云郵

罰麗于事晉語云言無郵又云郵而效之郵又甚焉註皆云過也通作尤包咸論語註云尤過也註道路所經過○正義

郊特性云郵表賾鄭註引詩云爲下國賾郵孔疏云若郵亭屋宇處所孟子速於置郵而傳命郭氏以郵爲郵亭過爲經

過於義
亦通

遜遜也註謂逃去

正義說文云遜遁也遁遜也一日逃也遜逃也幽風狼跋云公孫碩膚鄭箋孫當讀如公

孫于齊之孫孫之言孫遁也公羊莊元年傳云孫猶孫也內諱奔謂之孫鄭氏易註云遜者逃去之名詩疏引孫炎云遁逃去也遁與遜通本亦作遂漢書匈奴傳云遂逃竄伏殺傳述贊云攜手遂秦

斃踣也註前覆僂僵也註卻偃

正義踣本或作仆說文云仆頓也左氏隱元年傳云必自斃疏

引釋言云斃踣也孫炎云前覆曰踣定八年傳云與一人俱斃疏引釋言云斃仆也孫炎云前覆曰仆踣仆字同前覆者不能起故兼覆亡之義宣十五年傳云有以國斃襄十一年傳云踣其國家僂者隱三年傳云鄭伯之車僂於濟疏引舍人云背踣意也案說文云僂僵也吳越春秋云迎風則偃背風則仆孔疏云仆是前覆偃是卻倒是僂爲仰偃也釋名云仆踣也頓踣而前也僂正直置然也

眇眇也註謂眇絕

正義上文已云眇致也釋詁云眇盡也眇又訓眇以聲轉爲義皆假借字也下文障眇也

爲眇字
本義

曷盍也註盍何不

正義曷盍聲近義同廣雅云曷盍何也

虹潰也

註謂潰敗

正義大雅抑云實虹小子召旻云蝨賊內註毛傳俱云潰也疏俱以爲釋言文釋文云顧

本作註李本作降說文云註潰也潰中止也司馬法云師多則人潰繫傳引爾雅注云潰散也

隋闇也

註隋然冥貌
正義玉篇云隋與晦同荀子不苟篇是姦人將以盜名於晦世者也錢詹事曰隋當

爲陰論語高宗諒陰鄭註訓陰爲闇蓋據此文古書陰與音通春秋傳鹿死不擇音是也

黏膠也

註膠黏黏

正義釋詁云膠固也說文引春秋傳云不義不黏黏或作黏言不義者不能堅固故左傳

下文云厚將崩今本作不睡杜註訓睡爲親則與厚將崩之文詞不相屬矣黏通作昵故又作昵考工記弓人相膠之法

云凡昵之屬不能方杜子春云昵或爲黏黏黏也方言云黏黏也齊魯青徐自關而東或曰黏

孔甚也厥其也

正義禹貢云六府孔修史記作六府甚修堯典云厥民析史記作其民析

夏禮也

註謂常禮
正義釋詁云夏常也常又訓禮者天官鄭註禮經常所秉禮法常所守也

闔臺也

註城門臺
正義釋宮云闔謂之臺詳見下

囚拘也

註謂拘執
正義說文云囚繫也从人在口中左氏僖二十八年傳云乃拘宛春於衛史記晉世家作

乃因宛
春於衛

攸所也

正義禹貢陽鳥攸居史記作陽鳥所居大雅韓奕云爲韓姑相攸

展適也

註得自申展皆適意正義左氏莊二十七年傳云天子非展義不巡守又檀弓云展墓而

入猶曲禮
言適墓也

鬱氣也

註鬱然氣出正義詩釋文引韓詩云鬱隆炯炯眾經音義引李巡云鬱盛氣也

宅居也

正義說文云宅所託也釋名云宅擇也擇吉處而營之堯典云宅嵎夷史記作居郁夷

休慶也

正義說文云慶行賀人也士冠禮云承天之休

祈叫也

註祈祭者叫呼而請事也正義釋詁云祈告也祈又爲叫也說文云叫嗶也大雅雲漢云

祈年孔夙眾經音義引孫炎云祈爲民求福咻告之詞也

濬幽深也

註濬亦深也疏引舍人云濬下之深也鄭氏易恒初

六云濬恒象曰始求深也商頌長發云濬哲維商廣雅云濬智也釋詁云幽微也幽又爲深也小雅伐木云出自幽谷

皇清經解

卷五百零六

邵編修爾雅正義

三

哲智也

正義方言云哲知也齊宋之間謂之哲書疏引舍人云哲大智也大雅瞻卬云哲夫成城鄭箋哲多謀慮也

弄玩也

正義玉篇云玩戲也小雅斯于云載弄之璋左氏襄四年傳云愚弄其民

尹正也

註謂官正也皇匡正也註詩曰四國是皇

正義說文正

小雅都人士云謂之尹吉毛傳用爾雅左氏定四年傳云周公相王室以尹天下皇者漸漸之石云不皇朝矣鄭箋用爾

雅皇匡聲相近襄十四年傳云過則匡之周官大司馬之屬有匡人鄭註主止諸侯註謂官正也正義皇陶謨云庶尹

允諧鄭註用爾雅。詩云至是皇。正義幽風破斧文詩考引董氏云齊詩作匡費公彥引以為據是皇讀如匡也

服整也

註服御之令齊整

正義說文云服用也整齊也魏風葛屨云好人服之鄭箋尚可使整治之

聘問也

註見穀梁傳

正義小雅采芣云靡使歸聘荀子大略篇聘問也註見穀梁傳。正義隱九年天王

使南季來聘傳云聘問也周官大宗伯云時聘曰問曲禮云諸侯使大夫問於諸侯曰聘

愧慙也

正義說文云媿慙也或作愧小爾雅云不直失節謂之慙莊子釋文引爾雅作慙慙也

殛誅也

註書曰鯀則殛死

正義說文云殛誅也誅死也漢令云蠻夷長有罪當殊之匡繆正俗引應

勅釋云殊之者死也漢書高帝紀云赦天下殊死呂下如淳曰死罪之明白也左傳曰斬其木而弗殊韋昭云殊死斬刑也按說文誅責也與殛異義當作殊也註書曰至殛死○正

義洪範文

克能也

正義釋詁云克勝也克又爲能也堯典云克明俊德史記作能明馴德關風伐柯云匪斧不克穀梁隱元年傳

云克者何能也

翌明也註書曰翌日乃瘳

正義說文云崩翌也轉相訓也明古音近芒崩明古通用註書曰至乃瘳

○正義金滕文今本翌作翼漢書載三統麻引周書武成篇若翌日癸巳

訛訟也註言訛讒

正義訛說文作詢或省作訛說也訟爭也小雅節南山云以究王訛

晦冥也

正義冥窈也已見上文晦又爲冥也穀梁莊十五年傳云晦冥也易隨象傳云君子以嚮晦入宴息

奔走也逡退也註逡巡却去也外傳曰已復於事而逡寔仆也

註頓躓倒仆

正義奔走寔寔皆言行止之容也說文云走趨也春秋言出奔者皆出走也逡文選註引爾雅作

跋逡跋古通用禮記註引詩云逡奔走狂廟鄉射禮云賓少
退鄭註少逡遁也山陽太守祝穆後碑云鄉黨逡逡朝廷便
便蓋漢世論語異文逡逡言退讓也蹇跲也蹇仆也已見上
文註逡逡至而逡。正義郭引外傳今齊語作有司已於事
而竣韋註竣退伏也說文引國語亦作有司已事而竣逡竣
音義同文選註引郭璞爾雅註云逡逡却去也監本闕今据
補

亞次也

正義亞說文引賈侍中說以爲次第也特牲饋
食禮云亞獻尸左氏文六年傳云爲亞卿焉

諗念也

正義釋詁云念思也小雅四牡云
將毋來諗魯語云使吾無忘諗

屆極也

正義釋詁已云極艘至也屆仰艘
之異文小雅小弁云不知所屆

弁同也

註詩曰奄有龜蒙弁蓋也
正義釋名云蓋加也加物上也奄本

訓蓋轉訓爲同義相成也周頌執競云奄有四方毛傳奄同
也奄與弁通詩疏引孫炎云弁覆也蓋亦覆之義易象傳云
剛弁也又通作掩盤庚云予不掩爾善註詩曰至龜蒙。正
義魯頌閟宮文鄭箋奄覆也說文以奄爲大有餘也故又爲
也同

恫痛也註詩曰神罔時恫

正義說文云恫痛也一曰呻吟也盤庚云乃奉其恫匡繆正俗云郭景純

音呻恫今痛而呻者江南俗謂之呻喚關中俗謂之呻恫太原俗謂恫喚此以痛而呻吟其義一也註詩曰至時恫○正

義大雅思齊文

握具也註謂備具

正義秦風權輿云夏屋渠渠鄭箋云屋具也孔疏以為釋言文今本作握釋文云李本作

幄云相位處之具也釋名云幄屋也以帛衣板施之形如屋也

振訊也註振者奮迅

正義文選註引韓詩云振奮也廣雅云奮振也奮訊也左氏昭十八年傳云振除火

災孔疏所以振訊除去火災也

鬩恨也註相怨恨

正義恨左傳疏引孫炎本作很云相很戾當從之小雅常棣云兄弟鬩于墻毛傳鬩很也

周語云兄弟讒鬩韋註鬩很也酒誥云厥心疾很曲禮云很毋求勝杜預左傳註以為訟爭貌是也註相怨恨○正義左

傳疏引李巡云鬩相怨恨也是李本作恨郭註從李巡

越揚也註謂發揚

正義周語云汨越九原晉語云夫人美于中必播于外而越于民章註俱云越揚也樂記

云越于
聲音

對遂也註詩曰對揚王休

正義大雅蕩云流言以對毛傳對遂也祭統云對揚以辟之鄭註對遂也

註詩曰至王休
正義大雅江漢文

燬火也註詩曰王室如燬燬齊人語

正義詩疏引李巡云燬一名火孫炎云方言有輕重

故謂火為燬也後漢書註引韓詩薛君章句云燬烈火也註詩曰至人語正義周南汝墳云王室如燬說文引作如焜焜火也燬火也音義同方言云燥火也楚轉語也猶齊言焜火也詩釋文云齊人謂火曰燬或曰楚人名曰燥齊人曰燬吳人曰焜此方俗訛語也案燬本作烜秋官有司烜氏

懈怠也宣緩也註謂寬緩

正義說文云怠慢也緩綽也釋名云懈解也骨節解緩也緩沅也斲也持

之不急則動搖沅斷自放縱也懈通作解商頌殷武云稼穡匪解左氏昭元年傳云於是乎節宣其氣眾經音義引集註云懈者極也怠者懶也

遇偶也註偶爾相值遇

正義文選註引爾雅偶遇也眾經音義亦引作偶遇也春官云冬見日遇鄭註

遇偶也穀梁隱八年傳云不期而會曰遇曲禮云諸侯未及期相見曰遇註偶爾相值遇○正義文選註引郭璞云遇值也眾經音義引郭註偶爾相值者矣與今本微異

曩也註國語曰曩而言戲也

正義釋詁云曩久也說文云曩不久也郭氏云以曩爲曩義有

反覆旁通蓋曩木訓久反覆旁通又爲不久也左氏襄二十四年傳云曩者志入而已攢弓云曩者爾心或開予士相見禮云曩者吾子辱使某見皆言不久也註國語至戲也○正義晉語里克之辭今本國語作曩而言戲乎章昭註曩向也

惶暇也註詩曰不遑啟處

正義惶本作皇表記引詩云皇恤我後左氏昭十七年傳云社稷之不皇

通作遑別體作惶註詩曰至啟處○正義小雅四牡文

宵夜也

正義說文云夜舍也天下休舍也書疏引舍人云宵陽氣消也堯典云宵中星虛史記作夜中星虛召南小星

云肅肅宵征秋官司寤氏云禁宵行者鄭註宵定昏也

愼忼也註謂愛忼愒貪也註謂貪羨

正義說文忼貪也春秋傳曰忼歲而愒日釋名云貪

探也探入他分也玉篇云愒貪也忼貪也愛也愒貪羨也案說文引春秋傳左氏昭元年傳文今本作翫歲而愒曰忼翫

揭激音
義同

楷柱也

註相楷柱

正義楷通作支周語引周詩云天之所支不可壞也其所壞亦不可支也韋註支柱也說

文云楷柱砥古用木今以石廣韻引爾雅楷柱也俱從木俗本俱從手今改正

裁節也

正義釋名云節有限節也論語云不知所以裁之通作財秦象傳云后以財成天地之道鄭註財節也釋文財

荀作
裁

竝併也註詩曰竝坐鼓瑟

正義鄭註儀禮云今文竝皆爲併禮運云竝于鬼神鄭註竝併也註詩曰

至鼓瑟○正義
秦風車鄰文

卒既也註既已

正義卒已也終也已見釋詁卒又爲既廣其義也穀梁桓三年傳云既者盡也聘禮云既圖事

鄭註既
已也

樽慮也註謂謀慮也

正義說文云樽慮也玉篇云樽謀也慮也釋文云字書作綜

將資也註謂資裝

正義上文云將送也將又爲資也召南鵲巢云百兩將之聘禮云問幾月之資鄭註資行

用也說文
云資貨也

衛紩也

註今人呼縫紩衣爲衛

正義說文云衛箴縷所紩衣紩
縫也益稷云緜繡疏引鄭註云

緜讀爲衛紩也尚書詳解引鄭註云畫與紩皆有六畫以爲
繪施之於衣紩以爲繡施之於裳又鄭註春官司服云希讀
爲緜或作衛註今人至爲衛○正義說文云
縫以緜紩衣也呼縫衣爲作箴衛至今猶然

遞迭也

註更迭

正義說文云遞更易也迭更迭也書疏引李巡
云遞者更迭呂氏春秋蕩兵篇遞與遞廢說卦

傳云迭
用柔剛

矧况也

註譬况
正義說文云矧况也詞也从矧取詞之所之如
矢也舊疏引謝氏云志譬况小雅伐木云矧伊

矣人

廩廩也

註或說云卽倉廩所未詳
正義說文云廩穀所振入宗

之尙尙或作廩釋名云廩矜也寶物可矜惜者投之其中也
文選註引月令章句云穀藏日倉米藏日廩釋文引孫炎云

廩藏穀鮮絜也舍人云廩
少鮮也廣雅云廩倉也

逭逃也

正義書疏引樊光曰行相避逃謂之逭亦

行不相逢也亦見禮記正義縮衣引

太甲云自作孽不可以逭梅賾所上古文

訊言也

正義說文云訊問也相問以言

也曾子事父母篇弗訊不言

閒覘也

左傳謂之謀今之細作也

正義說文云覘聞見也為

為覘係子云事莫密于閒齊策云乃縱反閒于燕註左傳謂

告也周官掌戮云掌斬殺賊謀而搏之鄭註

沅沆也

正義說文云沅轉流也沆莽沆大水也春

九思云流

干扞也

正義干扞以聲為義周南兔置云公侯干城

左氏成十二年傳引詩而釋之日此公侯之

杜註扞衛也釋文引孫炎云干盾自扞蔽

趾足也

正義釋名云足底也趾止也言

行一進一止也說文趾作止云

止下基也象艸木出有址故以止爲足易鼎卦云鼎折足鄭
註無事曰趾陳設曰足趾尚書作荆呂刑云荆罰五百別說
文作跂云跂踟也踟斷足也
書疏引李巡云斷足曰荆

襄駕也

註書曰懷山襄陵

正義上文云襄除也襄又爲駕也說
文云駕馬在輓中鄭風大叔于田云

兩服上襄毛傳上駕者言爲眾馬之最
良者也註書曰至襄陵○正義堯典文

忝辱也

正義說文云辱耻也釋名云辱衄也言折衄也
堯典否德忝帝位小雅小宛云無忝爾所生

燠煖也

註今江東通言燠

正義書疏引舍人云燠溫煖也說文
云燠熱在中也煖溫也洪範云晷時

燠若疏引鄭註燠火氣也唐風無衣云
安且燠兮穀梁桓十四年傳云時燠也

塊塼也

註土塊也外傳曰枕由以塼

正義說文云由璞也或作
塊塼由也璞塊也璞與塼

通既夕禮云登用塊左氏僖二十三年傳云野人與之塊淮
南說林訓以土勝水者非以一璞塞江也又人閒訓云塘漏

若巖穴一璞之所能塞也註土塊至以塼○正義儀禮疏引
孫炎云塼土塊也郭註本孫炎舊疏述郭註云土由也吳語

云疇枕王以璞而去之今引作枕由以塼於義難通蓋郭註
本作土由也傳寫者改由作塊以通俗郭註本作枕王以塼

傳寫者又王誤為出也

將齊也註謂分齊也詩曰或肆或將正義上文云將資也將又為齊也齊通作齋與資義

同鄭註聘禮云古文資作齋天官外府云共其財用之幣齋先鄭云齋或為資今禮家定齋作資後鄭註齋資同耳其字

以齊次為聲從貝變易古字亦多或齋行道之財用也說文云齋持遺也註詩曰至或將。正義小雅楚茨文毛傳或陳

于牙或齊其肉疏引王肅云分齊其肉所當用也

餽餼也註糜也正義說文云餽糜也周謂之餽宋謂之糊內則云餽醢左氏昭七年傳云餽於是鬻於是是以餽

余曰鐘鼎款識載叔夜鼎銘云用餽用羹孔疏云今人以薄粥塗物謂之餽紙餽帛則餽者以鬻食口之名

啟跪也註小跪正義左傳疏引李巡云啟小跪也小雅四牡云不遑啟處說文云跪拜也跪長跪也釋名云跪

危也兩膝據地體危阻也起啟也啟一舉體也案劉熙所謂啟一舉體即郭云小跪也

矚密也註謂緻密也正義說文云矚目旁薄緻六六也緻密也廣韻云矚密緻兒

開闢也註書曰闢四門正義說文云闢開也開張也費誓云東郊不開石經初刻作不闢註書曰闢四

門正義說文引虞書開四門从門从艸音義同省作辟禮運云辟於其義鄭註辟開也

袍襴也

註左傳曰重襴衣裳

正義說文云以絮曰襴以縑曰袍釋各云袍丈夫著下至跗者也袍

苞也苞內衣秦風無衣云與子同袍毛傳用爾雅襴省作襴

玉藻云縑爲繭經爲袍鄭註衣著之異名也縑謂之新綿也

縑謂今縑及舊絮也雜記云子羔之襲也繭衣裳釋名云繭

幕也貧者著衣可以幕絡絮也詩疏襴是袍之別名謂新綿

著袍者也註左傳至衣裳

○正義襄二十一年傳文

障眈也

註謂壅障

正義說文云障隔也眈井田閒陌也周頌載芟云徂隰徂眈案地官遂人云十夫有溝溝

上有眈是障者所以隔水也莊子齊物論爲是而有眈也釋文謂封域眈陌也

覲媾也

註媾媾然

正義說文云覲面見也詩曰有覲面目媾面醜也繫傳云凡人所視瞻必覲見之故有別

識無耻之人面見之而已心實否也國語范蠡曰雖覲然人

面實禽獸也釋文引舍人云覲擅也一日面貌也謂自專擅

之貌孫炎李巡云覲人面媾然也方言云秦晉之間曰媾或

日媾郭氏彼註云言點媾也今建平郡人呼狡爲媾方言又

云媾媾也或謂之猶案說文引詩小雅何人斯文詩疏引說

文覲面見人媾面覲也與今本字句微異繫傳所引國語今

吳語作余雖覩然而人面哉吾猶禽獸也章註覩面目之兒也

鬻糜也

註淖糜

正義說文云鬻健也糜糝也釋名云粥濯於糜粥粥然也糜煮米使糜爛也左傳釋文引孫炎

云鬻淖糜也月令云行糜粥飲食呂氏春秋高誘註今八月比戶賜高年鳩杖粉菜

舒緩也

註謂遲緩

正義釋詁云舒緩也此篇上文云宣緩也舒又爲緩廣其義也洪範云舒時燠若史記集

解引鄭註云舒緩遲也大雅江漢云匪安匪舒穀梁桓十四年傳云聽遠音者聞其疾而不聞其舒舒本作紓小雅采芣云彼交匪舒毛傳紓緩也說文云紓緩也左氏成二年傳云以紓其難

翮也

註今之羽葆幢

翮也註舞者所持以自蔽翮

正義說文云翮

翮也所以舞也詩曰左執翮繫傳云詩又曰無冬無夏值其驚翮今俗作翮說文又云翮華蓋也案王風君子陽陽毛傳

云翮翮也翮也釋文云翮徒報反沈徒老反俗作翮陳風宛邱釋文云翮作翮音義同爾雅釋文云翮字又作翮徒報反

是字本作翮別體作翮俗作翮爾雅原文當作翮翮也翮翮也今本從俗作翮轉据俗本爾雅以改毛傳幸釋文彼此互

見可以正之宋本翮作翮註今之羽葆幢○正義方言云翮

幢翮也楚曰翮關西關東皆曰幢釋名云翮陶也其貌陶陶

下垂也。幢童也。其貌童童也。鄭司農註鄉師云：翽羽葆幢也。漢書高紀云：黃屋左纛，李斐云：纛，羽毛幢也。在乘輿衡左。方上注之，蔡邕云：以犂牛尾爲之，如斗或托駢頭，或在衡應劭云：雉尾爲之，在左駟當鑣上。顏師古云：應說非也。○舞者至蔽翳。○正義君子陽陽，鄭箋：翳舞者所持，謂羽舞也。疏引李巡云：翳舞者所持，纛也。孫炎云：纛，舞者所持，羽也是。郭註所本也。今本註闕持字，据詩疏所引郭註補正。

隍窳也。

註城池空者爲窳。

正義窳隍，虛也。已見釋詁。此又申言其義也。大雅韓奕疏引舍人云：隍城

池也。窳溝也。李巡云：隍城池窳也。

芼搯也。

註謂拔取菜。

正義廣雅云：芼，搯取也。搯，拔也。周南關雎云：左右芼之。疏引孫炎云：皆擇菜也。某氏

云：搯猶拔也。搯說文作揅。云：拔取也。南楚語楚詞曰：朝揅阼之木蘭。又通作揅。列子天瑞篇：揅蓬而指淮南兵畧訓：揅巨旗。註云：揅卷取也。

典經也。

正義釋詁云：典，常也。典又爲經。申其義也。左氏昭十五年傳云：言以考典。典以志經。

威則也。

註威儀可法則。

正義上文云：是則也。威又爲則也。周頌有客云：既有淫威。毛傳用爾雅鄭箋：既

有大則謂用殷正朔行其禮樂如天子也釋名云威畏也
可畏懼也左氏襄三十一年傳云今尹無威儀民無則焉

苛妒也

註

煩苛者多嫉妒正義妒與讎通方言云讎苛怒也小

疥也是疥本或作疥鄭君所見爾雅本與
郭異釋名云疥齧也癢搔之齒類齧也

芾小也

註

芾者小貌正義易釋文引子夏易豐其芾傳云小也
召南云蔽芾甘棠毛傳蔽芾小貌芾又通

作芾大雅卷阿云芾赫
爾康矣毛傳芾小也

迷惑也

正義說文云惑亂也曲禮疏引何允
云迷於事爲惑易坤卦云先迷後得

狃復也

註

狃怵復爲正義釋文引李巡云狃能屈申曰復鄭風
太叔于田云將叔無狃毛傳狃習也左氏

僖十五年傳云一夫不可狃况國乎晉語得國而狃註狃怵
復爲正義小爾雅云狃怵也詩疏引孫炎云狃怵前事復

爲也郭註本孫炎後漢書註云狃怵
猶慣習也謂慣習前事而復爲之

逼迫也

正義小爾雅云逼近也說文云迫近也逼
與逼通左氏隱十一年傳云實逼處此

般還也

註左傳曰般馬之聲班賦也註謂布與
量也已見上此

又廣其義也般還班古字通用鄭氏易乘馬般如今本作班如舜典班瑞于羣后史記引作還瑞廣雅云班賦布也班通作盼王制云名山大澤不以盼鄭註盼請爲班又通作頌祭義云頌禽鄭註頌之言分也註左傳至之聲。正義襄十八年傳文今本般作班桓六年傳云使魯爲其班。謂布與。正義書疏引孫炎云謂賦與也眾經音義引李巡云班徧賦與也小爾雅云頌賦布也

濟渡也濟成也濟益也註所以廣異訓各隨事爲義正義方言云過渡謂

之涉濟郭氏彼註云猶今云濟渡盤庚云若乘舟汝弗濟檀弓云濟於河鄭註濟渡也樂記云事盞濟也祭統云義者所以濟志也鄭註濟成也左氏桓十三年傳云必濟師言增益也濟本訓爲渡轉訓爲成又訓爲益義相成也

緡綸也註詩曰維絲伊緡緡繩也江東謂之綸正義說文云緡釣魚繫也小雅

采綵云言綸之繩鄭箋綸釣繳也孔疏綸是繩名釣繳者謂繫繩於釣竿也註詩曰至之綸。正義維絲伊緡召南何彼穠矣文疏引孫炎云皆繩名也郭註本孫炎今江南統謂之釣綸郭引方俗語所以別於綸綬也

辟麻也註未詳正義釋詁云辟律法也律與麻聲相近漢書律麻志云以律起麻又云律法也莫不取法焉辟

麻以聲
爲義也

漦盞也

正義說文云漦順流也漦澆也盞通作漦已見釋詁釋文引李巡云吐沫漦也

周語云卜請其漦而藏之韋
註漦龍所吐沫龍之精氣也

寬綽也

註謂寬裕也
正義說文云寬屋寬大也綽緩也玉篇云寬緩也詩疏引孫炎云性之裕者舜典云

敬敷五教在寬衛風淇澳云
寬兮綽兮毛傳寬能容眾

袞黻也

註袞衣有黻文
正義說文云袞天子享先王卷龍繡於下幅一龍蟠阿上鄉袞訓爲黻者上文

云黼黻彰也是黻字訓爲彰廣雅云山龍彰也是袞訓爲黻亦言其彰明也大雅蒸民云袞職有關司隸校尉魯峻碑作

緼職鄭註典同云緼讀爲袞袞通作
昆昆者明也如昆蟲爲明蟲是也

華皇也

註釋草曰萑華榮
正義今本作皇華也釋文先華後皇石經作華皇也說文云萑華榮也讀

若皇爾雅曰萑華也或作萑案說文多取互訓以華訓萑不
必其定爲爾雅原文也今從釋文本詩疏引樊光云詩云皇

皇者華孫炎云皇皇
猶煌煌詳見釋草

昆後也註謂先後方俗語

正義左氏哀十八年傳引夏書云昆命于元龜杜註昆後也註謂先至俗

語○正義眾經音義引郭註云謂
兄後也方俗異言耳與今本異

彌終也註終竟也

正義彌說文作彌云久長也當從之易繫辭傳云故能彌綸天下之道苟爽云彌終也淮

南原道訓橫之而彌於四海高秀註彌終也釋詁起
於始者君子慎始也釋言迄於終者不民有終也

皇清經解卷五百零六終

漢軍生員樊封校

皇清經解卷五百零七

學海堂

爾雅正義

餘姚邵編修 晉涵 著

釋訓第三

正義釋詁云訓道也說文云訓說教也繫傳云訓者順其意以訓之也釋文引張揖雜字云訓

者謂字有意義也詩疏云訓者道也道物之貌以告人也釋訓道形貌也案古者重語皆爲形容之詞有單舉其文與重語同義者如肅肅敬也不丕大也祇言肅祇言丕亦爲敬也大也有單舉其文卽與重語異義者如坎坎喜也居居惡也祇言坎言居則非喜與惡矣此篇先釋重語子子孫孫以下三十二句敷釋詩義協於古音所以具訓於蒙士也次及連語次引詩而釋之錯舉其辭多言形體兼及用物俾諷誦者擬諸形容得古人順敘之意故自爲一篇至於釋古今之異言通俗之殊語與釋詁釋言同義

明明斤斤察也註皆聰明鑒察

正義釋詁云察審也賈誼書道術篇纖微皆審謂之察反察爲

眊呂刑云明明棗常逸周書王子晉解云明明赫赫周頌執競云斤斤其明皆言察也斤與明義同漢書律厯志云斤者明也詩疏引舍人云明明言其明甚孫炎云明明性理之察也斤斤重慎之察也後漢書註引李巡云斤斤精詳之察也

釋文引舍人云斤斤物精詳之察也漢書敘傳云平津斤斤後漢書吳漢傳云斤斤謹慎俱本雅訓斤斤又通作局局左氏襄五年傳引逸詩云我心局局杜註局局明察也

條條秩秩智也註皆智思深長正義釋言云哲智也賈誼書云深知禍福謂之智反智為愚釋

名云智知也無所不知也春秋繁露如天之為篇其在人者亦宜行而無留若四時之條條然也條條與秩秩義同秦風

小戎云秩秩德音毛傳秩秩有知也小雅巧言云秩秩大猷毛傳秩秩進知也條條釋文云舍人本作攸攸沈亦音條

穆穆肅肅敬也註皆容儀謹敬正義賈誼書云接遇肅正謂之敬反敬為媿釋名云敬警也恒

自肅警也舜典云四門穆穆大雅思齊云肅肅在廟樂記云肅肅敬也說文云肅持事振敬也从聿在肅上戰戰兢兢也

諸諸便便辯也註皆言辭辯給正義賈誼書云論物明辯謂之辯反辯為訥說文云諸辯也重

言之亦為辯也小雅采芣云平平左右釋文引韓詩作便便左右毛傳平平辯治也服虔左傳註云平平辯治不絕之貌

古者平便字通用書云平章百姓史記引作便章百姓平秩東作史記引作便程東作便又通作辯史記索隱引今文尚

書作辯章百姓鄭註春官馮相氏云仲春辯秩東作仲夏辯秩南訛仲秋辯秩西成仲冬辯在朔易賈疏以為據書傳而

言今本尙書大傳唯有辯秩而西成辯在朔易二語便辯以聲
爲義註皆言辭辯給○正義鄭註士師云故書別爲辯凡經
傳言諸者俱
有辯別之意

肅肅翼翼恭也註

皆恭敬

正義釋詁云恭敬也賈誼書云接遇
慎容謂之恭反恭爲媢釋名云恭拱

也自拱持也肅肅敬也已見上文詩釋文引韓詩云民民翼
翼翼文選註引韓詩云京師翼翼孔子閒居云威儀翼翼毛傳
翼翼恭
敬也

靡靡優優和也註

皆和樂正義賈誼書云剛柔得道謂之和反
和爲乖周頌頤云有來靡靡樂記云

靡靡和也南頌長發云敷政優優毛傳用爾雅左氏成二年
傳引詩作布政優優杜注成湯布政優和說文引作布政憂
憂憂和
之行也

兢兢繩繩戒也註

皆戒慎正義賈誼書云思惡勿道謂之戒反
戒爲傲小雅小旻云戰戰兢兢毛傳

用爾雅周南螽斯云宜爾子孫繩繩兮毛傳繩繩戒慎也薛
瓚漢書註引爾雅繩繩戒也應劭云謹敬更正意也今本或
作愷愷
音義同

戰戰愴愴動也註皆恐動趨步

正義戰戰色動也 愴愴行動也 淮南人閒訓引堯戒云戰戰慄

慄小旻毛傳云戰戰恐也曲禮云士踰踰鄭註引聘禮曰眾介北面鏘鏘焉今本儀禮作眾介北面踰焉禮記釋文云踰

本又作鶴或作鏘尙書大傳引逸詩云鶴鶴相從荀子又作鎗鎗

晏晏溫溫柔也註皆和柔

正義後漢書註引爾雅云晏晏溫溫和也疑舊註有溫和也之訓故章懷引

作正文矣註又引尙書考靈耀云堯文憲晏晏鄭註寬容覆載謂之晏今尙書作安安釋名云安安也晏晏然和喜無動

懼也詩云溫溫恭人小宛毛傳溫溫和柔貌抑毛傳溫溫寬柔也玉藻云燕居告溫溫

業業翹翹危也註皆懸危惴惴僬僬懼也註皆危懼

正義說文云危在高

而懼也懼恐也釋名云危既既不固之言也大雅召旻云兢兢業業翹翹鳴鳴云子室翹翹小雅小宛云惴惴小心鳴鳴

又云子維音嘒嘒又商頌長發云有震且業毛傳業危也是單舉其文亦爲危也說文云惴憂懼也詩曰惴惴其慄嘒懼

也詩曰唯子音之嘒嘒案說文引幽風與今本字句微異莊子齊物論小恐惴惴李顯註小心貌齊策云安平君以惴惴

之卽墨是惴惴爲危懼也慄本作嘒

番番矯矯勇也註皆壯勇之貌桓桓烈烈威也註皆嚴猛之貌

洸洸赳赳武也註皆悍毅之貌

正義賈誼書云持節不恐謂之勇反勇爲怯誠動可畏謂

之威反威爲困釋名云勇踴也遇敵踴躍欲擊之也威畏也可畏懼也武舞也征伐動行如物鼓舞也故樂記曰發揚蹈

厲太公之志也大雅崧高云申伯番番毛傳番番勇武貌魯頌泮水云矯矯虎臣鄭箋矯矯武貌牧誓云尙桓桓周頌桓

云桓桓武王鄭箋桓桓有威武之武王尙頌長發云相土烈烈毛傳用爾雅大雅江漢云武夫洸洸毛傳洸洸武貌周南

兔置云赳赳武夫釋文引爾雅云勇也說文云赳輕勁有才力也抑風谷風云有洸有潰毛傳洸洸武也是單舉其文亦

爲武也廣雅云桓桓矯矯赳赳武也是勇威武三字之訓相連釋文引舍人云矯矯得勝之勇也洸洸本作潢潢

藹藹濟濟止也註皆賢士盛多之容止

正義大雅文王疏引釋訓云濟濟容止也蓋連

引註文卷阿疏引釋訓云藹藹濟濟止也與今本同卷阿云藹藹王多吉士毛傳藹藹猶濟濟也文王云濟濟多士毛傳

濟濟多威儀也曲禮云大夫濟濟少儀云濟濟翔翔祭義云濟濟者容也遠也管子形勢解濟濟者誠莊事斷也皆言容

止也註皆賢士容止正義詩疏引孫炎云濟濟多士之容止也郭註本孫炎荀子大畧篇朝廷之美濟濟鎗鎗楊倞註

亦以濟濟
爲多士貌

悠悠洋洋思也

註皆憂思

正義釋詁云悠悠思也悠悠亦爲思秦風渭陽云悠悠我思中庸云洋洋乎

如在其上鄭註人想思其傍優之貌舊疏引邱風二子乘舟云中心養養洋洋養音義同

蹶蹶蹻蹻也

註皆便速敏捷也

正義釋名云敏捷也進致無否滯之言也故汝穎言敏曰

閉也唐風蟋蟀云良士蹶蹶毛傳蹶蹶動而敏干事小雅楚茨云執爨蹻蹻說文云蹻長蹻行也

薨薨增增衆也

註皆衆夥之貌

正義周南螽斯云螽斯羽薨薨衆夥之貌○正義史記云楚人謂多爲夥

徒增增釋文云顧舍人本薨薨作雄雄註皆衆夥之貌○正義史記云楚人謂多爲夥

烝烝遂遂作也

註皆物盛興作之貌

正義魯頌泮水云烝烝皇皇鄭箋烝烝猶進進也祭

義云陶陶遂遂鄭註相隨行之貌賈誼書容經云祭祀之容遂遂然皆言起而行也

委委佗佗美也

註皆佳麗美豔之貌

正義釋文云委委諸儒本並作佗佗佗佗案委蛇韓詩作禕隋見衛尉衡方碑舍人

它它如山如河禕禕者心之美舍人所引鄘風君子偕老文今本作委委佗佗案委蛇韓詩作禕隋見衛尉衡方碑舍人

以委作禕本於韓詩註皆佳至之貌○正義詩疏引李巡云皆容之美也孫炎云委委行之美佗佗長之美郭註與李孫義同毛傳云委委者行可委曲縱迹也佗佗者德平易也詩釋文引韓詩云德之美貌與郭註義相成也

低低惕惕愛也註詩云心焉惕惕韓詩以爲悅人故言愛也低

低未詳

正義說文云低愛也釋文引李巡云低低和適之愛也低本或作娒漢書敘傳註孟康曰娒娒惕惕愛也

惕惕猶切切也韓詩亡於宋初今於他書無考

僂僂格格舉也註皆舉持物綦綦孽孽戴也註皆頭戴物

正義說文

云舉對舉也分物得增益曰戴僂僂格格者釋言云僂舉也釋詁云格格也馬融書註云陞猶舉也重言之義亦同周禮註引詩云約之格格言縮板之舉也綦綦孽孽者周南桃夭云其葉綦綦毛傳綦綦至盛貌有色有德形體至盛也文選註引韓詩綦綦者義薛君云綦綦盛也衛風碩人云庶姜孽孽毛傳孽孽盛飾是則綦綦孽孽皆言物飾之盛說文所謂分物得增益者亦言其饒盛也

慝慝媿媿安也註皆好人安詳之容祁祁遲遲徐也註皆安徐

厭 正義 厭厭者說文引詩云厭厭夜飲今小雅湛露篇省作厭厭秦風小戎云厭厭良人毛傳厭厭安靜也媿媿者說文云媿媿也魏風葛屨云好人提提毛傳提提安諦也孔疏引孫炎云提提行步之安也荀子修身篇難進曰促淮南說林訓提提者射高誘註提提安也祁祁者召南采芣云被之祁祁毛傳祁祁舒遲也遲遲者商頌長發云昭假遲遲孔子閒居云威儀遲遲皆安徐也媿媿提提音義同

丕丕簡簡大也 正義 丕簡大也詩疏引李巡云簡簡降福之

大也立政云以竝受此丕丕基周頌執競云降福簡簡

存存萌萌在也 正義 釋詁云在存也易繫辭傳云成性存存後漢書杜篤

傳云不若近而存存也萌萌當作蕁蕁說文云蕁存也王篇引爾雅作蕁蕁省作悶悶文子上禮篇其政悶悶其民淳淳

淮南引老子亦作悶悶

懋懋慤慤也 正義 釋詁皆自勉強庸庸倥倥勞也

云懋勉也庸勞也說文云慤勉也重言之義同荀子大畧篇庸庸勞勞廣雅云庸庸用也舊疏引小雅巷伯云勞人草草

毛傳草草勞心也陳風月出

云勞心怪兮草怪音義同

赫赫躍躍迅也正義釋詁云迅疾也商頌殷武云赫赫厥聲江漢毛傳赫赫然

盛也疏引孫炎云赫赫明著之迅小雅巧言云躍躍兔兔釋文云赫舍人本作爽說文云爽盛也躍樊光本作濯引詩釋

云濯濯

厥靈云濯濯

綽綽爰爰緩也註皆寬緩也悠悠偃偃丕丕簡簡存存懋懋庸

庸綽綽盡重語

正義釋言云寬綽也衛風淇澳云寬兮綽兮毛傳綽緩也小雅角弓云綽綽有裕毛傳綽

綽寬也王風兔爰云有兔爰爰爰爰毛傳爰爰緩意註皆寬至重語○正義明監本皆寬緩也四字註誤人疏脫悠悠偃偃以

下十九字案釋文有重語二字舊疏亦述郭註監本郭註多脫誤或所見非善本也今據宋本補正二十三字郭氏以悠

偃丕簡存懋庸綽者訓已見釋詁釋言而古人有重言者故舉以例其餘其未舉者可以類推

坎坎墉墉喜也註皆鼓舞懽喜

正義小雅伐木云坎坎鼓我蹲舞我說文云鞞繇也舞也樂

有章詩曰鞞鞞舞我墉舞也詩曰墉墉舞我詩釋文引說文作墉士舞也案說文引詩與今本毛詩字句微異坎與鞞同

音蹲作增與爾雅同蓋許氏所据爲古本也鄭箋爲我擊鼓坎坎然爲我興舞蹲蹲然謂以樂樂已足皆言喜也釋文引

舍人云增

增舞貌

瞿瞿休休儉也註皆良士節儉

正義賈誼書云廣較自斂謂之儉反儉爲侈說文云儉約也唐

風蟋蟀云良士瞿瞿又云良士休休毛傳瞿瞿然顧禮義也休休樂道之心疏引李巡云皆良士顧禮義之儉也

旭旭躑躑也註皆小人得志僑蹇之貌

正義釋文云旭旭郭呼老反是郭氏讀旭

旭爲好好小雅巷伯云驕人好好鄭箋好好喜讒言之人也釋文又云謝詩玉反則旭讀如字太元從次二云方出旭旭

朋從爾醜測日方出朋從不知所之也大雅板云小子躑躑毛傳躑躑貌疏引孫炎云謂驕慢之貌

夢夢訕訕亂也註皆闇亂

正義詩疏引孫炎云夢夢昏昏之亂也釋文引顧野王云夢夢訕訕煩懣

亂也小雅正月云視天夢夢釋文云亂也韓詩云惡貌也大雅柳云視爾夢夢毛傳用爾雅荀子哀公篇繆繆訕訕其事

不可循楊倞註訕與訕同雜亂之貌楚詞九章云中閔替之訕訕賈誼書先醒篇不知治亂存亡之所由訕訕然猶醉也

拍又云誨爾諄諄中庸鄭註引作訕訕諄諄音義同文云諄諄告曉之貌也訕訕諄諄音義同

慄慄邈邈也

註皆煩悶

正義說文云悶懣也懣煩也玉篇云懣煩悶也釋文云本又作暑顏師古

漢書註謂痛切而叫呼也邈邈通作藐藐大雅抑云聽我藐藐毛傳藐藐然不入也疏引舍人云藐藐憂悶也

僂僂洄洄惛也

註皆迷惛

正義說文云惛不憶也僂僂也釋文引郭氏音義云洄本或作欄案說文

引爾雅云欄欄積積疑卽僂僂洄洄之異文欄通作惛大元疑初一云疑惛惛失貞矢註云執志不固惛惛從人故失正見之道也積通作潰大雅召旻云潰潰回適毛傳潰潰亂也

阪阪盪盪僻也

註皆衰僻

正義詩疏引李巡云阪阪失道之僻也盪盪者弗思之僻也孫炎云盪盪

法度廢壞之僻大雅板云上帝板板毛傳板板反也鄭箋王爲政反先王與天之道盪盪云盪盪上帝詩序天下盪盪無綱紀文章鄭箋盪盪法度廢壞之貌詩疏盪盪是廣平之名非善惡之稱論語云盪盪乎民無能名焉洪範云王道盪盪言

其無復惡事序言盪盪無綱紀文章言其除去善事案孔疏分析訓義與此篇斷章釋詩之義相合此篇如惕惕愛也太

元之逃云心惕惕則非愛也瞿瞿儉也檀弓云瞿瞿焉如有求而弗得玉藻云視容瞿瞿則非儉也旭旭僑也賈誼書修

政語旭旭然如日之始出則非僑也邈邈悶也離騷云神高馳之邈邈則非悶也訓有旁通義有分屬各見指歸無庸皮

傳此篇多釋詩文故
郭氏專據詩傳為義

熾熾炎炎熏也註皆旱熱熏炙人

正義大雅雲漢云蘊隆蟲蟲
又云赫赫炎炎此釋之也毛

傳蟲蟲而熱炎炎蒸氣也蟲釋文引韓詩作炯炯說文云
炯光也炎火光上也炎炎通作燄燄洛誥云無若火始燄燄

六韜云熒熒不
救炎炎奈何

居居究究惡也註皆相憎惡

正義唐風羔裘云自我人居居又
云自我人究究此釋之也毛傳居

居懷惡不相親比之貌究究猶居居也疏引李巡云居居不
狎習之惡孫炎云窮極人之惡王逸楚詞章句究究不止貌

也與孫炎
之義相通

仇仇敖敖傲也註皆傲慢賢者

正義敖傲也毛見釋言小雅正
月云執我仇仇毛傳仇仇猶警

警也十月之交云讒口訾訾釋文引韓詩作替替大雅抑云
聽我訾訾毛傳訾訾猶警警也敖替警音義同釋文云傲舍

人本作毀釋云仇仇無倫理之貌警警眾口毀人之貌李巡
與舍人同王逸九思云令尹兮警警註云警警不聽話言而

也
妄語

此此瑣瑣小也

註皆才器細陋

正義說文云小物之微也釋文引舍人云此此形容小貌詩疏

引舍人云瑣瑣計謀褊淺之貌小雅正月云此此彼有屋毛傳用爾雅說文引詩此此作個個解云小貌節南山云瑣瑣

姻亞毛傳瑣瑣小貌

悄悄慘慘愠也

註皆賢人愁恨

正義說文云愠怒也釋文引韓詩云愠恚也悄悄者說文云悄悄

憂也玉篇云悄悄心無慘也小雅出車云憂心悄悄相舟毛傳悄悄憂貌慘慘者詩疏引李巡云慘慘憂怒之愠也案慘慘

當屬燥燥之訛毛鄭詩考正云月出三章勞心慘兮案慘七感切方言云殺也說文云毒也音義皆與詩不協蓋燥字轉

寫誤爲慘耳燥千到切故與照繚紹韻說文燥不安也引詩念子燥燥今詩中正月篇憂心慘慘北山篇或慘慘劬勞抑

篇我心慘慘皆燥燥之譌釋文於北山篇云字作燥於白華篇念子燥燥云亦作慘慘蓋二字音義未能決定也據此則

李巡註亦當作燥燥

瘡瘡痠痠病也

註皆賢人失志懷憂病也

正義瘡說文作瘡憂也小雅四牡云四牡

瘡瘡毛傳瘡瘡罷貌大雅抑云靡聖管管毛傳管管無所依也小雅正月云憂心愈愈毛傳愈愈憂懼也釋文痠本作庠

庚愈音
義同

殷殷惇惇忉忉惇惇欽欽京京忉忉惓惓忉忉奔奔憂也註此

皆作者歌事以詠心憂正義詩人言憂愁之狀此統釋之也

惓惓然痛也說文云惓痛也惇惇者小雅正月云憂心惓惓毛傳

在疚疚憂也忉忉者齊風甫田云勞心忉忉毛傳忉忉憂勞

也惇惇者檜風素冠云勞心惇惇毛傳惇惇憂勞也欽欽者

秦風晨風云憂心欽欽毛傳思望之心欽欽然京京者正月

云憂心京京毛傳京京憂不去也忉忉惓惓者召南草蟲云

憂心忉忉又云憂心惓惓毛傳忉忉猶衝衝也惓惓憂也忉

忉奕奕者小雅頍弁云憂心忉忉又云憂心奕奕毛傳忉忉

憂盛滿也奕奕然無所薄也後漢書註引爾雅云惓惓憂也

疑惓惓下脫惓惓二字
或即忉忉之異文也

昉昉田也註言墾辟也叟叟耜也註言嚴利郝郝耕也註言土

解釋釋生也註言種調穠穠苗也註言茂好也縣縣庶也註

言芸耨精控控穫也註刈禾聲粟粟眾也註積聚綴溘溘漸

也註洮米聲焯焯烝也註氣出盛

正義雅頌屢言農事合而釋之始言與其功終言食

其利無輟其時無廢其用以見稼穡之艱難也自首春均田豫其用器土膏脈發種種以時良苗懷新成秀垂穎夏勤其芸蒞秋趨其收歛場圃既築委積日增始能昔粒食之利裕養民之政矣○昉昉田也○小雅信南山云昉昉原隰毛傳昉昉墾辟貌鄭註地官均人引作營營原隰賈疏以為均田之意夏小正云農率均田月令云命田舍東郊皆修封疆審端經術是均田之事也○畎畎至苗也○耜說文作耜耜也鄭註月令云耜者耒之金也釋名云耜似也似齒之斷物也周頌良耜云畎畎良耜毛傳畎畎猶測測也疏引舍人云畎畎耜入地之貌說文云治稼畎畎進也耕者說文云犁也言犁治也載芟云其耕澤澤鄭箋土氣蒸達而和耕之則澤澤然解散疏引舍人云釋釋猶藿藿解散之意周語云土乃脉發章註引汜勝之書云春土冒厥陳根可拔耕者急發是土解而耕之事也郝澤釋三字音義同載芟又云驛驛其達鄭箋達出地也疏引舍人云穀皆生之貌驛驛古通用文選註引韓詩薛君章句云釋釋盛貌大雅生民云禾易穰穰毛傳穰穰苗好美也說文穰禾粟之貌詩曰禾穎穰穰穎禾末也毛傳義本爾雅言苗之生長茂盛也說文作垂穎之貌亦與雅訓相成○縣縣縣也○載芟云縣縣其鹿毛傳云鹿耘也釋文引韓詩作民民其鹿民民眾貌鹿芸也鹿本或作穠左

氏昭元年傳云辟如農夫是穡是藪杜註穡耘也詩釋文引說文云穡耨鋤田也字林云耕禾閒也爾雅釋文同今本說文作穡耕禾閒也與陸氏所見本異郭註言芸耨精詩疏引郭註作芸不息也亦與今本異○挫挫至眾也○良耜云穫之挫挫積之栗栗疏引孫炎云挫挫穫聲也李巡云栗栗積聚之眾也說文云挫穫禾聲也穫刈穀也積積禾也秩積也詩日積之秩秩繫傳云堆積已刈之禾也積積秩栗皆聲之轉字異義同卜爾雅云截穎謂之銚釋名云銚銚斷穗聲也○澐澐至烝也○詩疏引樊光云詩曰釋之澐澐蒸之焯焯孫炎云澐澐新米聲焯焯炊之氣也樊所引詩大雅生民之文也今本作釋之叟叟蒸之浮浮毛傳釋新米也叟叟聲也浮浮氣也叟澐聲之轉焯浮音義同說文云澐汰也焯蒸也蒸火氣上行也

倮倮服也註謂戴弁服峨峨祭也註謂執圭璋助祭隄隄樂也

註鐘鼓音穰穰福也註言饒多正義此舉雅頌所言祭祀之禮容貌聲音之盛以事神而

致福也倮倮者釋言巳云倮倮也郭註引詩曰戴弁倮倮說文云倮冠飾貌詩曰弁服倮倮戴弁在首而謂之服者士冠禮祝辭始加曰始加元服再加曰乃申爾服三加曰成加爾

服鄭註謂緇布冠皮弁爵弁也是弁得稱爲服也毛傳倮倮

恭順貌峨峨者大雅檇檇云奉璋峨峨毛傳峩峩盛壯也鄭箋祭祀之禮王裸以圭瓚諸臣助之亞裸以璋瓚奉璋之儀峩峩然疏引舍人云峨峨奉璋之貌韻韻者周頌執競云鐘鼓喤喤毛傳喤喤和也鄭箋武王既定天下祭祖考之廟奏樂而八音克諧疏引舍人云喤喤鐘鼓之樂也韻本亦作鏗說文云鏗鐘聲也詩曰鐘鼓鏗鏗漢書禮樂志引詩亦作鏗鏗與說文同穰穰者執競云降福穰穰毛傳穰穰眾也疏引舍人云穰穰眾多之貌也某氏引此詩言穰穰是福豐之貌也祭統云福者備也備者百順之名也

子子孫孫引無極也註世世昌盛長無窮顛顛叩叩君之德也

註道君人者之德望正義小雅楚茨云子子孫孫大雅卷阿云顛顛叩叩此釋其義也詩疏引舍人

云子孫長行美道引無極也古彝鼎銘多作子子孫孫永用寶皆欲其昌盛無窮也卷阿毛傳顛顛溫貌叩叩盛貌鄭箋體貌則顛顛然敬順志氣則叩叩然高朗疏引孫炎云顛顛體貌溫潤也叩叩志氣高遠也虞翻易註云顛顛君德有威容貌容止可觀進退可度則下觀其德而順其化詩曰顛顛叩叩如珪如璋君德之義也案虞註以顛顛為有威與毛傳孫註義殊鄭箋以為敬順蓋兼有威及溫潤之義郭註祇言德望以有合德者必有合望也詩疏云顛顛叩叩以下徑訓

興喻之義不釋詩文平都
相蔣君碑作顛顛昂昂

丁丁嚶嚶相切直也註丁丁斫木聲嚶嚶兩鳥鳴以喻朋友切

磋相正

正義小雅伐木云伐木丁丁鳥鳴嚶嚶興喻之義在朋友之相切正也文選註引韓詩云伐木廢朋友之

道缺勞者歌其事詩人伐木自苦其事故以爲文鄭箋引爾雅而釋之云昔日未居位在農之時與友生於山巖伐木爲勤苦之事猶以道德相切正也嚶嚶兩鳥聲也其鳴之志似於有友道然故連言之註丁丁至相正○正義毛傳丁丁伐木聲郭註本毛傳傳又云嚶嚶驚懼也疏引王肅云鳥聞伐木驚而相命嚶嚶然以興朋友切切節節郭不從者以友朋自有切直之義不必祇在驚懼也故從鄭箋作兩鳥鳴知爲兩鳥者以一鳥則不得有相切之義詩又云嚶其鳴矣則爲一鳥之鳴所以求友也

藹藹萋萋臣盡力也註梧桐茂賢才眾地極化臣竭忠嚶嚶

喈民協服也註鳳凰應德鳴相和百姓懷附興頌歌

正義大雅卷阿

云藹藹王多吉士又云萋萋離離嚶嚶喈喈上文云藹藹止也釋詁云嚶嚶和也皆釋字義此又言興喻之義也說文云

講講臣盡力之美文選註引韓詩薛君章句云萋萋盛貌詩
疏引舍人云講講賢士之貌萋萋梧桐之貌尚書大傳引逸
詩云鳳凰喙喙說文云鳳凰鳴聲喙喙註梧桐至頌歌○正
義毛傳梧桐盛也鳳凰鳴也臣竭其力則地極其化天下和
洽則鳳凰樂德鄭箋萋萋喻君德盛也離離喙喙喻臣
民和協疏引孫炎云言眾臣竭力則地極其化梧桐盛也郭
註本傳箋爲義說文繫傳引
郭註作梧桐茂實賢士眾

佻佻契契愈遐急也註賦役不均小國困竭賢人憂歎遠益急

切燕燕粲粲尼居息也註盛飾宴安近處優閒正義小雅大東云佻佻公

子又云契契寤歎北山云或燕燕居息大東又云粲粲衣服
毛傳佻佻獨行貌爾雅釋文引詩云佻佻獨行歎息也詩釋

文引韓詩作耀耀往來貌契契者毛傳云憂苦也論語云有
心哉何晏註有心謂契契然也劉向九歎云孰契契而委棟

兮王逸章句契契憂貌也燕燕者毛傳云安息貌本或作晏
晏粲粲者毛傳云鮮盛貌文選註引韓詩作采采衣服薛君

曰采采鮮貌註賦役至優閒○正義大東序云東國困於役
而傷於財譚大夫作是詩以告病焉北山序云役使不均郭

氏取詩序爲義釋註云遐遠也昵近也尼通作昵
言居遠者急切處近者優閒見政役之不均也

哀哀悽悽懷報德也註悲苦征役思所生也

正義小雅蓼莪云哀哀父母鄭箋哀

哀者恨不得終養父母報其生長已之苦悽悽者說文云悽痛也祭義云必有悽愴之心言追念所生也釋文云悽郭本或作萋小雅杜云其葉萋萋下云憂我父母興喻之義與蓼莪同故皆爲懷報德也

儻儻嘒嘒罹禍毒也註悼王道穢塞羨蟬鳴自得傷已失所遭

讒賊

正義儻釋文引樊光本作攸攸我思易釋文引子夏易云其欲攸攸漢書敘傳作其欲攸攸注云攸

攸欲利之貌今願卦六四爻辭作其欲逐逐是儻攸字同通作逐又通作踧小雅小弁云踧踧周道鞠爲茂草又云鳴蜩嘒嘒毛傳踧踧平易也周道周室之道鞠窮也蜩蟬也嘒嘒聲也鄭箋此喻幽王信褒姒之讒亂其德政使不通於四方

柳木茂盛則多蟬郭註兼用傳箋之義罹者遭也

晏晏旦旦悔爽忒也註傷見絕棄恨士失也臯臯瑁瑁刺素食

也註饑無功德尸寵祿也灌灌悒悒憂無告也註賢者憂懼

無所訴也憲憲泄泄制瀆則也註佐興虐政設教令也謔謔

諂諂崇讒慝也註樂禍助虐增諸惡也

正義上文興喻之義有祇取諸物者如丁

下嚶嚶離離啾啾是也有言人兼及於物者如哀哀與萋萋連舉儵儵與嘒嘒連舉是也以下惟舉人之情狀言之○晏

晏至忒也○衛風氓云言笑晏晏信誓旦旦毛傳晏晏和柔也信誓旦旦然說文云怛懼也或从心在旦下詩曰信誓旦

旦詩疏釋訓云晏晏旦旦悔爽忒也謂此婦人恨夫差貳其心變本言信故言晏晏旦旦而自悔解言此之意非訓此字

也定本云旦旦猶怛怛○皇皇至食也○大雅召旻云皇皇

詆訛會不知其玷毛傳皇皇頑不知道也鄭箋王政已大壞小人在位曾不知大道之缺疏引舍人云皇皇不治之貌某

氏云無德而空食祿也小雅大東云韜韜佩璲鄭箋以璲玉爲佩佩之韜韜然徒美其佩而無其德刺其素飡疏引某氏

云韜韜無德而佩故刺素餐也文選註引韓詩薛君章句云何謂素餐素者質也人但有質朴而無治民之材名曰素餐

尸祿者頗有所知善惡不言默然不語苟欲得祿而已譬如尸焉○灌灌至告也○大雅板云老夫灌灌毛傳灌灌猶款

款也鄭箋老夫諫女款款然王風黍離云中心搖搖毛傳搖搖憂無所忍說文引爾雅作權權搖搖今本灌或作權搖搖

音義同○憲憲至則也○大雅板云天之方難無然憲憲天之方蹶無然泄泄毛傳憲憲猶欣欣也泄泄猶杳杳也鄭箋

李巡云皆惡黨爲制法則也孫炎云厲王方虐諂臣並爲制
作法合說文引詩作無然詛詛云詛多言也。詭詭至慝也
○板云天之方虐無然詭詐又云多將煽煽不可救藥毛傳
詭詭然喜樂煽煽然熾盛也鄭箋女無詭詐然以讒慝助之
多行煽煽慘毒之惡誰能止其禍說文云煽火熱也易云家
人嗃嗃釋文引劉表本作煽煽侯果云嗃嗃嚴也易疏嗃嗃
嚴酷之意諱
煽嗃音義同

翁翁詆詆莫供職也註賢者陵晉姦黨熾背公卹私曠職事速

速感感惟速鞠也註陋人專祿國侵削賢士求哀念窮迫正義

小雅小旻云翁翁詆詆釋文引韓詩云不善之貌毛傳翁翁
然患其上詆詆然思不稱乎上鄭箋臣不事君亂之階也召
旻毛傳詆詆窳不共事也疏引李巡云君闇蔽臣子莫親其
職說文云訾不思稱意也繫傳云不思稱事之意也孫子云
諄諄翁翁徐言入人者失其眾也註云翁翁不真也速速者
後漢書註引韓詩云速速方穀今本毛詩作藜藜方有穀毛
傳藜藜陋也鄭箋穀祿也案後漢書註引毛詩亦作速速方
穀傳同今本誤衍有字楚辭九歎云躬速速其不吾親王逸
註速速不親附貌也感感者節南山云感感靡所騁鄭箋感
感縮小之貌我視四方土地日見侵削於夷狄感感然雖欲

馳騁無所之也案蔡邕釋誨云速速方轂天是加註云謂
小人乘方轂而行方竝也小人並轂而行則君子車無所騁
於義亦通惟逮鞠者釋詁云惟思也釋言云鞠窮也逮與求
同言思念所求皆窮困也註賢者至職事○正義說文繫傳
引註云賢者陵皆奸黨熾盛背
公郵私曠職事也字句微異

抑抑密也

註威儀審諦秩秩清也

註德音清洽

正義秩秩智也
已見上文秩秩

又爲清也大雅假樂云威儀抑抑德音秩秩鄭箋引爾雅而
釋之曰成王立朝之威儀緻密無所失教合又清明天下皆
樂仰之孔疏緻密無失謂舉止詳悉事無
非禮教合清明謂下民寧靜無微不燭

粵峯掣曳也

註謂牽挽

正義周頌小苾云莫子莽蜂毛傳莽蜂
摩曳也鄭箋羣臣小人無敢我摩曳謂

爲諂詐誑欺不可信也疏引孫炎云謂相掣曳入於惡也註
謂牽挽○正義詩疏掣曳者從旁牽挽之言是挽離正道使
就邪僻義本於郭註也疏又引孫毓云羣臣無有牽引扶助
我亦以掣曳爲牽挽也粵莽蜂拿摩掣音義同宋本挽作拖

朔北方也

註謂幽朔

正義堯典云宅朔方史記引作居北方書
疏引舍人云朔盡也北方萬物盡故言朔

也李巡云萬物盡於北方蘇而復生故言北方尚書大
傳云便在伏物史記索隱引尸子云北方者伏方也

不俟不來也註不可待是不復來不遁不蹟也註言不循軌跡

批正義此以不俟釋不來以不遁釋不蹟也小雅采芣云我行不來說文俟作候引詩日不賴不來今詩無此語蓋以

釋訓多釋詩義故以訓釋之文為詩本文也楚詞九章思美人云揚厥馮而不埃王逸章句思舒憤懣無所待也不蹟者

河水云念彼不蹟謂不循道也適古述字擲風報我不述

不徹不道也註徹亦道也勿念勿忘也註勿念念也正義小雅十月之交

云天命不徹毛傳徹道也鄭箋不道者言王不循天之政教大雅文王云無念爾祖孝經釋文引鄭註云無念無忘也註

勿念念也正義毛傳無念念也小爾雅同是郭註所本也服虔左傳註云不尚尚也毋寧寧也俱與此同

萋諛忘也註義見伯兮考槃詩正義文選註引韓詩薛君章句云萋草忘憂也說文作薺云合

人忘憂草也或作萋又或作薺淇澳云終不可諛兮釋云民之不可忘也即見下文註義見至槃詩正義爾雅釋文引

詩云焉得萋草毛傳云萋草令人善忘今衛風伯兮云焉得萋草毛傳諛草令人忘憂與陸氏所据本異考槃云永矢弗

諛毛傳用爾雅

每有雖也註詩曰每有良朋辭之雖也

正義莊子庚桑楚云每發而不當釋文引爾雅

云每趾也眾經音義引倉頡篇云每非一定之辭也註詩云至良朋○正義小雅常棣文

饎酒食也註猶今云饎饌皆一語而兼通

正義地官饎人云掌凡祭祀共盛士虞禮

云饎饌在東壁西而鄭註炊黍稷曰饎是饎者食也釋文引字林云熟食也然饎多兼酒而言小雅天保云吉蠶爲饎鄭

氏周官儀禮註俱引韓詩作吉圭惟饎毛傳饎酒食也說文云饎酒食也詩曰可以饎饎饎又通作喜小雅甫田云田峻

至喜鄭箋喜讀爲饎司齋至則又加以酒食也詩疏引李巡云得酒食則喜歡也釋文引舍人本作喜釋云古曰饎註猶

今至兼通○正義郭氏以饎釋饎也饎本爲食兼通於酒故馬融論語註云饎酒食也呼酒食爲饎今人猶然

舞號雩也註雩之祭舞者吁嗟而請雨

正義春官司巫云若國大旱則率巫而舞雩鄭

註雩旱祭也公羊桓五年傳云大雩者何旱祭也穀梁定元年傳云雩者爲旱求者也求者請也左氏桓五年傳云龍見

而雩後漢書註引服虔云雩遠也遠爲百穀求膏雨也註雩之至請雨○正義月令云大雩帝鄭註雩吁嗟求雨之祭也

春官女巫巫旱暵則舞雩鄭註使女巫舞旱祭崇陰也疏引鄭答臨碩難云董仲舒曰雩求雨之祭吁嗟之歌何休公羊傳

注云男女各八人舞而呼雩故謂之雩釋文引孫炎云雩之祭有舞有號郭註本孫炎

暨不及也註公羊傳日及我欲之暨不得已暨不得已是不

及蠢不遜也註蠢動爲惡不謙遜也正義釋詁云及暨與也蠢動也此又反覆申明

其義也春秋昭七年春暨齊平穀梁傳云暨猶暨暨也暨者不得已也以外及內曰暨蠢者大誥云西土人亦不靜越茲

蠢小雅采芑云蠢爾蠻荆註公羊至得已正義隱元年傳云及我欲之暨不得已也何休註不得已者善輕惡淺徐彥

疏善輕則暨齊平是也惡淺者宋公之弟辰暨仲佗石碣出奔陳是也

如切如磋道學也註骨象須切磋而爲器人須學問以成德如

琢如磨自修也註玉石之被琢磨猶人自修飾瑟兮憫兮恂

慄也註恒戰悚赫兮咥兮威儀也註貌光宣有斐君子終不

可諉兮註斐文貌道盛德至善民之不能忘也註常思詠正義

此釋衛風淇澳之詩禮記大學引之孔疏云記者引爾雅以釋之也○如切至脩也○骨謂之切象謂之磋玉謂之琢石

謂之磨俱見下文釋器學記云玉不琢不成器人不學不知道荀子大畧篇人之于文學也猶玉之于琢磨也詩曰如切如磋如琢如磨謂學問也毛傳道其學而成也聽其規諫以自修如玉石之見琢磨也禮記鄭註道猶言也孔疏初習謂之學重習謂之修瑟兮至儀也毛傳瑟於莊貌側寬大也赫有明德赫赫然嘒威儀容止宣著也詩釋文引韓詩云側美貌說文云武貌禮記鄭註恂字或作峻讀如嚴峻之峻言其容貌嚴栗也嘒釋文引韓詩作宣宣顯也說文引詩作愴云寬嫻心腹貌有斐至忘也斐毛詩作匪文章貌釋文引韓詩作邈美貌也諼忘也已見上文禮記鄭註民不能忘以其意誠而德著也

既微且燠胛瘍爲微腫足爲燠胛脚脛瘍創也是刈是濩濩

煇之也註煇爲爲絺綌履帝武敏武迹也敏拇也註拇迹大

指處張仲孝友註周宣王時賢臣善父母爲孝善兄弟爲友

有客宿宿言再宿也有客信信言四宿也註再宿爲信重言

之故知四宿正義此引詩文而釋之既微且燠小雅巧言文是刈是濩周南葛覃文履帝武敏大雅生民文

張仲孝友小雅六月文有客宿宿有客信信周頌有客文。既微至為煇。說文引詩作既微且撞鄭箋此人居下溼之

地故生微煇之疾疏引孫炎云皆水溼之疾也。骭瘍為微者。說文云骭骸也。骸脛也。脛肱也。肱脛端也。釋名云脛莖也。直

而長似物莖也。創戕也。戕毀體使傷也。釋文引字書微作癥。三倉云足創也。案三倉以微為足創殆未辨骭之所在高誘

淮南註云骭自膝以下脛以上也是說文所云骭也。脛端也。謂脛端交接之處正指膝以下脛以上而言也。今人於膝以

下脛以上有創多云療之難瘡或致蹇於行矣。腫足為煇者。說文云撞脛氣足腫腫癰也。釋名云足續也。言續脛也。脚却

也。以其坐時却在後也。腫鍾也。寒熱氣所鍾聚也。是列至之也。詩疏引舍人云是列取之是濩灸治之。孫炎云煮

葛以為絺絺釋文引韓詩云列取也。濩淪也。孔疏以煮之於濩故曰濩煮非訓濩為煮。履帝至摶也。毛傳以履帝武

敏為句與爾雅同。王逸楚詞章句引詩云履帝武敏歆師讀之異也。士相見禮云執玉者則唯舒武鄭註武迹也。離騷云

及前王之踵武。詩疏引孫炎云拇迹大指處。易云咸其拇。虞翻云母足大指處。拇母通子夏傳作躡足大指左傳謂之將

指釋文引舍人本敏作敏云古者姜嫄履炎帝之迹於畎畝之中而生后稷。張仲至為友。詩疏引李巡云張姓仲字

其人孝故稱孝友。唐書宰相世系表周宣王時有卿士張仲釋名云孝好也。愛好父母如所悅好也。友有也。相保有也。冠

禮賈疏云不言善事父母善事兄弟者欲見非但善事兄弟而亦爲兄弟之所善者謂行周備之意也。有客至宿也。毛傳一宿曰宿再宿曰信孔疏云釋訓因文重而倍之傳分而各言之其義同也左氏莊三年傳云凡師一宿爲舍再宿爲信過信爲次此以師行言之也周語云回祿信於聆隧檣杙次於丕山韋註再宿爲信過信爲次則信次之名不僅指師行而言矣

美女爲媛註所以結好援美士爲彥註人所彥詠

正義鄘風君子偕老云邦

之媛也鄭風羔裘云邦之彥兮此釋之也鄭箋媛者國人所依倚以爲援助也釋文引韓詩作邦之援兮援取也疏引孫炎云君子之援助然說文云媛美女也从女从爰爰引也彥者毛傳彥士之美稱疏引舍人云國有美士爲人所言道秦誓云人之彥聖說文云彥美士有文人所言也註所以至彥詠。正義好援本或作好媛今從宋本作援釋文媛作援彥作

其虛其徐威儀容止也註雍容都雅之貌猗嗟名兮目上爲名

註睂眼之間式微式微者微乎微者也註言至微正義此引詩文而釋

之其虛其徐邶風北風文猗嗟名今齊風猗嗟文式微式微邶風式微文。其虛至止也。毛詩作其虛其邪鄭箋邪讀如徐威儀虛徐寬仁者疏引孫炎云虛邪威儀謙退也孔疏虛徐者謙虛閑徐之義。猗嗟至爲名。毛傳目上爲名目下爲清拈爾雅而推言之也疏引孫炎云目上平博是眉眼之間也名與明通檀弓云子夏喪其子而喪其明冀州從事郭君碑云卜商號咷喪子失名。式微至者也。鄭箋用爾雅孔疏君被逐既微又見卑賤是至微也孫子云微乎微微至於無形是微乎微者當時語也猶公羊傳云賤乎賤者也

之子者是子也註斥所詠

正義詩疏引李巡云之子者論五方之言是子也孔疏之爲語助人言之

子者猶云是此子也桃夭傳云嫁子爲嫁者之子漢廣則貞潔者之子東山之子言其妻白華之子斥幽王各隨其事而

之名

徒御不驚輦者也註步挽輦車

正義徒御不驚小雅車攻文此釋之也毛傳徒輦也說文云輦

輓車也輓引之也釋名云輦車人所輦也黍苗云我任我輦又云我徒我御鄭箋有輓輦者步行曰徒士卒有步行者是輓輦與徒同是步行故爾雅以輦者釋徒字之義也地官鄉

師云大軍旅會同正治其徒役與其輦輦鄭註云輦人輓行

所以載在器也司馬法曰夏后氏二十人而輦殷十八人而輦周十五人而輦是輓輦之人三代互有多寡會同田獵則人輓輦以徒行也

禮禡肉袒也註脫衣而見體暴虎徒搏也註空手執也馮河徒

涉也註無舟楫正義鄭風大叔于田云禮禡暴虎小雅小旻

从月云臆肉臆也詩曰臆禡暴虎馮作湖云無舟渡河也禮

禡者詩疏引李巡云禮禡脫衣見體曰肉袒左氏昭二十年

傳云使華寅肉袒執蓋孟子云雖袒禡裸程於我側說文云

禡袒也暴虎者毛傳暴虎空手以搏之疏引舍人云無兵空

手搏之馮河者毛傳馮陵也疏引李巡云無舟而渡水曰徒

涉易泰卦云用馮河荀爽云馮河而上不用舟旒論語云暴

虎馮河孔安國註用爾雅註無舟楫正義楫監本作楫今

從釋文方言云楫謂之撓或謂之櫂釋名云在旁撥水曰櫂

又謂之楫楫捷也撥水使舟捷疾也

籛條口柔也註籛條之疾不能俯口柔之人視人顏色常亦不

伏因以名云戚施面柔也註戚施之疾不能仰面柔之人常

俯似之亦以名云夸毗體柔也註屈已卑身以柔順人也正義

邶風新臺云籩條不鮮又云得此戚施大雅板云無爲夸毗此合而釋之以形容柔色事人之狀也。籩條口柔也戚施面柔也。籩條戚施本物名說文云籩條粗竹席也又云籩靈詹諸也詩曰得此籩靈太平御覽引韓詩云得此戚施薛君云戚施蟾蜍喻醜惡是說文本韓詩籩靈戚施聲之轉也二物皆粗醜故借以爲人疾之名晉語云籩條不可使俯戚施不可使仰淮南修務訓籩條戚施雖粉白黛綠勿能爲美高誘註籩條偃也戚施僂也皆醜貌毛傳籩條不能俯者戚施不能仰者皆言其疾狀之醜也因其不能俯仰又借以爲口柔面柔之狀鄭箋籩條口柔常觀人顏色而爲之辭故不能俯者也戚施下人以色故不能仰也釋文引舍人云籩條巧言也戚施合色誘人詩疏引李巡云籩條巧言好辭以口饒人是謂口柔戚施和顏悅色以誘人是謂面柔也顏師古漢書註口柔觀人顏色而爲辭佞者也釋文云字書作頰頰。夸毗體柔也。釋文引樊光云詩云無爲夸毗史記索隱引舍人云夸毗卑身屈已也曹大家云體柔人之夸毗也詩疏引李巡云屈已卑身求得於人曰體柔鄭箋女無夸毗以形體順從之孔疏夸毗者便辟其足前却爲恭以形體順從於人釋文云字書作躄躄註籩條至人也。正義釋文引孫炎云籩條之疾不能俯口柔之人視人顏色常亦不伏因以

名云戚施之疾不能仰面柔之人常俯仰之因以各云夸毗屈已卑身以柔順人也郭註俱用孫炎

婆娑舞也註舞者之容

正義婆說文作婆徐鉉云今俗作婆非是陳風東門之榜云婆娑其下詩疏引

李巡云婆娑盤辟舞也孫炎云舞者之容婆娑然顏師古漢書註云婆娑舞貌也言於榜棚之下歌舞以娛神也初學記

引蔡邕月冷章句云舞者樂之容也有俯仰張翁行綬長短之制

辟拊心也註謂椎胷也

正義脚風柝舟云籍辟有標毛傳用爾雅喪大記云徒跣及在拊心問喪云辟

踊哭泣鄭註辟拊心也問喪又云發臂擊心又云擊胷傷心皆言辟也辟本或作擗

矜憐撫掩之也註撫掩猶撫拍謂慰卹也

正義小雅鴻雁云矜及矜人毛傳矜憐也

方言云陳楚江淮之間曰憐宋衛邢陶之間曰撫或曰掩撫掩與撫掩通○註撫掩猶撫拍○正義鄭註鄉射禮云撫拊

之也賈疏撫者撫拍之義又士喪禮云君坐撫鄭註撫手案之釋各云撫敷也敷手以拍之也拍搏也手搏其上也

絨羔裘之縫也註縫飾羔皮之名

正義召南羔裘云羔羊之革素絲五絨此釋之也毛傳絨

縫也釋文引孫炎云絨縫之界域孔疏縫合羔羊皮為裘絨卽皮之界域因名裘絨爲絨詩言五絨五總爾雅獨釋絨者

蓋舉中言之絃總亦為繼也註繼飾至之名也正義初學記引郭氏毛詩拾遺云羔裘晏兮三英采兮毛詩註曰三英三德也英謂古者以素絲英飾裘即上文素絲五紝也是郭氏釋詩以素絲為繼也絨說文作黠云羔裘之繼繫傳云詩曰

羔羊之黠以黑為繼也與郭異

殿屎呻也

呻吟之聲

正義大雅板云民之方殿屎毛傳殿屎

之聲說文引詩殿屎作吟呻吟也

疇謂之帳註

今江東亦謂帳為疇

正義召南小星云抱衾與裯鄭箋裯牀帳也疏引鄭志張

逸問諸妾抱帳進御於君何其碎答曰今人名帳為裯雖古無名帳為裯諸妾何必人抱一帳施者因之如今漢抱帳也

案說文云幅裯帳也帳張也幅與裯通而鄭志迺云古無名帳為裯者蓋於雅訓偶有不檢也釋名云帳張也張施於牀

也

倂張誑也註書曰無或倂張為幻幻惑欺誑人者誰昔昔也註

誰發語辭

正義陳風防有鶉巢云誰倂子美墓門云誰昔然矣此釋之也毛傳倂張誰也鄭箋女眾讒人誰倂

張誑欺我所美之人乎說文云侑有所靡蔽也誑欺也毛傳又云昔久也鄭箋誰昔昔也是據爾雅爲義註書曰至人者○正義周書無逸云民無或胥譎張爲幻說文云譎誑也書日無或譎張爲幻是說文所引書與今本俱作譎張郭引書作侑張所見本異侑譎因聲相近而轉也釋文引馬融本作後漢書皇后紀云汝今朝張是侑又通作朝矣書疏引孫炎云眩惑誑欺人也郭註本孫炎○誰發語辭○正義詩言誰昔猶檀弓所云疇昔之夜也故爲發語辭釋詁云疇誰也

不辰不時也註辰亦時也正義大雅桑柔云我生不辰小雅小弁云我辰安在毛傳辰時也

凡曲者謂罍註毛傳曰罍曲梁也凡以薄爲魚筍者名爲罍正義小雅魚麗云魚麗於罍孔疏曲薄也以薄爲魚筍詳見下文釋器註毛傳至梁也○正義卽魚麗傳文傳又云寡婦之筍也蓋兼用釋器文

鬼之爲言歸也註尸子曰古者謂死人爲歸人正義小雅何人斯云爲鬼爲蜮

左氏昭七年傳云鬼有所歸乃不爲厲祭義云眾生必死死必歸土此之謂鬼鄭註禮運云鬼者精魄所歸註尸子至歸人○正義列子天瑞篇鬼歸也又云古者謂死人爲歸人文選註引尸子云老萊子曰人生於天地之間寄也寄者固歸

此篇所釋始乎
明終乎幽也

皇清經解卷五百零七終

漢軍生員樊封校

皇清經解卷五百零八

學海堂

爾雅正義

餘姚邵編修 晉涵 著

釋親第四

正義禮記大傳云親者屬也說文云親至也釋文引倉頡篇親愛也近也釋名云親視也言相

隱視也屬續也恩相連續也賈誼書六術篇人之戚屬以六爲法人有六親六親始曰父父有二子二子爲昆

弟昆弟又有子子從父而昆弟故爲從父昆弟從父昆

弟又有子子從祖而昆弟故爲從祖昆弟從祖昆弟又

有子子從曾祖而昆弟故爲從曾祖昆弟曾祖昆弟又

有子子爲族兄弟備於六此之謂六親親之始於一人

世世別離分爲六親親戚非六則失本末之度是故六

爲制而止矣是六親專屬同姓而言此篇所釋先言宗

族次及於母黨妻黨婚姻者以母黨妻黨婚姻亦得爲

六親也左氏昭二十五年傳云爲父子兄弟姊妹甥舅

昏媾姻亞以象天明杜註六親和睦以事嚴父若眾星

之共辰極也是母黨妻黨婚姻俱爲六親之證也老子

云六親不和有孝慈孔穎達云六親謂父子兄弟夫婦

也案孔氏因釋孝慈而推測六親未爲通義六親始於

一本則賈誼書所釋者是也自一本而旁達則杜註所

皇清經解

卷五百零八

邵編修爾雅正義

治際會名著而男女有別鄭註合合之宗子之家序昭穆也異姓謂來嫁者也立於母與婦之名耳際會昏禮交接之會也著明也是異姓之親謂母黨妻黨其誼相連屬也孝經云孝莫大於嚴父六親俱由父而推故親親自宗族始

父爲考母爲妣註禮記曰生日父母妻死曰考妣嬪今世學者從之案尙書曰大傷厥考心事厥考厥長聰聽祖考之彝訓如喪考妣公羊傳曰惠公者何隱之考也仲子者何桓之母也蒼頡篇曰考妣延年書曰嬪于虞詩曰聿嬪于京周禮有九嬪之官明此非死生之異稱矣其義猶今謂兄爲晷妹爲媚卽是此例也正義白虎通義三綱六紀篇父者矩也以法度教子也說文云父矩也家長率教者从又舉杖母牧也从女象囊子形一曰象乳子也釋名云父甫也始生已也母冒也含生已也古者父母考妣不以存受而有異稱此篇下文云父之考爲王父父之妣爲王母卽其例也方言云南楚瀑涯之間謂婦妣曰母媮稱婦考曰父媮郭氏

彼註云古者通以考妣爲生存之稱冀州從事郭君碑云哀
哀考妣追惟震靈卜商號咷喪子失名是父母生而稱考妣
漢人猶知雅訓自漢以後遂以爲存歿之殊稱矣註禮記至
從之○正義曲禮云生日父曰母曰妻死曰考曰妣曰嬪說
文云妣歿母也釋名云父死曰考考成也亦言稿也稿於義
爲成凡五材膠漆陶冶皮革乾稿乃成也母死曰妣妣比也
比之於父亦然也是漢世儒者多據曲禮爲說郭氏所不取
也○案尙至稱矣○許叔重五經異義用謹案以折衷同異
郭氏亦用之以疏通證明其說也云大傷厥考心者康誥文
云事厥考厥長又云聰聽祖考之彛訓者皆酒誥文云如喪
考妣者禮典文郭氏歷引書文以明考妣非歿後之稱也公
羊傳曰惠公者何隱之考也仲子者何桓之母也惠公仲子
之卒俱在春秋前郭氏引之明歿後亦得稱母也郭又引倉
頡篇者漢書藝文志云倉頡七章者秦丞相李斯所作也爰
歷六章者車府合趙高所作也博學七章者太史令胡毋敬
所作也漢初閭里書師合倉頡爰歷博學三篇斷六十字以
爲一章凡五十五章并爲倉頡篇曲禮孔疏亦引倉頡篇云
考妣延年唐時倉頡篇未亡孔氏所見本與郭同也郭氏又
引書曰嬪于虞者堯典文詩曰聿嬪于京者大雅大明文周
禮有九嬪之官者天官之屬以明妻嬪非生死之異稱猶父
母考妣非生死之異稱也○其義至例也○此郭氏舉類以
曉人也兄爲舅卽見下文妹爲媢者公羊桓二年傳云若楚

王之妻媼無時焉可也何註媼妹也說文云楚人謂女弟曰媼廣雅云媼妹也釋文引纂文云河南人云妹媼也

父之考爲王父父之妣爲王母註加王者尊之王父之考爲曾

祖王父王父之妣爲曾祖王母註曾猶重也會祖王父之考

爲高祖王父曾祖王父之妣爲高祖王母註高者言最在上

正義釋名云祖祚也祚物先也又謂之王父王暉也家中所歸往也王母亦如之曾祖從下推上祖位轉增益也高祖高臯也最在上臯韜諸下也曲禮云祭王父曰皇祖考王母曰皇祖妣父曰皇考母曰皇妣鄭註更設尊號尊神異於人也皇君也考成也言其德行之成也妣之言媿也媿於考也案爾雅釋親屬之稱謂自父母上及於祖父母曾祖父母高祖父母存歿俱無異稱至曲禮言祭之稱號始別有所設耳祭法言廟制曰考廟曰王考廟曰皇考廟曰顯考廟孔疏曰考廟者父廟曰考考成也謂父有成德之美也曰王考廟者祖廟也王君也君考者言祖有君成之德也祖尊於父故加君名也曰皇考者曾祖也皇大也君也曾祖轉尊又加大君之稱也曰顯考廟者高祖也顯明也高祖居四廟最上故以高祖目之此又廟制之殊稱也

父之世父叔父爲從祖祖父父之世母叔母爲從祖祖母註從

祖而別世統異故父之曷弟先生爲世父後生爲叔父註世

有爲嫡者嗣世統故也男子先生爲兄後生爲弟正義釋各云父之世

叔父母曰從祖父母言從已親祖別而下也亦言隨從已祖

以爲名也父之兄曰世父言爲嫡統繼世也又曰伯父伯把

也把持家政也父之弟曰仲父仲中也位在中也仲父之弟

曰叔父叔少也叔之弟曰季父季癸也甲乙之次癸最在下

季亦然也兄荒也荒大也故青徐人謂兄爲荒也弟弟也相

次第而生也白虎通義云謂之兄弟何兄者况也况父法也

弟者悌也心順行篤也案從祖祖父母釋名作從祖父母後

世皆沿之國語謂之從祖叔母魯語云公父文伯之母季康

子之從祖叔母也韋註祖父曷弟之妻据喪服經作從祖祖

父母與爾雅同賈疏從祖祖父母是曾祖之子祖之兄弟言

從祖而別也世父叔父俱有父之名者喪服傳云

世父叔父何以期也與尊者一體也昆弟一體也

男子謂女子先生爲姊後生爲妹父之姊妹爲姑正義邱風泉水云問我諸

姑遂及伯姊鄭箋先姑後姊尊姑也疏引孫炎云姑之言古

尊老之名也是男子子女子俱稱姊妹姑也左傳疏引樊

從祖父母通典引馬融云從祖祖父之子是父之從父昆弟也喪服又云從祖昆弟鄭註父之從父昆弟之子通典引馬融云謂曾祖孫也於己爲再從兄弟同出曾祖故言從祖兄弟陳銓云從祖之子同出曾祖也總麻三月章云族父母族兄弟通典引馬融云族父從祖昆弟之親也賈疏族父者己之父從祖昆弟也族昆弟者己之三從兄弟皆名爲族族屬也骨肉相連屬以其親盡恐相疎故以族言之耳族曷弟之子相謂爲親同姓者大傳云絕族無移服鄭註族昆弟之子不相爲服故大傳又云四世而總服之窮也兄之子弟之子相謂爲從父昆弟者喪服大功傳云從父昆弟鄭註世父叔父之子也

子之子爲孫註孫猶後也孫之子爲曾孫註曾猶重也曾孫之

子爲帛孫註帛者言親屬微昧也帛孫之子爲來孫註言有

往來之親來孫之子爲曷孫註曷後也汲冢竹書日不窋之

曷孫曷孫之子爲仍孫註仍亦重也仍孫之子爲雲孫註言

輕遠如浮雲

正義白虎通義云子者孳孳無已也釋名云子孳也相生蕃孳也孫遜也遜遁在後也曾孫義

如曾祖也元孫元懸也上懸於高祖最在下也元孫之子曰來孫此在無服之外其義疎遠呼之乃來也來孫之子曰昆孫昆貫也恩義轉遠以禮貫連之耳昆孫之子曰仍孫以禮仍有之耳恩意實遠也仍孫之子曰雲孫言去已遠如浮雲也皆爲早娶晚死壽考者言也案曾孫又爲自孫以下之統稱周頌維天之命云曾孫篤之鄭箋曾猶重也自孫而下事先祖皆稱曾孫孔疏孫是其正稱自曾孫已下皆得稱孫哀二年左傳云曾孫蒯躄敢告皇祖文王烈祖康叔是雖歷多世亦稱曾孫也鄭註喪服傳云據祖期則曾祖大功高祖宜小功也高祖曾祖皆有小功之差則曾孫元孫爲之服同也服盡於元孫故左氏僖二十八年傳載盟諸侯之要言曰及其元孫無有老幼言以元孫爲遠也昆孫又爲遠孫之統稱昭十六年傳云孔張君之昆孫案孔張爲鄭穆公之曾孫今云昆孫者散文言之遠孫俱得稱昆孫也仍孫或作耳孫漢書註應劭云言去高曾益遠但耳聞之也晉灼云耳孫元孫之曾孫也顏師古云仍耳聲相近蓋一號也註汲冢至昴孫○正義晉書束皙傳太康二年汲郡人不準盜發魏襄王墓或言安釐王家得竹書數十車其紀年十三篇記夏以來至周幽王爲大戎所滅郭引之以證古有昴孫之稱也不密之昴孫謂毀榆也

王父之姊妹爲王姑曾祖王父之姊妹爲曾祖王姑高祖王父

之姊妹爲高祖王姑父之從父姊妹爲從祖姑父之從祖姊

妹爲族祖姑

正義王父之姊妹喪服總麻三月章謂之父之姑爲歸孫者稱之曰王姑也曾祖之姊妹高祖

之姊妹從曾祖高祖而奉以尊稱也喪服小功成人章有從父姊妹鄭註父之昆弟之女父之從父姊妹則稱爲從祖姑言從祖而別也上文云父之從祖舅弟爲族父則父之從祖姊妹當爲族姑今云爲族祖姑者言自族祖而別也

父之從父舅弟之母爲從祖王母父之從祖舅弟之母爲族祖

王母父之兄妻爲世母父之弟妻爲叔母父之從父舅弟之

妻爲從祖母父之從祖舅弟之妻爲族祖母

正義父之從父舅弟之母卽上

文所謂父之世母叔母也謂之從祖王母猶云從祖祖母也父之從祖舅弟之母卽族父之母也謂之族祖王母言從族祖而奉以尊稱也父之兄妻爲世母父之弟妻爲叔母者喪服傳世母叔母何以亦期也以各服也賈疏二母是路人以來配世叔父則有母名既有母名則當隨世叔而服之大傳云服術有六三日名鄭註名世母叔母之屬也上文云父之從父舅弟爲從祖父則其妻謂之從祖母言從祖而別也上文云父之從祖舅弟爲族父則其妻當爲族母今云族祖母

者猶云族祖姑亦言自族祖而別也

父之從祖祖父為族曾王父父之從祖祖母為族曾王母

正義喪服

總麻三月章云族曾祖父母鄭註族曾祖父母者曾祖昆弟之親也賈疏已之曾祖親兄弟案族曾王父者高祖之子已

之從曾祖也

父之妾為庶母

正義釋名云妾接也以賤見接遇也庶撫也拾撫之也謂拾撫微賤待遇之也喪服總麻三月

章云士為庶母傳日何以總也以各服也大夫以上為庶母無服賈疏以其母各故有服云服雖有士大夫之異其稱謂

也同

祖王父也舅兄也註今江東人通言舅

正義上文云父之考為王父喪服謂之祖父母

是祖即王父也說文云周人謂兄為舅郭云江東通言舅各以方俗語為證也

宗族

正義題上事也白虎通義云宗者何謂也宗者尊也為先祖主者宗人之所尊也禮曰宗人將有事

族人皆侍古者所以必有宗何也所以長和睦也大宗能率小宗小宗能率羣弟通其有無所以紀理族

人者也族者何也族者湊也聚也謂恩愛相流湊也
上湊高祖下至元孫一家有吉百家聚之合而爲親
生相親愛死相哀痛有會聚之道故謂之族堯典云
以親九族釋文引馬鄭註云上自高祖下至元孫凡
九族王風葛藟鄭箋九族者據已上至高祖下至元
孫之親周官太宰云宗以族得民鄭註宗繼別爲大
宗收族者大宗伯云以飲食之禮親宗族兄弟小宗
伯掌三族之別以辨親疎鄭註三族謂父子孫人屬
之正名喪服小記云親親以三爲五以五爲九上殺
下殺旁殺而親畢矣鄭註已上親父下親子三也以
父親祖以子親孫五也以祖親高祖以孫親元孫九
也殺謂親益疏者服之則輕是古者三族九族俱以
同姓言也爾雅所釋自高祖及於元孫所謂九族也
自從父舅弟世父叔父以及於族曾王父則自高祖
以下所謂旁殺之親也自元孫推及於仍孫雲孫又
自族舅弟推及於親同姓者大傳云繫之以姓而弗
別綰之以食而弗殊雖百世而昏姻不通者周道然
也則雖親同姓之雲仍亦爲宗族也姑姊妹繫於宗
族者鄭駁五經異義云婦人歸宗女子雖適人字猶
繫姓明不與父兄爲異族鄭蓋据爾雅而言爾雅載
姑姊妹於宗族而姑之子姊妹之子載於妻黨者所
以示族與黨之別也詩疏引尚書歐陽說云九族乃

異姓有親屬者父族四五屬之內爲一族父女昆弟
適人者與其子爲一族已女昆弟適人者與其子爲
一族已之子適人者與其子爲一族母族三母之父
姓爲一族母之母姓爲一族女昆弟適人者爲一族
妻黨二妻之父姓爲一族妻之母姓爲一族書疏引
異義夏侯與歐陽同白虎通義亦載其文今知不然
者爾雅所以正名辨物父之親爲宗族母之親爲母
黨妻之親爲妻黨是族與黨秩然有辨若以母妻之
親均稱爲族則名不正矣故鄭駁異義云異姓之服
不過總麻言不廢昏又昏禮請期云惟是三族之不
虞恐其廢昏明非外族也是經典所云三族九族俱
爲同姓昭然察矣監本宗族二字訛題在前今從唐
石經及鄭樵本
改正下放此

母之考爲外王父母之妣爲外王母母之王考爲外曾王父母

之王妣爲外曾王母註異姓故言外

正義喪服小功五月章云爲外祖父母母傳曰何

以小功也以尊加也通典引馬融云母之父母也本服總以母所至尊加服小功故曰以尊加賈疏外親之服不過總麻以祖是尊名故加至小功外曾王父母外曾王母禮不爲制服喪服期章云女子子爲祖父母母傳曰何以期也不敢降其祖

也是母於王考王妣爲期服已雖無服猶奉以尊稱也言外者所以別於父族

母之舅弟爲舅母之從父舅弟爲從舅

正義秦風渭陽云我送舅氏疏引孫炎云舅之

言舊尊長之稱喪服總哀三月者舅傳曰何以總從服也鄭註母之兄弟從於母而服之母之從父舅弟曰從舅開元禮

謂之堂舅

母之姊妹爲從母從母之男子爲從母舅弟其女子子爲從母

姊妹

正義喪服小功成人章云從母丈夫婦人報傳曰何以小功也以名加也外親之服皆總也通典引馬融云母

之姊妹也言丈夫婦人者異姓無出入降皆以丈夫婦人之

各名之也又云外祖從母其親皆總也以尊名加故小功也

總麻三月章云從母昆弟傳曰何以總也以名服也通典引

馬融云姊妹子相爲服也以從母有母名以子有昆弟名左

氏襄二十三年傳云穆姜之姨子也杜註穆姜姨母之子與

穆姜爲姨兄弟孔疏據父言之謂之姨據母言之當謂之從

母者皆同乎父母之例者也舅非父列姨非母列故舅不稱
父姨不稱母也可稱姨不應稱母謂姨母爲從母者此時俗
之亂名書之所由誤也春秋傳蔡侯娶於陳息侯亦娶焉
息媯將歸過蔡蔡侯曰吾姨也止而享之爾雅曰妻之姊妹
同出爲姨此本名者也左傳臧宣叔娶於鑄生賈及爲而卒
繼室以其姪穆姜之姨子也以蔡侯爾雅言之穆姜焉得言
姨此緣妻姊妹之姨因相謂爲姨也姊妹因謂爲姨故其子
謂之姨子其母謂之姨母從其母而來故謂之從母從母姨
母爲親一也因復謂之從母此因假轉亂而遂爲名者也又
左傳宋景曹卒季康子使冉有弔且會葬曰以肥之得備彌
甥先儒曰彌遠也姊妹之孫稱彌甥此臨時說事而遂可爲
名乎亦猶從母轉相假也或曰按準以經云從母是其姊妹
從其母來爲已庶母其親益重故服小功非通謂母之姊妹
也宣舒曰二女相與行有同車之道坐有同席之禮其情親
而比其恩曲而至由此觀之姊妹通斯同矣兄姊妹別斯異矣
同者親之本異者疎之源也然則二女之服何其不重邪兄
妹之服何其不輕邪曰同父而生父之所不降子亦不敢降
故二女不敢相與重然則舅何故三月邪從母何故小功邪
曰故母取其愛是以外王父之尊禮無厭降之道爲人子者
順母之情親乎母之類斯盡孝之道也是以從母重而舅輕
也曰姑與父異德異名叔父與父同德同名何無輕重之降
邪曰姑與叔父斯王父愛之所同也父之所不降子亦不敢

降此叔父與姑所以服同而無降也案袁氏所論不達禮意於雅訓尤爲未晰爾雅母黨有稱從母者猶宗族有稱從父云爾如以爲從其母來故謂之從母夫從其母來則是媵也古有以姊妹爲媵者亦有以姪爲媵者母之姊妹爲媵謂之從母母之姪爲媵亦將謂之從母乎况從母而來之媵卽庶母也禮旣爲庶母制服何以又爲從母制服乎且庶母所生之男子卽已之昆弟也豈得謂之從母昆弟乎庶母所生之女子子卽已之姊妹也豈得謂之從母姊妹乎反覆推之知袁氏未爲篤論矣爾雅於宗族曰父之妾爲庶母謂有隨媵之妾有不聘之妾爲之子者俱謂之庶母也於母黨曰母之姊妹爲從母謂母之姊妹不俱事一夫故從乎母而奉以尊稱其所生之男子女子均屬異姓故謂之從母舅弟從母姊妹也於妻黨曰妻之姊妹同出爲姨姨之名於妻黨有此稱於母黨不當有此稱也自周末禮教衰微假人以各器子效父言有稱從母爲姨者劉熙撰釋名遂云母之姊妹曰姨禮謂之從母爲姊而來則從母列也故雖不來猶以此名之也此因漢世有姨之稱故劉熙因有此釋按諸爾雅之文殊爲乖舛晉世蔡謨徐邈徐眾徐彥議禮遂有姨母姨兄弟姨妹之稱沿於習俗名實混淆轉有致疑於爾雅之文者夫名不正則言不順子效父言可謂名之正乎爾雅者正名之書也名正而分定故喪服經與爾雅同

母黨

正義題上事也父母恩同而尊有所屈故釋親詳於宗族畧於母黨喪服傳云禽獸知母而不知父

野人曰父母何算焉都邑之士則知尊福矣大夫及學士則知尊祖矣故宗族上及於高祖下及於雲系旁及於族曾王父親同姓而母黨唯上及於外曾三父旁及於從舅從母之母之尊有所屈子不得伸其私恩也大傳云從服有屬從鄭註子爲母之黨通典引雷次宗喪服經傳畧註云夫二親恩等而中表服異君子類族辨物本以性分爲判故外親之服不過於總於義雖當求情未愜苟微有可因則加以伸心外祖有尊從母有名故皆得因此加以小功也舅情同二人而名理闕無因故有心而不獲遂也然情不止於總亦以見於慈母矣至於餘人雖有尊名而不得加者服當其義情無不足也又引庾蔚之謂傳云以名服及云以名加皆是先有其義故施以此名尋名則義自見矣外親以總斷者抑異姓以敦已族也總服旣不足以申外甥外孫之情故聖人因其有申之義而許其加也外祖以尊加從母以名加者男女異長伯季不同由母於姊妹有相親之近情故許其因母名以加服兄弟姊妹同氣之懷不異故其服不得殊由若同在他鄉小功加一等而大功以上則不加也案雷氏庾氏之說俱足以證母黨與宗族輕重之

別母黨之外曾王父從舅禮不爲制服而爾雅列其稱謂者雷氏所謂雖有尊名而不得加也

妻之父爲外舅妻之母爲外姑註謂我舅者吾謂之甥然則亦

宜呼壻爲甥孟子曰帝館甥于貳室是也

正義釋名云妻之父曰外舅母曰外

姑言妻從外來謂至已家爲婦故反以此義稱之夫婦匹敵之義也坊記云壻親迎見於舅姑舅姑承子以授壻鄭註舅姑妻之父母也喪服總麻三月者妻之父母傳曰何以總從服也通典引馬融云壻從妻而服總也服問云有從重而輕爲妻之父母鄭註妻齊衰而夫從總麻不降一等言非服差註謂我至是也○正義謂我舅者吾謂之甥也卽見下文孟子萬章篇云館甥於貳室趙岐註禮謂妻父曰外舅謂我舅者吾謂之甥堯以女妻舜故謂舜甥

姑之子爲甥舅之子爲甥妻之舅弟爲甥姊妹之夫爲甥註四

人體敵故更相爲甥甥猶生也今人相呼蓋依此

正義此因釋妻之舅

弟爲甥而兼及於姑之子舅之子姊妹之夫有同稱也釋名云妻之昆弟曰外甥其姊妹女也來歸已內爲妻故其男爲外姓之甥甥者生也他姓子本生於外不得如其女來在已內也喪服總麻三月者姑之子鄭註外兄弟也傳曰何以總

報之也喪服又云舅之子鄭註內兄弟也傳曰何以總從服也註四人至依此○正義四人體敵者外兄弟內兄弟婿兄弟姻兄弟其體相敵也郭云今人相呼蓋依此是晉時猶互呼爲甥今未聞

妻之姊妹同出爲姨註同出謂俱已嫁詩曰邢侯之姨女子謂

姊妹之夫爲私註詩曰譚公維私正義此釋妻黨姊妹之夫之親也謂吾姨者我謂之

私左氏莊十年傳云蔡哀公娶於陳息侯亦娶焉息媯將歸過蔡蔡侯曰吾姨也是姊妹各事一夫互稱爲姨非相從爲勝者也說文作妻之女弟同出爲姨釋名云姊妹互相謂夫曰私言於其夫兄弟之中此人與已姊妹有恩私也註同出至維私○正義詩疏引孫炎云同出俱已嫁也是郭註所本也邢侯之姨譚公維私衛風碩人文毛傳用爾雅疏又引孫炎云私者無正親之言案姊妹之夫未嘗非外親之正也故郭氏不取

男子謂姊妹之子爲出註公羊傳曰蓋舅出女子謂舅弟之子

爲姪註左傳曰姪其從姑謂出之子爲離孫謂姪之子爲歸

孫女子子之子爲外孫正義釋名云姊妹之子曰出出嫁於異姓而生之也左氏莊二十二年傳

云陳厲公蔡出也文二十四年傳云齊出纓且長成十三年傳云康公我之自出襄二十五年傳云則我周之自出又云蔡人欲立其出昭四年傳云徐子吳出也杜註姊妹出嫁而生子是也說文云姪兄之女也釋名云姑謂兄弟之女爲姪姪迭也共行事夫更迭進御也公羊莊十九年傳云姪者何兄之子也成二年傳云蕭同姪子者齊君之母也左氏襄二十二年傳云繼室以其姪皆專指女子子而言然喪服大功成人章云姪丈夫婦人報傳曰姪者何也謂吾姑者吾謂之姪鄭註爲姪男女服同是女子於昆弟之男子女子子均稱爲姪不專指姪姊也謂出之子爲離孫者釋名云出之子曰離孫言遠離也又謂之從孫甥左氏哀二十五年傳云太叔疾之從孫甥也杜註姊妹之孫爲從孫甥與孫同列謂姪之子爲歸孫者釋名云姪之子曰歸孫婦人謂嫁曰歸姪子列故其所生爲孫也喪服總麻三月章云父之姑鄭註歸孫爲祖父之姊妹是也女子子之子爲外孫春秋僖五年云杞伯姬來賈疏以女出外適而生故云外孫春秋僖五年云杞伯姬來朝其子何休云禮外孫初冠有朝外祖之道註公羊至舅出○正義襄五年傳文傳又云蓋欲立其出也又文十四年傳云接菑晉出也纓且齊出也公羊傳謂之晉出齊出者猶左傳稱鄭甥云爾何休計以出爲外孫非也○左傳至從姑○正義僖十五年傳文杜註謂我姪者我謂之姑謂子圍質秦杜意亦以姪之名兼男女而稱之也

女子同出謂先生爲妯後生爲娣註同出謂俱嫁事一夫公羊

傳曰諸侯娶一國二國往媵之以姪娣從娣者何弟也此卽

其義也

正義此釋俱事一夫者之稱謂也易歸妹云反歸以娣又云其君之袂不如其娣之袂良大雅韓奕云諸

娣從之毛傳諸侯一娶九女二國媵之諸娣眾妾也何休公羊傳註云禮適夫人無子立右媵右媵無子立左媵左媵無子立嫡姪娣嫡姪娣無子立右媵姪娣右媵姪娣無子立左媵姪娣此媵之位有貴賤也位雖有別而爲媵則同故以已年之長幼以相稱謂年長者爲妯年幼者爲娣註同出至義也○正義左傳疏引孫炎云同出謂俱嫁共事一夫也郭註本孫炎郭註又引公羊傳者莊十九年傳文

女子謂兄之妻爲嫂弟之妻爲婦註猶今言新婦是也

正義釋名云嫂

叟也叟老者稱也叟縮也人及物老皆縮小於舊也喪服傳云夫之昆弟何以無服也其夫屬乎父道者妻皆母道也其夫屬乎子道者妻皆婦道也謂弟之妻婦者是嫂亦可謂之母乎故名者人治之大也可無慎乎鄭註謂弟之妻爲婦者卑遠之故謂之婦嫂者尊嚴之稱嫂猶叟也叟老人稱也是爲序男女之別爾賈疏兄弟之妻本無母婦之名名兄妻爲

姈者尊嚴之稱名弟妻爲婦與子妻同號者推而遠之下同子妻也是兄弟妻旣無母婦之名今各爲姈婦者假作此號使遠於淫亂案男子亦稱兄弟之妻爲姈婦而爾雅繫之女子者男子於兄弟之妻相遠女子於兄弟之妻相近故從其近者言之也註猶今至是也○正義晉書及世說多稱新婦郭以時驗爲證也今俗語猶然

長婦謂稚婦爲娣婦娣婦謂長婦爲姒婦註今相呼先後或云

妯娌

正義釋各云少婦謂長婦曰妯言其先來已所當法似也長婦謂少婦曰娣娣弟也已後來也或曰先後以來

先後言之也喪服傳云娣姒婦者弟長也何以小功也以爲相與居室中則生小功之親焉鄭註娣姒婦者兄弟之妻相名也案喪服傳以弟釋娣以長釋姒稱爲娣姒婦者所以別於姪娣也左氏成十一年傳云聲伯之母不聘穆姜曰吾不以妾爲姒杜註聲伯之母叔肸之妻昆弟之妻相謂爲姒穆姜宣公夫人宣公叔肸同母昆弟孔疏云世人多疑娣姒之名皆以爲兄妻呼弟妻爲娣弟妻呼兄妻爲姒因卽惑於傳文不知何以爲說今謂母婦之號隨夫尊卑娣姒之名從身長幼以其俱來夫族其夫班秩旣同尊卑無以相加遂從身之少長釋親云長婦謂稚婦爲娣婦娣婦謂長婦爲姒婦止言婦之長稚不言夫之大小今穆姜謂聲伯之母爲姒昭二

爲妯豈計夫之長幼乎釋親又云女子同出謂先生爲妯後
生爲娣孫炎云同出謂俱事一夫也事一夫者以己生先後
爲娣妯則知娣妯以己之年非夫之年也故賈逵鄭元及此
註皆云兄弟之妻相謂爲妯言兩人相謂謂長者爲妯知娣
妯之名不計夫之長幼也以上皆孔氏釋娣妯之義也儀禮
賈疏亦云假合弟妻年大稱之曰妯兄妻年小稱之曰娣引
左傳穆姜之言爲證與孔氏意同今案孔氏之說非也婦人
三從之義旣嫁從夫若娣妯之名從身之少長不計夫之長
幼則從夫之義謂何矣且孔氏所引禮文雅訓俱爲未覈喪
服傳云謂弟之妻婦者是媵亦可謂之母乎傳意謂兄弟之
妻有媵婦之稱不可從母婦之屬也孔氏迺云母婦之號隨
夫尊卑則不達於禮意矣釋親上云女子同出謂先生爲妯
後生爲娣爾雅明著其文曰女子同出言其俱事一夫也所
謂媵也此云長婦謂稚婦爲娣婦娣婦謂長婦爲媵爾雅
明著其文曰婦婦者對夫而言言夫年有長稚故婦從夫而有
長婦稚婦言其各事一夫所謂昆弟之妻也孔氏迺欲以媵
之俱事一夫者牽合於昆弟之妻則不達於雅訓矣孔氏所
據者左傳之稱弟妻爲妯耳殊不知古之稱娣妯者猶今人
稱妯娌也兄妻稱弟妻曰妯娌弟妻亦可稱兄妻曰妯娌蓋
旣言之則兄妻爲妯弟妻爲娣合言之則昆弟之妻統稱爲
娣妯急言之則但稱爲妯故賈逵鄭康成杜預謂兄弟之妻
相謂爲妯者是也孔氏謂娣妯之名不計夫之長幼者非也

註今相至妯娌○正義史記集解引孟康曰兄弟妻相謂先
後索隱引鄒誕生音先後並去聲卽今妯娌也韋昭云先妯
後娣顏師古漢書註古謂之娣妯今關中俗呼爲先後吳楚
俗呼之爲妯娌方言云築煙匹也郭氏彼註云今關西兄弟
婦相呼爲築煙廣雅云妯娌娣妯先後也郭氏以先後妯娌
俱可連稱以證娣妯之可連稱也連稱娣妯見儀禮連稱先
後見史記漢書連稱妯娌見方言廣雅知娣妯之可連稱則
左傳之稱妯者不過稱謂之間偶從其省不得因此而致疑
於兄妻爲妯弟妻爲娣也釋名又云青徐人謂長婦曰植長
禾苗先生者曰植取名於此也荆豫人謂長婦曰熟熟祝也
祝始也所謂長婦皆言其夫年之長也

妻黨

正義題上事也說文云妻與夫齊者也从女从巾
从又又持事妻職也釋名云士庶人曰妻妻齊也

夫賤不足以尊稱故齊等言也大傳云從服有從重
而輕鄭註從服謂妻之父母此篇釋妻之黨兼及於
姑之子舅之子姊妹之夫因妻之舅弟而類舉之也
兼及於外孫者因離孫歸孫而連舉之也兼及於嫂
婦娣妯者以其同爲女子之類也

婦稱夫之父曰舅稱夫之母曰姑姑舅在則曰君舅君姑沒則

曰先舅先姑註國語曰吾聞之先姑謂夫之庶母爲少姑正義

白虎通義云稱夫之父母謂之舅姑何尊如父而非父者舅也親如母而非母者姑也故稱夫之父母爲舅姑也說文云姑夫母也威姑也漢律曰婦告威姑釋名云夫之父曰舅舅久也久老稱也夫之母曰姑亦言故也婦於舅姑在則稱之曰君舅君姑士昏禮舅姑既沒婦入三月奠菜祝辭曰敢奠嘉菜于皇舅某子敢告于皇姑某氏鄭註皇君也是婦初來時雖舅姑既沒奠祝之辭猶稱君舅君姑婦人以不逮事舅姑爲不幸也舅姑沒則曰先舅先姑晉姜鼎銘云余惟嗣朕先姑謂夫之庶母爲少姑者夫有母名則婦亦有姑名也註國語至先姑○正義魯語公父文伯之母曰吾聞之先姑曰君子能勞後世有繼子夏間之曰善哉商間之曰古之嫁者不及舅姑謂之不幸夫婦學于舅姑者也魯語又載文伯之母曰吾聞之先子章註先子先舅稱先舅爲先子者從其夫而稱之也

夫之兄爲兄公註今俗呼兄鍾語之轉耳夫之弟爲叔夫之姊

爲女公夫之女弟爲女妹註今謂之女妹是也正義釋名云夫之兄曰公

公君也君尊稱也俗間曰兄章章灼也章灼敬奉之也又曰兄松是已所敬見之怔忡自肅齊也俗或謂舅曰章又曰松

亦如之也禮記疏引皇侃云婦人謂夫之兄爲公者須公平
尊稱也孔穎達云俗本女旁置公轉誤也案陸氏釋文本作
姁今從宋本作公夫之弟爲叔者釋名云叔少也幼者稱也
叔亦倝也見嫂倝然却退也夫之姊爲女公夫之女弟爲女
妹者昏義云順於舅姑和於室人而后當於夫鄭註室人謂
女姁女叔諸婦也孔疏女姁謂壻之姊也女叔謂壻之妹也
諸婦謂娣姁之屬說文徐鍇本云妹夫之
女弟也徐鍇云曹大家女誠所謂媿妹也

子之妻爲婦

長婦爲嫡婦眾婦爲庶婦

正義白虎通義云婦者

云婦服也从女持帚灑掃也士昏禮云庶婦則使人醮之鄭
註嫡婦酌之以醴尊之庶婦酌之以酒卑之內則謂之冢婦

介婦

女子子之夫爲壻

正義說文云壻夫也从士胥聲詩曰女也不

也胥有才智之稱也知爲人父之道也故於文士胥爲壻方
言云東齊之間壻謂之倩郭氏彼註云言可借倩也今俗呼

女壻爲卒
便是也

壻之父爲姻婦之父爲婚

正義白虎通義云婚姻者何謂也婚
者昏時行禮故曰婚姻者婦人因夫

皇清經解

卷五百零九

邵編修爾雅正義

七

而成故曰姻詩云不惟舊因謂夫也又曰燕爾新婚謂婦也所以昏時行禮何示陽下陰也昏亦陰陽交時也說文云姻壻家也女之所因故曰姻婚婦家也禮娶女以昏時婦人陰故曰婚釋名云婿之父曰姻姻因也女往因媒也婦之父曰婚言婿親迎用昏又恒以昏夜成禮也鄭註士昏禮云女氏稱昏壻氏稱姻也

父之黨爲宗族母與妻之黨爲兄弟

正義此釋兄弟之親與宗族有別也古者宗族則稱

昆弟母與妻之黨則稱兄弟母之黨者若舅之子爲外兄弟是也妻之黨者鄭註士昏禮云見主婦者兄弟之道宜相親也散文言之母黨亦有稱昆弟者若從母之子爲從母昆弟是也宗族亦稱爲兄弟者喪服傳云小功以下爲兄弟鄭註兄弟猶言族親也小雅伐木云兄弟無遠鄭箋兄弟父之黨母之黨是父黨母黨並稱爲兄弟也對文言之則昆弟與兄弟之稱有別

婦之父母壻之父母相謂爲婚姻兩壻相謂爲亞註詩曰瑣瑣

姻亞今江東人呼同門爲僚壻

正義上文已云壻之父爲姻婦之父爲婚此又兼言母者

士昏禮婿有見婦之父母之禮是婦之父母壻之父母皆得相見相見則有相謂之辭昏姻二字每多連舉士昏禮云某

以得爲外昏姻又云某以得爲外昏姻之數又云某以得爲昏姻之故小雅我行其野云昏姻之故左氏文三年傳云修昏姻皆並舉其文也兩婿相謂爲亞者釋名云兩婿相謂曰亞言一人取姊一人取妹相亞次也又並來至女氏門姊夫在前妹夫在後亦相亞而相倚共成其禮也又曰友婿言其相親友也註詩曰至僚婿○正義瑣瑣姻亞小雅節南山文毛傳用爾雅僚婿猶言友婿也

婦之黨爲婚兄弟婿之黨爲姻兄弟註古者皆謂婚姻爲兄弟

正義此申言外姻爲兄弟也大司徒以本俗六安萬民三日聯兄弟鄭註兄弟昏姻嫁娶也會子問云婿之伯父致命女氏曰某之子有父母之喪不得嗣爲兄弟穀梁宣十年傳云公娶齊繇以爲兄弟友之是婚姻稱爲兄弟也

嬪婦也註書曰嬪于虞正義說文云嬪服也婦服也義同天官九職云嬪婦化治絲枲鄭註嬪婦人之

美稱也註書曰嬪于虞○正義堯典文

謂我舅者吾謂之甥也正義釋名云舅謂姊妹之子曰甥甥亦生也喪服傳云甥者何也謂吾舅者吾謂之甥何以總也報之也左氏莊六年傳鄧祁侯曰吾甥也杜註姊妹之子曰甥

是青經序 卷五 邵編修爾雅正義 七

傳又云雖甥聃甥養甥杜註皆鄧甥仕於舅氏也文三年傳云好舅甥成二年傳云夫齊甥舅之國也小雅頍弁云豈伊異人兄弟甥舅言甥舅之親比於同姓也

婚姻

正義題上事也經解云昏姻之禮所以明男女之別也鄭註昏姻謂嫁取也壻曰昏妻曰姻蓋男女

自爲昏姻而壻之父爲姻婦之父爲婚又因其子而稱之而親屬又各以其類推也

皇清經解卷五百零八終

漢軍生員樊封校

皇清經解卷五百零九

學海堂

爾雅正義

餘姚邵編修 晉涵 著

爾雅卷中

釋宮第五

正義史記索隱引元命包云宮之言中也廣韻引白虎通亦云宮之言中也易繫辭傳云上古

穴居而野處後世聖人易之以宮室上棟下宇以待風
雨蓋取諸大壯九家易云坎爲宮禮運云魯者先王未
有宮室冬則居營窟夏則居橧巢後聖有作以爲臺榭
宮室牖戶是旣營宮室卽有臺榭戶牖也初學記引白
虎通云黃帝作宮室以避寒溫釋文引世本云禹作宮
室呂氏春秋云高元作宮室案論語言禹卑宮室則禹
之前已有宮室以爲始於黃帝者是也大司徒以本俗
六安萬民一曰媿宮室鄭註媿善也謂約椽攻堅風雨
攸除各有攸宇是宮室之作所以安上下也此篇所釋
上則爲梁椽桴榱之屬下則爲甍甍黝地之屬連則爲
窳旁則爲墉別內外則爲屨爲序故墨子辭過篇述聖
王爲宮室之法曰高足以辟閭濕邊足以圍風寒上足
以待雪霜雨露宮墻之高足以別男女之禮也古者祭
祀朝聘燕饗之禮各有定位故內而奧窔外而門闕以

及鄉位宁樹俱爲釋其所在俾行禮者不至失位也途
路之異名趨走之處以及於梁荷又因其類而分釋之

宮謂之室室謂之宮註皆所以通古今之異語明同實而兩名

正義說文云宮室也室實也从宀从至至所止也釋名云宮
穹也屋見於垣上穹隆然也室實也人物實滿其中也考工
詁匠人云室中度以几宮中度以尋此對文言之也散文言
之則古者宮室爲通名春秋隱五年考仲子之宮公羊傳云
考宮者何考猶入室也穀梁文十三年傳云伯禽曰大室羣
公曰宮明堂位云魯公之廟文世室也武公之廟武世室也
是宗廟通稱宮室也左氏莊二十一年傳云虢公爲王宮于
玆詩序云斯于宣王考室也鄒風定之方中云作于楚宮又
云作于楚室毛傳室猶宮也孟子曰爲巨室趙岐注巨室大
宮也是天子諸侯所居通稱宮室也左氏僖二十八年傳云
令無入僖負羈之宮檀弓云季武子成寢杜氏之葬在西階
之下請合葬焉許之入宮而不敢哭內則云由命士以上父
子皆異宮是大夫通稱宮室也士昏禮云請吾子之就宮喪
服傳云所適者以其貨財爲之築宮廟大戴禮千乘篇云百
姓不安其居不樂其宮幽風七月云入此室處是士庶人通
稱宮室也釋文云古者貴賤同稱宮秦漢以來唯王者所居
稱宮焉註皆所至兩名○正義書疏引李巡云
所以古今通語明實同而異名郭註本李巡云

牖戶之間謂之展註窗東戶西也禮云斧展者以其所在處名

之其內謂之家註今人稱家義出於此東西牆謂之序註所

以序別內外正義古者居室南鄉戶東而牖西其間南鄉以

之牆爲序內則云爲宮室辨內外故先釋之也○牖戶之間

謂之展○說文云牖穿壁以木爲交窻也戶護也半門曰戶

釋名云戶護也所以謹護閉塞也展設於戶牖之間顧命云

狄設櫛展綴衣牖間南嚮春官司几筵云凡大朝覲大饗射

凡封國命諸侯王位設櫛依依前南鄉鄭註依其制如屏風

然覲禮云天子設斧依於戶牖之間鄭註依如今綈素屏風

也曲禮云天子當依而立諸侯北面而見天子曰覲明堂位

云天子負斧依南鄉而立鄭註斧依爲斧文屏風於戶牖之

器展與依通○其內謂之家○說文云家居也易釋文云人所居稱家夏小正云操泥而就家人內也是內爲家也曲禮云凡爲君使者已受命君言不宿於家宿於家猶言夜居於內也○東西牆謂之序○說文云序東西牆也釋名云序次序也堂兩旁爲東西夾室中有牆以隔之謂之東西序顧命言西序東序孔疏謂序者牆之別名是也鄭注儀禮云堂東西牆謂之序是序之外卽爲堂矣士冠禮主人直東序西面賓直西序東面是東西牆爲賓主次級分立之處序之前卽爲階故上階則立於序端仲尼燕居云立則有序故叙立之處謂之序註窗東至名之○正義說文云窗通孔也釋名云窗聰也於內窺外爲聰明也是窗卽牖也書疏引李巡云謂牖之東戶之西爲展郭註本李巡郭又引禮云斧展者詩疏引郭氏音義云禮有斧展者形如屏風畫爲斧文置於展也因名爲斧展是也魏書李謐明堂制度論引鄭康成三禮圖云展從廣八尺畫斧文於其上今之屏風也郭云以其所在處名之者設展之處謂之展猶今人設屏風之處謂之屏風也○今人至於此○正義詩疏引李巡云謂門以內也郭云今人稱家今北方語猶然○所以至內外○正義詩疏引孫炎云堂東西牆所以別序內外也郭註本孫炎太平御覽引舍人云殿東西堂序尊卑處案以序爲東西堂於禮不合疑傳寫有訛字

西南隅謂之奧註室中隱奧之處西北隅謂之屋漏註詩曰尙

不愧於屋漏其義未詳東北隅謂之宦註宦見禮亦未詳東

南隅謂之窆註禮曰掃室聚交交亦隱閣正義此釋室中四隅之名也○西南

隅謂之奧○說文云奧宛也室之西南隅釋名云室中西南隅曰奧不見戶明所在秘奧也曲禮云爲人子者居不主奧

鄭註謂與父同宮者也不當其尊處孔安國論語註云奧內也皇侃疏云謂室中西南角室向東南開戶西南安牖牖內

隱奧無事恆尊者所居之處也是奧爲少左開牖也仲尼燕居云目巧之室則有奧阼又云室而無奧阼則亂於室也鄭

註以奧阼爲賓主之處也奧爲尊也所恆居故以爲主之處也少牢饋食禮云司宮筵于奧是祭時布神坐就其尊處也

○西北隅謂之屋漏○太平御覽引舍人云古者徹屋西北

扉以炊浴汲者訖而復之古謂之屋漏也釋名云西北隅曰

屋漏禮每有親死者輒徹屋之西北隅薪以爨竈煮沐供諸

喪用時若值雨則漏遂以名之也必取是隅者禮旣祭改設

饌於西北隅合徹毀之示不復用也案士虞禮云視反入徹設於西北隅喪大記云甸人取所徹廟之西北扉薪用爨之是劉熙所引之禮也劉與舍人同義惟以雨漏訓屋漏爲增

皇清經解 卷五 邵編修爾雅正義

案有司徹云有司官徹饋饌于室中西北隅鄭注云此於戶
誤改饌當室之白曾子問說陽厭之事云當室之白鄭註云
得戶明者也蓋西北隅爲幽隱之地漏見日光故爲當室之
自孫炎義本康成也○東北隅謂之宦○說文云宦養也室
之東北隅食所居釋名云東北隅曰宦宦養也東北陽氣始
出布養物也太平御覽引舍人云東北陽氣始起萬物所養
故謂之宦釋文引李巡云東北者陽氣始起育養萬物故曰
宦宦養也案宦與頤通君子之居恆當戶戶在東南則東北
隅爲當戶飲食之處在焉故釋詁云頤養也○東南隅謂之
宦○釋名云東南隅曰宦宦幽也亦取幽冥也說文作宦云
戶樞聲也室之東南隅又云宦宦深也案宦爲稍右開戶以
其近戶故以戶樞聲爲名以其在室之隅故兼取幽深爲義
荀子非十二子云與宦之間簞席之上淮南主術訓云責之
以閨閤之禮與宦之間是與宦爲幽深之地也宦字又作矣
莊子徐無鬼篇鴉生於矣司馬彪云東南隅鶉火地生鶉也
太平御覽引舍人云東方萬物生蟄蟲必出無不由戶矣是
舍人本宦作矣註室中至之處○正義廣雅云與藏也是與
爲隱與之處與本或作奧書疏引孫炎云室中隱奧之處也
○詩日至屋漏○正義大雅抑文鄭箋云屋小帳也漏隱也
禮祭於奧既畢改設饌於西北隅而扉隱之處此祭之末也
案釋言云扉陋隱也陋漏音義同隱蔽之處時見日光謂之
當室之白○宦見禮○正義曲禮疏引孫炎云日側之明孔

穎達以宦爲明也宦見禮者宦通作頤東北隅謂之頤中央謂之中雷玉藻云足如履齊頤雷蓋以屋之下垂假借爲裳下垂之勢也又云端行頤雷如矢言端行則裳之下垂正直也○禮日至聚窆○正義旣夕禮記云掃室聚諸窆鄭註室東西隅謂之窆是窆與窆通

杖謂之闕註闕門限棖謂之楔註門兩旁木楣謂之梁註門戶

上橫梁樞謂之棖註門戶樞樞達北方謂之落時註門持

樞者或達北穩以爲固也落時謂之扈註道二名也正義此釋門上

下兩旁之名也○杖謂之闕○杖說文作桴云限也闕門楣也繫傳云楣所以爲限闕左氏僖二十二年傳云不踰闕孔

疏云謂門下橫木爲內外之限也曲禮云不踐闕是士大夫出入君門之恆禮也玉藻云賓入不中門不履闕論語云行

不履闕此言朝聘之禮也鄭註闕門限也闕亦名榭士冠禮云布席于門中闕西闕外鄭注闕闕也曲禮云外言不入於

榭鄭注榭門限也○棖謂之楔○旁於門者爲棖亦名爲楔

皇侃云門左右兩榭邊各豎一木名之爲棖棖以禦車過恐

觸門也玉藻云君入門介拂闕大夫中棖與闕之間士介拂

棖鄭註棖門楔也孔疏以爲門之兩旁長木也○楣謂之梁

是青經卷之九邵編修爾雅正義

○說文繫傳云楣謂門上橫梁也眉猶際也案門上橫木爲楣亦名爲梁與下文案廡謂之梁名同而實異公食大夫禮云公當楣北面鄭註楣謂之梁是據此文爲釋也又栝亦謂之楣鄉飲酒禮云主人阼階上當楣北面再拜鄭注楣前梁也此言梁縱而楣橫故言前梁也鄉射禮記云序則物當棟堂則物當楣鄭註正中曰棟次日楣此言楣與棟相近也皆卽下文所云檐謂之楹也與門上之楣梁異○楣謂之楹○說文云樞戶樞也門樞謂之楹廣雅云樞本也繫辭傳云樞機之發鄭注云樞戶樞也戶樞之發或明或闇翟元云樞主開閉開閉有明闇是樞爲制動之主楹其別名也○樞達至之扂○戶在東南其持樞之木或達於北方者名落時亦名爲扂釋文云扂本作阨案阨古配字說文云配廣匠也本又作扂扂亦訓爲廣也註闕門限○正義詩疏引孫炎云闕門限也郭註本孫炎匡繆正俗云問曰俗謂門限爲門濇何也答曰案爾雅秩謂之闕郭景純註曰門限也音切今言門濇是秩聲之轉耳字宜爲秩而作切音○門兩旁木○正義詩疏引李巡云謂楣上兩旁木是楨在楣之上也○門戶上橫梁○正義釋文云楣木或作楣卑蒼云梁也呂伯雍云門樞之橫梁案說文云楣門樞之橫木繫傳云門樞橫木門上樞鼻所附亦或連兩鼻爲之以冒門樞也按說文以樞爲栝則門上橫梁之名當爲栝也眾經音義引郭註無戶字○門戶扉樞○正義太平御覽引孫炎云門戶扇樞開可依蔽爲根

也郭云扉樞者卽扇樞也
衆經音義引郭註無戶字

境謂之玷註在堂隅玷帶也牆謂之墉註書曰既勤垣墉正義

堂隅及垣牆之名也境謂之玷者境一名玷土冠禮云爵弁

皮弁緇布冠各一匱執以待于西玷南既夕禮云設櫛于東

堂下南順齊于玷饌于其上土虞禮云饌於西玷上鄭註云

玷在堂角賈疏云玷有二若明堂位云崇玷克圭及論語云

兩君之好有反玷之等在廟中有之以亢圭反爵之屬此言

玷者皆據堂上角爲名故云堂角也牆謂之墉者詩疏引李

巡云謂垣牆也說文云牆垣蔽也釋名云牆障也所以自障

蔽也墉容也所以蔽隱形容也士冠禮云陳服于房中西墉

下土昏禮云尊于室中北墉下鄭註以墉爲牆也註在堂至

墉也○正義郭云堂隅猶鄭云堂角說文云玷屏也亦言其

屏翳也帶者釋文云高貌也或作端本或作端案玷爲堂角

與端義相近作端者是也○書曰既勤垣墉○正義周書梓

材文馬融云卑曰垣高曰墉釋名云垣援也人所依阻以爲

援衛也案城亦謂之牆亦謂之墉說文云墉城垣也大雅皇

鎔謂之朽註泥鎔椹謂之椹斫木櫝也地謂之黝註黑飾地

也牆謂之堊註白飾牆也

正義此釋修飾塗堊之名也○

也。椳也。朽所以涂也。秦謂之朽。關東謂之椳。左氏襄三十一年傳云：「朽人以時填館宮室。」杜註：「朽人塗者。」孔疏云：「朽是塗之所用，因謂泥牆屋之人爲朽人。」論語云：「糞土之牆不可朽也。」王肅云：「坊墁也。坊與朽通用。」椳謂之椳。椳一名椳。斲木時所藉之木也。通作度。商頌殷武云：「方斲是度。」鄭箋云：「正斲於椳上。」穀梁昭九年傳云：「以葛覆質以爲桀。」范註：「質椳也。是椳又名質也。」地謂之黝。牆謂之堊。春官守祧云：「其祧則守祧。黝堊之穀梁莊二十三年傳云：「天子諸侯黝堊喪大記云：「旣禱。黝堊是黝。堊爲塗。堊之事也。」釋器云：「黑謂之黝。說文云：「黝微青黑色。」此言以黑色塗地也。其以赤色塗地所謂天子赤墀也。鄭司農云：「黝讀爲幽。賈疏云：「幽是北方。北方其色黑。欲見地謂之幽。」取黑義也。案小雅隰桑云：「其葉有幽毛。」傳：「幽黑色也。」是黝幽古字通用。堊者說文云：「白涂也。」地官掌蜃云：「共白盛之蜃。」鄭註云：「謂飾牆使白之蜃也。」賈疏云：「白盛主於宗廟。聖牆也是宗廟之牆。」以白盛之蜃爲堊。其以白土飾牆者，統謂之堊。釋名云：「堊亞也。次也。先泥之次，以白灰飾之也。」註：「泥鏝。」正義左傳疏引李巡云：「鏝一名朽塗工作具也。」郭云：「泥鏝言用泥以鏝也。」釋名云：「泥鏝也。」邇近也以水沃土使相黏近也。塗杜也。杜塞孔穴也。斲木櫨也。正義詩疏引孫炎云：「斲材質也。」郭註本孫炎云：「黑飾地也。白飾牆也。」

○正義鄭司農周禮註黝黑也堊白也與郭註同徐邈穀梁註云黝黑柱也堊白壁也范甯云黝堊黑色也案徐邈以黝為黑柱與爾雅異范以黝堊為一色非也穀梁釋文云堊白土也

檝謂之棧註厩也在牆者謂之揮註禮記曰不敢縣於夫之揮

筵在地者謂之臬註即門厩也大者謂之棋長者謂之閣註

別杙所在長短之名正義此釋杙所在長短之異名也○檝

文云檝弋也弋厩也象折木銳表著形象物挂之也檝也地官牛人云以授職人後鄭云職讀為檝檝謂之棧可以

繫牛檝人者謂牧人充人與賈疏充人置檝八地之時檝檝然作聲故以聲名其官也此言棧置於地可以繫挂也左氏

襄十七年傳云以杙抉其傷此杙之銳者也凡木采於山去其枝條以待用者俗稱為木料古謂之斲又謂之檝又謂之

杙其狀不一或表而銳或大而長其用至廣雖栖雞置免亦皆用之其在室中者各隨所在而異其名○在牆至之揮○

杙之在牆者名揮孔穎達云植曰揮橫曰橈同類之物是揮為傳近於牆者也○在地至之臬○此言棧之短者也說文

云闌門柵也檝一日門柵也孔穎達以為門中所豎短木在

地者也下文云檝謂之闌詳見下○大者至之閣○此言棧

皇清系角 卷五 臺
之長大者所以別於銳衰者也。大者名拱，以其可爲斗拱也。長者名閣，卽所以止扉者也。詳見下註。禮記至樞移。○正義內則文，今本作樞。梳鄭註云樞杙也。

閣謂之臺。積土四方有木者謂之榭。臺上起屋。正義釋言云閣臺也。

此申釋其義，兼別臺榭之異名也。○閣謂之臺。○鄭風出其東門云，出其閣。閣，毛傳闕曲城也。閣，城臺也。說文云闕，城內重門也。閣，闕闔也。詩釋文引孫炎云：閣，積土如水渚，所以望氣祥也。是城臺爲閣也。禮器云：天子諸侯臺門。鄭註：閣者謂之臺。左氏定四年傳云：邾子在門臺。杜註：門上有臺，是門臺亦名閣也。以其在城門宮門，故謂之閣。若苑囿之臺，則不名爲閣。下文云：四方而高曰臺。此乃臺之通稱也。城臺門臺，其形亦四方，故又稱爲隅。考工記云：宮隅之制，七雉。城隅之制，九雉。戴震補註云：門臺謂之宮隅，城臺謂之城隅，亦謂之閣是也。○有木者謂之榭。○此因臺而兼詳榭之制也。月令云：可以處臺榭。鄭註：閣者謂之臺，有木者謂之榭。高誘：呂氏春秋註云：積土四方而高曰臺，臺加木爲榭。是臺上架木爲屋，名之爲榭。故鄭註禮運云：榭器之所藏也。下文無室曰榭，與此異。註：積土四方。○正義：月令疏引李巡云：積土爲之，所以觀望禮器。疏云：兩邊築閣爲基，是其形四方也。○臺上起屋。○正義：左傳疏引李巡云：臺上有屋，謂之榭。郭註：本李巡監。

本誤作臺上起土
今從宋本改正

雞栖於弋爲櫟鑿垣而栖爲峙註今寒鄉穿牆栖雞皆見詩正義

王風君子于役云雞棲于峙又云雞棲于桀此釋之也弋毛傳引作杙卽上文所謂楸也免且毛傳云丁丁極杙聲是杙

可爲兔罟也莊子人間世云其拱把而上者求狙猴之杙者斬之李願註所以栖戲狙猴也是杙可以栖狙猴也銳衰之

杙爲雞所栖名之爲櫟也峙者說文云雞棲垣爲峙垣墻也註今寒至栖雞○正義詩疏引李巡云別雞所棲之名寒鄉

鑿牆爲雞作棲日峙郭註本李巡穿牆以栖雞今北方猶然

植謂之傳傳謂之突註戶持鑲植也見埤蒼正義說文云植戶

門戶之橫鍵所穿木也鑲所附焉故謂之揆揆者爲橫杠所

唐突也案墨子非儒篇云爭門關扶植是植爲鍵門持鑲之

木也淮南本經訓云縣驛房植高誘註植戶植也又主術訓

云橋直植立而不動是植當爲直立之木又卽爲橫鍵所穿

之木也釋文云突木或作校註戶持至埤蒼○正義說文繫

傳引郭註戶持鎖植也監本鑲誤作鎖眾經音義引三蒼云

戶旁柱曰植植亦縣薄柱也

栿廂謂之梁註屋大梁也其上楹謂之椽註侏儒柱也開謂之

楹註柱上構也亦名栿又曰楹栿謂之窠註卽櫨也棟謂之

桴註屋椽栿謂之椽註屋椽栿直而遂謂之閱註謂五架屋

際椽正相當直不受檐謂之交註謂五架屋際椽不直上檐

交於楹上檐謂之栿註屋栿正義此釋梁柱棟栿之異名也

梁也梁一名栿廂者以其大而居中也此爲堂上之梁其前

橫列者爲栿承之者爲楹柱○其上楹謂之椽○說文云楹

柱也繫傳云楹之言盈盈對立之狀釋名云楹亭也亭亭

然孤立旁無所依也齊魯讀曰輕輕勝也孤立獨處能勝任

上重也李如圭云堂之上東西有楹楹之設蓋於前楹之下

是也梁上短柱名椽釋名云椽儒梁上短柱也椽儒猶侏儒

短故以名之也釋文云椽本或作椽禮記疏引李巡云梁上

短柱也包咸論語註云梁上楹也明堂位云山節藻椽鄭註

藻椽畫侏儒柱爲藻文也○開謂之楹○開一名椽太平御

覽引舍人云朱儒下小方木案開在侏儒上說文云開門櫨

櫨也繫傳云斗上承棟者橫之似筭也柱端交楯之處置力

木焉使相接合故謂之楹○栿謂之窠○說文云栿屋栿上

標椽構櫨也繫傳云謂梁上短柱上承屋脊者管仲山桑漢
稅蓋刻此柱爲山形畫兩旁枝梧木爲水藻之文今尙謂此
短柱爲屋山也椽者直立之意桑論語禮記俱作節包咸云
節者柄也鄭註明堂位云山節刻構櫨爲山也疏引李巡云
構櫨一名節皆謂斗拱也釋名云斗在欒兩頭如斗也斗負
上員穩也○棟謂之桴○說文云棟極也桴眉棟名繫傳云
極屋脊之棟也亦謂之危春秋後語魏人將役范痤范痤登
危而說是也桴謂屋前後檐橫棟也眉楣同也案釋名云棟
中也居室之中也極亦訓爲中也棟一名桴是桴者中棟也
檐之橫梁爲楣從中棟之名而亦稱爲桴耳大過九四云棟
隆吉象傳云棟隆之吉不撓乎下也是棟在屋中至高之處
也○榑謂之椽○說文云榑椽也秦名爲屋椽周謂之椽齊
魯謂之榑釋名云榑確也其形細而踈確也或謂之椽椽傳
也相傳次而布列也或謂之椽在桴旁下列衰衰然垂也舊
疏引沈旋集註云齊魯名榑周人名椽本於說文也漸六四
云或得其榑虞翻云榑椽也方者謂之榑春秋莊二十四年
刻桓宮榑穀梁釋文云方曰榑圓曰椽是榑與椽有方圓之
異總名之爲椽也左氏桓十四年傳云以大宮之椽歸爲盧
門之椽襄二十八年傳云子尾抽榑擊扉三又云猶援廟榑
動於費襄三十一年傳云棟折榑崩是椽從棟而分別也○
榑直至之交○此別屋椽長短之異也椽之修長而達於檐
者名闕其不直達於檐者名交以其交於檐上也○檐謂之

檣○說文云檣檣也檣檣也眾經音義引舊註云檣亦檣也說文云楣秦名屋檣也齊謂之檣楚謂之楣釋名云楣眉也近前若面之有眉也是楣在檣端也說文又云闕謂之檣檣廟門也此許君以廣異義疑卽下文闕謂之門之異文也釋名云簷檣也接檣屋前後也徐鉉云俗作簷非是註屋大梁也○正義郭謂之屋大梁所以別於門上之橫梁也○侏儒柱也○正義禮記疏引孫炎云梁上侏儒柱郭註本孫炎淮南主術訓云短者以爲朱儒檣檣高誘註云朱儒梁上戴蹲跪人也○柱上至日楮○正義淮南本經訓云剽抹檣檣高誘註檣檣也說文云檣屋檣也眾經音義引三蒼云柱上方木曰檣一名楮山東河南皆曰檣自陝以西曰楮顏師古漢書註云薄檣柱上檣也今所謂楮也○卽檣也○正義說文云檣柱上檣也高誘淮南註云檣柱上檣卽梁上短柱也釋名云盧在柱端都盧負屋之重也○屋檣○正義說文云檣芴也釋名云檣隱也所以隱檣也或謂之望言高可望也或謂之棟是檣卽棟也又謂之阿士昏禮云賓升階當阿致命鄭註阿棟也○屋椽○正義說文云椽椽也棟椽也是椽一名椽○謂五至檣上○正義鄭註鄉射記云是制五架之屋也正中曰棟次曰楣前曰殿賈疏云中脊爲棟棟前一架爲楣楣前接檣爲殿又云凡屋皆五架李如圭云堂之屋南北五架中脊之架曰棟次棟之架曰楣五架之制通乎上下而其廣狹則異爾案堂有廣狹故椽亦有長短郭以正訓直椽

之長者與屋際正相當其短者不直上於檐則爲交於棟上也○屋椽○正義儀禮疏引孫炎云謂室椽周人謂之椽齊人謂之檐謂承檐行材郭註本孫炎爲義也說文云椽椽也釋名云椽旅也連旅旅也或謂之椽椽椽也椽連椽頭使齊平也上入日爵頭形似爵頭也案椽又謂之字士喪禮云置於宇西鄭註字椽也說文云宇屋邊也釋名云宇羽也如鳥羽翼自覆蔽也是椽者言其相連宇者屋檐下垂之勢也

容謂之防

註形如今牀頭小曲屏風唱射者所以自防隱見周

禮

正義容一名防荀子正論篇云居則設張容負依而坐揚

容也其用之於射則一名乏鄉射禮云乏參侯道鄭註容謂之乏所以爲獲者禦矢也賈疏云容者以革爲之可以容身故云容也乏者謂矢於此匱乏不去故云乏也註形如至周禮○正義此言容與屨異屨如屏風容則如後世所謂小曲屏風施於牀頭者此其異也唱射者卽唱獲者鄉射禮云獲者執旌許諾聲不絕以至於乏是也因其自防隱故謂之防云見周禮者夏官射人治射儀王三獲三容諸侯二獲二容卿大夫一獲一容士一獲一容鄭司農云容者乏也待獲者所蔽也

連謂之窻註堂樓閣邊小屋今呼之窻厨連觀也正義太平御覽引通俗文

云連閣曰窻窻通作該說文云周景王作洛陽諺臺繫傳云該臺猶別館也爾雅註堂樓邊小屋爲窻今云窻厨連觀此

蓋小屋連接大屋觀其表則連於大屋體其實則別爲一區處也趙策云出該門也高誘註該別也是小室連於大屋別

爲門也連通作聯西京賦云聯以昆德是也廣韻云榷窻也榷與連通

屋上薄謂之窻註屋窻正義在椽上而傳於瓦者名窻玉篇云窻危也以其當屋之高處也今南方多

以竹爲之亦有用木者則謂之軒版註屋窻○正義說文云窻迫也在瓦之下芬上釋名云窻迤也編竹相連迫迤也是

屋皆有窻其用諸重屋則用複窻鄭注考工記云重屋複窻也逸周書作維解云常累復格復格其卽所云複窻與廣雅

云格謂之窻張揖以櫨爲窻與郭義殊

兩階間謂之鄉註人君南鄉當階間中庭之左右謂之位註羣

臣之列位也門屏之間謂之宁註人君視朝所宁立處屏謂

之樹註小牆當門中正義此釋朝事儀之所在由內以達外也○兩階間謂之鄉○堂有兩階其東

階曰阼階其西階曰賓階人君嚮明而治其兩階間謂之鄉
曲禮云天子當依而立諸侯北面而見天子曰覲鄭註秋見
曰覲郊特牲云覲禮不下堂而見諸侯案覲禮云天子袞冕
負斧依鄭註南鄉而立以俟諸侯見卽曲禮所云當依而立
也秋覲主義以別等威故與春朝之在廷者不同○中庭之
左右謂之位○聘禮云公揖入立于中庭又云擯者進中庭
又云宰夫受幣于中庭又曰大夫降中庭舉中以見左右也
庭通作廷說文云廷朝中也江永曰治朝外朝皆平地爲庭
無堂無階故謂之朝廷廷者庭中也曾子問諸侯旅見天子
兩霑服失容則廢明在庭中也案位古通作立論語束帶立
于朝卽左傳所謂有位於朝也○門屏之間謂之宁○曲禮
曰天子當宁而立諸公東面諸侯西面曰朝孔疏云天子受
朝于路門外之朝於門外而宁立以待諸侯之至故曰當宁
而立也案天子外屏屏在路門之外是門以外屏以內其間
謂之宁諸侯未集天子佇立於此設屏以蔽內外也諸侯旣
集則出至屏外負屏而立曲禮以負屏爲當宁猶以負依爲
當依也宁通作著左氏昭十一年傳云朝有著定周語云大
夫士日恪位著以儆其官○屏謂之樹○太平御覽引舍人
云以垣當門蔽爲樹禮記疏引李巡云垣當門自蔽名曰樹
荀子大畧篇天子外屏諸侯內屏禮也外屏不欲見外也內
屏不欲見內也淮南主術訓天子外屏所以自障高誘註屏
樹垣也爾雅日門內之垣謂之樹諸侯在內天子在外故曰

所以自障也案高誘所引爾雅舉其義而言之其註呂氏春秋引爾雅屏謂之樹與今本同郊特牲云臺門而旅樹鄭註旅道也屏謂之樹樹所以蔽行道孔疏云以此推之則諸侯內屏在路門之內天子外屏在路門之外而近應門者矣註人君至階間正義儀禮言階間者皆言兩階之間如特牲饋食禮云執事之俎陳于階間士虞禮云饌黍稷兩敦于階間是也郭云當階間者言其南嚮而居中也○羣臣至位也○正義康王之誥云太保率西方諸侯入應門左畢公率東方諸侯入應門右是朝位分左右也舊疏引明堂位云三公中階之前北面東上諸侯之位阼階之東西面北上諸伯之國西階之西東面北上諸子之國門東北面東上諸男之國門西北面東上此以朝於明堂之列位借以證位有左右耳凡治朝外朝羣臣皆以庭之左右爲列位也列位監本誤作側位今從宋本○人君至立處○正義詩疏引孫炎云門內屏外人君視朝所立處也孫意以爲君在應門之內也禮記疏引李巡云正門內兩塾間曰寧李亦以在應門之內正門卽應門門側之堂爲塾故以爲在兩塾此皆以寧爲視朝之處也今知不然者寧爲將視朝佇立之處設屏以蔽內外故釋名云寧佇也將見君所佇立定氣之處也蓋有屏以蔽之則人臣見君者亦可稍立以定氣要以屏之內爲寧也旣出視朝則屏在天子之後矣故郭氏不取門內屏外之說也○小牖當門中○正義鄭註論語云人君有別內外於門樹屏

以蔽之皇侃義疏云今黃閣用板爲鄣古者未必用板或用土今太廟中門內作屏鄣之也案鄭註玉藻云屏謂之樹今釋思也釋名云屏自障屏也采摠在門外采復也摠思也臣將入請事於此復重思之也是鄭言采摠卽外屏也屏以牆爲之郭與李孫義同

闕謂之門註詩曰祝祭於祊正門謂之應門註朝門觀謂之闕

註官門雙闕

註義此釋祭門中門闕門之名也○闕謂之門釋名云門捫也在外爲人所捫摸也左傳疏

引李巡云祊故廟中門名也禮器云爲祊乎外鄭註云謂之

祊者於廟門之旁因名焉是祊爲廟門也闕本或作祊○正

門謂之應門○康王之誥云王出在應門之內爲朝諸侯之

處卽左傳所謂康有豐宮之朝也考工記匠人云應門二徹

參个鄭註云正門謂之應門爲朝門也二徹之內入尺三个

二丈四尺是鄭康成以正門卽朝門也考工記補註云禮說

天子五門皋庫雉應路諸侯三門皋應路失其傳也天子之

宮有皋門有應門有路門路門一日堯門一日畢門不聞天

子庫門雉門也諸侯之宮有庫門有雉門有路門不聞諸侯

皋門應門也皋門天子之外門雉門諸侯之外門應門天子

之中門雉門諸侯之中門異其名殊其等辨等威也天子三

朝諸侯三朝天子三門諸侯三門其數同君國之事侔體合

也朝與門無虛設也君臣日見之朝謂之內朝或謂之治朝或謂之正朝在路門外庭記或謂之外朝與路寢庭之朝連文謂外內也斷獄蔽訟及詢非常之朝謂之外朝在中門外庭以燕以射及圖宗人嘉事之朝謂之燕朝在路寢庭聘禮日公出送賓及大門內周官司儀日出及中門之外廟在中門內明矣○觀謂之闕○說文云闕門觀也釋名云闕在門兩旁中央闕然爲道也禮記疏引白虎通云闕者何闕疑也闕者所以飾門別尊卑也天官太宰云縣治象之法于象魏鄭司農云象魏闕也詩疏引孫炎云宮門雙闕舊章縣焉使民觀之因謂之觀太平御覽引顏容云闕者上有所失下得書之於闕所以求論譽於人故謂之闕矣考工記補註云記日昔者仲尼與於蜡賓事畢出遊於觀之上蜡之饗亦祭宗廟廟在雉門內故出而至觀也春秋桓宮僖宮災火自司鐸踰公宮至桓僖二廟廟適公宮也季桓子至御公立於象魏之外立當遠火也春秋穀梁氏傳曰禮送女父不下堂母不出祭門諸母兄弟不出闕門廟門謂之祭門觀謂之闕亦謂之象魏諸侯設於雉門是以雉門謂之闕門天子蓋設於應門闕門在外祭門在內不出闕門者得出祭門者也註詩曰至於禘○正義小雅楚茨文左傳疏引孫炎云詩云祀祭於禘謂廟門也郭註本孫炎說文云禘門內祭先祖所以徬徨詩曰祀祭於禘或作禘毛傳云禘門內也鄭箋云孝子不知神之所托故使祝博求之平生門內之旁待賓客之處是禘

祭在門內也孔疏云郊特牲日索祭祝於祊註云廟門外日祊又註祊之禮宜於廟門外之西室於此不同者以彼祊對正祭是明日之名與釋俱在門外以廟門謂之祊知內外皆有祊稱也○朝門○正義禮記疏引李巡云宮中南嚮大門應門也大雅縣云迺立應門毛傳王之正朝日應門孔疏云殷代尚質未必曲有等級文王因其制度增而長之以爲天子之制是周以應門爲天子之朝門也明堂位云雒門天子應門言魯之雒門比於應門也○宮門雙闕○正義公羊昭二十五年傳云設兩觀何休註云禮天子外闕兩觀諸侯內闕一觀疏以爲禮緯之文也水經註云孔廟東南五百步有雙石闕是兩觀爲雙闕也

宮中之門謂之闈註謂相通小門也其小者謂之閨小閨謂之

閤註大小異名衙門謂之閤註左傳日盟諸僖閤閤閤頭門

正義此別門所在之異名也○宮中至之闈○說文云闈宮中門也考工記匠人云闈門容小局參个鄭註小局長二尺

參个六尺劉昭續漢志注云禮記古之明堂之禮日膳夫是相禮日中出南闈見九侯門子日側出西闈視五國之事日

闈出北闈視帝節猶爾雅日宮中之門謂之闈王居明堂之禮又別陰陽門南門稱闈西門稱闈故周官有門闈之學師

氏敘以三德守王門保氏敘以六莸守王闈然則師氏居東門南門保氏居西門北門也案劉昭所述以門與闈散文言之耳對文言之則闈爲小門故後漢書注引爾雅作宮中小門謂之闈左氏哀十四年傳云攻闈與大門是闈爲小門別於大門也又鄭註考工記云廟中之門謂之闈士冠禮云冠者降適東壁見于母鄭註云適東壁者出闈門也時母在闈門之外婦人入廟由闈門士虞禮云賓出主人送主婦亦拜賓鄭註云女賓也不言出不言送拜之於闈門之內是宮中廟中俱有闈門也○其小至之闈○說文云闈特立之戶上闈下方有似圭閤門旁戶也公羊宣六年傳云自闈而出者何休註云宮中之門謂之闈其小者謂之闈從內朝出立乎外朝見出闈者知外朝在闈外內朝在闈內可知是闈爲闈之小者闈又闈之小者也公羊傳又云入其大門則無人門焉者入其闈則無人闈焉者是卿大夫之家大門內卽爲闈門也○衙門謂之闈○說文云闈里中道從弼从共皆在邑中所共也篆文作巷闈巷門也左氏成十七年傳云蒙衣乘輦而入於闈昭二十年傳云及闈中疏引孫炎云衙闈道也釋文引廣雅云衙道也聲類猶以爲巷字按離騷云五子用失乎家巷衙卽巷也註謂相至門也○正義公羊疏引孫炎云闈者宮中相通小門也郭註本孫炎○大小異名○正義公羊疏引李巡云皆門戶大小之異郭註本李巡○左傳至頭門○正義襄十一年傳文疏引李巡云衙頭門也郭註本

李巡

門側之堂謂之塾註夾門堂也

正義詩疏引白虎通云所以必有塾何欲以飾門因取其名也

明臣下當見於君必先熟思其事也考工記云門堂三之一鄭註以爲門側之堂也李如圭云門之內外其東西皆有塾

門一而塾四其外塾南鄉案士虞禮陳鼎門外之右七俎在西塾之西註曰塾有西者是空南鄉又士冠禮擯者負東塾

註曰東塾門內東堂負之北面則內塾北鄉也註夾門堂也○正義詩疏引孫炎云夾門堂郭註本孫炎

廩謂之闌註門闔闔謂之扉註公羊傳曰齒著于門闔所以止

扉謂之閣註門辟旁長廩也左傳曰高其閭閣閣長杖卽門

廩也正義此申釋上文廩閣之義因釋闔扉之名也○廩謂

之闔○上云在地者謂之臬臬卽闔也士冠禮云席於門中闔西闔外鄭註云闔楨也曲禮云由闔右李如圭云闔

者門中所豎短木在地者也其東曰闔東其西曰闔西○闔謂之扉○說文云闔門扇也扉戶扇也玉藻云閭月則闔門

左扉吳語云乃闔左闔是闔卽扉也月令仲春之月乃修闔扇鄭註云用木曰闔用竹葦曰扇左氏襄十八年傳云以枚

數闔荀子儒效篇外闔不閉皆言門扉也○所以止扉謂之

閣○說文云閣所以止扉者繫傳云爾雅弋長者謂之閣所以止扉卽今云門頰扇所附著也此申釋上文之義陸本誤作謂之閤諸本俱沿其誤今據郭註改正註門闔○正義說文云柵門闔也繫傳云謂門兩旁挾門短限今人亦謂門限可以施其兩旁謂之檐限古者多乘車故門限必去之也古者君命將出師曰闔以外者將軍制之是也柵猶欵也欵扣也謂人物出入多觸扣之也○公羊至門闔○正義莊十二年傳文○左傳至槩也○正義襄三十二年傳文今本誤作開闔左傳釋文云木或作闔是郭氏所據本也說文云開門也汝南平輿里門曰開闔旣爲門闔亦爲門不當重見作闔者是也郭又云闔長杙卽門槩者嫌人不了故重言之

飯甌謂之甗註甌甗也今江東呼飯甗

正義詩疏引李巡云甗甌一名甗陳風云中唐

有甗是也鄭註考工記云堂涂謂階前若今令甗甗矣賈疏云漢時名堂涂爲令甗甗也合甗則今之塼也甗則塼道也說文作壘飯道也註甗甗至飯甗○正義禮記疏云燒土爲之是甗卽甗也鄭註禮運云瓦甗甗是鄭亦呼爲飯甗蓋堂余及廟中路皆以磚甗之也

官中街謂之壺註巷闔間道廟中路謂之唐註詩曰中唐有甗

堂途謂之陳註堂下至門徑也路旅途也註途卽道也路場

猷行道也註博說道之異名

正義此釋道路之名也○宮中街謂之壺○說文云齋宮中道

壺廣也孔疏以宮中巷路之廣故以壺爲廣也○廟中路謂

之唐○詩疏引李巡云唐廟中路名逸周書作維解云堤唐

山齋孔晃註云唐中庭道也文選註引如淳云唐庭也○堂

途謂之陳○釋名云陳堂塗也謂賓主相迎陳列之處也小

雅何人斯云胡逝我陳毛傳陳堂塗也鄭箋堂塗公館之堂

塗也考工記匠人云堂塗十有二分鄭註分其督旁之脩以

一分爲峻也賈疏云名中央爲督假令兩旁上下尺二寸則

取一寸於中央爲峻蓋磬以輒輒中央稍高起也○路旅途

也○釋名云涂度也人所由得通度也路謂之塗古今通語

也旅者左氏莊二十三年傳云羈旅之臣鄭註地官旅師云

旅猶處也孟子云行旅皆欲出於王之塗旅訓爲途猶賈訓

爲市也釋言云賈市也孟子云商賈皆欲藏於王之市是其

義相通也○路場猷行道也○說文云道所行道也路道也

場者鄭註地官場人云場築地爲壇季秋除圃中爲之詩云

九月築場圃是場與壇義同鄭註祭法云封土曰壇除地曰

壇是築治平地爲場也說文云場祭神道也一日治穀田也

是場卽道也猷者說文作彘云行彘徑也通作繇釋詁已云

繇道也。詳見釋詁。行訓爲道，亦通語也。註巷閣間道。○正義小雅鄭箋云：奄官掌王后之命於宮中，爲近故謂之巷。伯疏引孫炎云：巷舍間道也。王肅云：今後宮稱永巷，是宮內道名也。郭以爲閣間道，以閣爲宮中小門也。○詩曰：至有篋。○正義陳風防有鵲巢，文疏引孫炎云：詩云中唐有篋，郭註與孫炎同。漢宮室有唐中，亦取庭之廣直爲義。故西京賦云：前開唐中，彌望廣濶。○堂下至徑也。○正義詩疏引孫炎云：堂下至門之徑。郭註本孫炎，鄭註鄉飲酒禮三揖云：將進揖，當陳揖。當碑揖是陳在堂下，李如圭以爲其北屬階，其南接門內，霑是也。

一達謂之道路。註長道。二達謂之岐旁。註岐道旁出也。三達謂

之劇旁。謂今南陽冠軍樂鄉數道交錯，俗呼之五劇鄉。四達

謂之衢。註交道四出。五達謂之康。註史記所謂康莊之衢。六

達謂之莊。註左傳曰：得慶氏之木百車於莊。七達謂之劇。駢

註三道交復，有一岐出者。今北海劇縣有此道。八達謂之崇

期。註四道交出，九達謂之達。註四道交出，復有旁通。

正義此釋九達

之途之異名也○一達至道路○說文作一達謂之道釋名云一達曰道路道踏也路露也人所踐踏而露見也○二達至岐旁○釋名云二達曰岐旁物兩爲岐在邊曰旁此道並通出似之也○三達至劇旁○詩疏引孫炎云旁出岐多故曰劇釋名云三達曰劇旁古者列樹以表道道有夾溝以通水潦恆見修治此道旁用功轉劇也○四達謂之衢○公羊疏引李巡云四達各有所至曰衢釋名云四達曰衢齊魯間謂四齒祀爲權權把地則有四處此道似之也左氏定八年傳云及衢而駟大戴禮記子張問入官篇六馬之離必於四面之衢太元達之次五云達於中衢大小無迷測曰達於中衢道四通也○五達謂之康○初學記引孫炎云康樂也交會樂道也釋名云五達曰康康昌也昌盛也車步併列並用之言充盛也○六達謂之莊○初學記引孫炎云莊盛也道煩盛釋名云六達曰莊莊裝也裝其上使高也○七達至劇驂○釋名云七達曰劇驂驂馬有四耳今此道有七比於劇也○八達至崇期○文選註引孫炎云崇多也多道會期於此釋名云八達曰崇期崇充也道多所通人充滿其上如共期也○九達謂之達○說文云道九達道也似龜背故謂之道也文選註引韓詩施于中道薛君云中道道多爲達師此形然也淮南說林訓楊子見達路而哭之爲其可以南可以北道也淮南說林訓楊子見達路而哭之爲其可以南可以北高誘註九達曰達註今南至劇鄉○正義晉書地理志荊州

南陽國冠軍縣今南陽府鄧州西北四十里有冠軍故城○
交道四出○正義荀子註引孫炎云衢交通四出也郭註本
孫炎○史記至之衢○正義史記孟荀列傳云爲開第康莊
之衢集解引爾雅○左傳至於莊○正義襄二十八年傳文
又昭十年傳云又敗諸莊杜註並以莊爲六軌之道非也孟
子云引而置之莊獄之間數年趙註云莊獄齊街里名也蓋
因爾雅以爲名莊獄今在青州府臨淄縣北○三道至此道
○正義詩疏引孫炎云三道旁出復有一岐出者郭註本孫
炎漢書地理志北海郡劇侯國晉書地理志齊國景帝以爲
北海郡無劇縣蓋晉志之踈舛也今青州府昌樂縣有廢劇
縣在縣西五十五里○四道至旁通○正義兔置毛傳達九
達之道左氏隱十一年傳云及大達桓十四年傳焚東門及
大達莊二十八年傳入自純門及達市宣十二年傳入自皇
門至于達路杜註皆以爲達道方九軌也詩疏謂周禮經塗
九軌不名曰達杜註於爾雅不合是也左傳疏又云九出之
道世俗所希不應城內得有此道以記有九軌故以達當之
言並容九軌皆得前達亦是九達之義故李巡註爾雅亦取
並軌之義又涂方九軌天子之制諸侯之國不得皆有唯鄭
城之內獨有其涂故傳於鄭國每言之也案孔氏於詩疏則
從毛傳左氏疏則申杜義五經正義多有自相矛盾者至於
以達爲九軌雖申杜義實未喻杜氏之意杜氏以莊爲六軌
之道以達爲九達之道其意蓋以爾雅所謂六達九達者猶

言六軌九軌云爾孔氏廼謂鄭城之內獨有達路然則左氏於齊國多言莊將以莊爲齊國所獨有乎於魯國多言衢將以衢爲魯國所獨有乎三百篇言周道魯道將以道路爲周魯所獨有乎在杜氏固未嘗以達爲鄭國獨有之名也然杜氏以軌訓達實有不可從者考工記匠人營國國中九經九緯經涂九軌鄭註經緯之涂皆容方九軌是言王城之制又云經涂九軌環涂七軌野涂五軌環涂以爲諸侯經涂野涂以爲都經涂是言上下之等差杜氏欲以匠人之九軌傳合於爾雅之九達則爾雅所謂一達二達者將何以分其等級乎况夫道路者天下之通言也故郭氏釋爲長道若如杜氏以軌訓達則一達之道路僅容一軌豈天下之道路俱若是其陔且長哉劉炫據爾雅以達爲九道交出用規杜過其言誠有依据矣左傳疏又謂說爾雅者皆以爲四道交出復有旁通是諸家之說唯李巡爲異義餘皆與郭註同

室中謂之時堂上謂之行堂下謂之步門外謂之趨中庭謂之

走大路謂之奔註此皆人行步趨走之處因以名云正義人舉足而

行有步趨奔走之異此因其任之處以爲名也舊疏引白虎通云人踐三尺法天地人說文云行人之步趨也步行也趨走也走趨也奔走也此散文言之其義相通也釋名云兩脚進曰行行抗也抗足而前也徐行曰步步補也如有所伺捕

務安詳也疾行曰趨趨赴也赴所至也疾趨曰走走奏也促有所奏至也奔變也有急變奔赴之也此對文言之各有其義也至於賓祭燕饗又各因所莊以爲容也室中謂之時玉篇引作室中謂之跼跼上也案曲禮云室中不翔是室中之容也堂上謂之行者玉藻云行以肆夏鄭註云登堂之樂節也案韓詩外傳載晏子聘魯所謂君行一臣行二者指堂上而言曲禮云堂上接武鄭註云武迹也迹相接每移足半蹀之中人之迹尺二寸是堂上之行容也堂下謂之步者召誥云王朝步自周則至于豐詩疏引鄭註云步行也堂下謂之步豐鎬異邑而言步者告武王廟卽行出廟入廟不以遠爲文恭也是步爲堂下之容書所言則致其恭也曲禮云堂下布武鄭註云武謂每移足各自成迹不相躡所謂步也門外謂之趨者玉藻云趨以采齊鄭註云路門之樂節至應門謂之趨孔疏以爲步迎賓客之事也曲禮云帷簿之外不趨堂上不趨鄭註行而張足曰趨是趨在門外矣中庭謂之走大路謂之奔者大傳云遠奔走周禮疏云庭中走大路奔指助祭者而言又鄭註樂師云行者謂於大寢之中趨謂於朝廷此亦散文言之與爾雅異

隄謂之梁註卽橋也或曰石絕水者爲梁見詩傳石杠謂之猗

註聚石水中以爲步渡猗也孟子曰歲十一月徒杠成或曰

今之石橋

正義此別梁與倚之名也隄謂之梁者說文云梁水橋也穀梁定九年傳云得之隄下周語引夏合

日十月成梁唐會要引王居明堂禮云置梁除道是也石杠謂之倚者說文云倚舉脛有渡也管子輕重甲篇築冬不爲杠夏不束澗以觀凍溺淮南本經訓云積牒旋石以純修倚高誘註修倚曲中水所當處也倚與倚通註卽橋至詩傳○正義郭云卽橋者以木爲之左氏莊四年傳云除道梁澁襄二十八年傳云戕舟發梁淮南繆稱訓云若行獨梁高誘註獨梁一木橋是皆言以木爲梁也見詩傳者衛風有狐云在彼淇梁毛傳石絕水曰梁○聚石至石橋○正義郭云聚石水中謂履石以渡水也衍者漢書註引韋昭云以木渡水曰權顏師古云權者步渡橋爾雅謂之石杠今之畧衍也孟子曰歲十一月徒杠成者離婁篇文舊疏所据爾雅本作十月疑爲脫文今本俱作十一月與孟子同或曰今之石橋者郭氏兩解之

室有東西廂曰廟註來室前堂無東西廂有室曰寢註但有

寢無室曰榭註榭卽今堂堦四方而高曰臺陝而修曲曰樓

註修長也

正義此釋廟寢榭之制併及於臺樓也○室有至曰廟○說文云廟尊先祖兒也釋名云廟貌也先

祖形貌所托也廟之制序牆之外爲夾室夾室之前有東西
廂廂當作箱鄭註公食大夫禮以箱爲待事之處也箱有東
西者觀禮記註云東箱東夾之前特牲饋食禮註云西堂西
夾之前賈疏以爲卽西箱也公羊疏引李巡云謂宗廟殿有
東西小堂也故東箱西箱亦謂之東堂西堂○無東至曰寢
○此言廟之寢也月令云寢廟畢備鄭註凡廟前曰廟後曰
寢孔疏云廟是接神之處其處尊故在前寢衣冠所藏之處
對廟爲卑故在後寢之制有正室而無東西箱也○無室曰
榭○禮記疏引李巡云但有大殿無室名曰榭書疏引孫炎
云榭但有堂也左氏宣十六年傳云成周宣榭火杜註宣榭
講武屋爾雅曰無室曰榭謂屋歇前孔疏云歇前者無壁也
如今廳事也上文云有木者謂之榭爲臺上起屋屋中可以
藏物與此異也○四方至曰臺○說文云臺觀四方而高者
釋名云臺持也築土堅高能自勝持也何休公羊註引禮說
云天子有靈臺以候天地諸侯有時臺以候四時初學記引
五經異義云天子有三臺靈臺以觀天文時臺以觀四時施
化園臺以觀鳥獸魚鼈諸侯卑不得觀天文無靈臺但有時
臺園臺也詩疏引服虔左傳註云天子曰靈臺諸侯曰觀臺
是皆爲四方而高者也與上文閣謂之臺有別○陝而至曰
樓○說文云樓重屋也釋名云樓謂牖戶之間有射孔樓樓
然也月令云可以居高明鄭註高明謂樓觀也樓之制陝而
長曲說文云陝隘也釋文云俗作伎註夾室前堂○正義公

羊疏引孫炎云夾室前堂郭註本孫炎謂夾室之前東西有
堂也○但有大寢○正義郭意以爲大寢無旁室也或云爾
雅祇言無東西廂則仍當有夾室○修長
也○正義方言云修長也陳楚之間曰修

皇清經解卷五百零九終

漢軍生員樊封校